

Муассислар:  
**Ўзбекистон Ёзувчилар ўюшмаси,  
“Kamolot” ёшлар ижтимоий ҳаракати**

1982 йилдан чиқа бошлаган.

Жамоатчилик кенгashi раиси:

**Абдулла ОРИПОВ**

Жамоатчилик кенгashi:  
**Қаҳрамон ҚУРОНБОЕВ**  
**Азамат УМАРОВ**  
**Аҳмад ОТАБОЕВ**  
**Абдуваҳоб НУРМАТОВ**  
**Феруза МУҲАММАДЖОНОВА**  
**Шуҳрат СИРОЖИДДИНОВ**

Таҳрир ҳайъати:  
**Муҳаммад АЛИ**  
**Иқбол МИРЗО**  
**Сирожиддин САЙИД**  
**Ўрзобой АБДУРАҲМОНОВ**  
**Фарруҳ ЖАББОРОВ**

Бош мухаррир:  
**Нодир ЖОНУЗОҚ**

Бош мухаррир ўринбосари:  
**Нурилла ЧОРИ**

Масъул котиб:  
**Ориф ТОЛИБ**

Масъул мухаррир:  
**Элёр МУРОД**

Мухаррир:  
**Ғиёсiddин ЎНАРОВ**

Бадиий мухаррirlар:  
**Акбарали МАМАСОЛИЕВ**  
**Рахматжон ЮНУСОВ**

Фотограф:  
**Рустам НАЗАРМАТ**

**Манзилимиз:**  
Тошкент шаҳри,

Ўзбекистон шоҳхўчаси, 16-“а” уй.  
E-mail: yoshlirk-jurnali@umail.uz

Тел/факс: (0371) 227-0-227,  
245-5-793, 245-0-552

Навбатчи мухаррир: F. Ўнаров  
Босишига 01.12.2016 йилда руҳсат берилди.  
Қоғоз формати 60x84 1/8.

Нашириёт хисоб тобоги 8.7. Индекс 822.

ISSN 0207-9137. Журнал 2007 йил 4 майда  
Ўзбекистон Матбуот ва ахборот агентлиги  
томонидан № 0253 рақами билан рўйхатга олинган.

Журналдан кўчириб босилганда

“YOSHLIK”дан олинди” деб изоҳланishi шарт.  
“SILVER STAR PRINT” МЧЖ босмахонасида чоп этилди.

Буортма № 72. Адади 2800 дона.

Тошкент шаҳри, Учтепа тумани, 22-мавзе, 17-уй.

## “Ўз вужудингга тафаккур айлагил...”

Мустақиллик йилларида энг кўп ишлатилган иборалардан бири ўзлини англаб бўлса ажаб эмас. Матбуотда, телевидениеда, турли маърузалару рисолаларда бу ибора қайта-қайта тилга, қаламга олинади. Бу табиий, албатта. Чунки Истиқлол туфайли кўз ва онглардаги алвон пардалар кўтарилиб, ҳалқ ўз ўтмиши, бугуни ва эртасига ҳаққоний нигоҳ ташлай бошлади. Қисқача айтганда, ўзининг асл маънавий-руҳий қиёфасини таниди.

Савол туғилади: ўзликни англаш нимадан бошланади?

Жавоблар турлича ва уларнинг ҳаммасида жон бор. Ана шу холосалар ичida бир мулоҳазага алоҳида тўхталгимиз келди. Яъни: ўзининг қандай истеъдод, қобилият билан дунёга келганини ичдан идрок этган ва бор кучини шу йўлда сарф қилган инсонгина чин маънода ўзини англай олиши мумкин. Ҳа, бу дунёда истеъдодсиз кишининг ўзи йўқ. Яратган ҳар бир инсонни муайян бир устунлик, қобилият билан куроллантирган. Барча касбу ҳунарлар инсонлардаги ана шу ўзига хослик – бетакор қобилиятдан куч, ривож олади. Ва кимда-ким ўз қобилиягини, салоҳиятини вақтида англаб, шу йўлда қунт билан таҳсил олса, ўз олдига улкан мақсадлар кўйиб, шу йўлда жидду жаҳд қилса, албатта, муродига етади – эл ичida ўз ишининг устаси деб тан олиниб, хурмату эъзоэга сазовор бўлади, ўзини ҳам, бошқаларни ҳам саодатманд қиласди.

Ватанимиз тарихидаги буюк шахсларни хаёлан бир-бир кўз олдимииздан ўтказайлик. Зиммасига тарих қандай улуғвор вазифа юклайтганини ва ўз курбу салоҳиятини теран англаб етгани, бу йўлда ҳеч иккиланмагани учун Амир Темур бобомиз мисли кўрилмаган зафарларга эришди. Тангри томонидан ниҳоятда ноёб истеъдод билан мукофотланганини ҳис қилган Алишер Навоий бир умр Сўзга, эътиқодига содик қолди ва шу боис Маликул калом деган рутбага соҳиб бўлди. Келтираман десак, мисоллар кўп.

Шубҳасиз, бугун туғилаётган, вояга етаётган ўғил-қизларнинг тийнатида ҳам улуг аждодларимизга хос қувват, қобилияtlарнинг уруғи, илдизи яширин. Ҳамма гап – ўша истеъдод куртакларини вақтида илғашда ва уни намоён қила олишда. Яхши мураббий бўладиган инсон – нўноқ савдогар, қули ширин ошпаз – чала хонанда, моҳир шифокор – қалами тўмтоқ журналист, яхши тикувчи ё ҳайдовчи бўлиши мумкин бўлган киши ўртамиёна актёрга айланса, бундан кимга фойдау кимга зиён? Албатта, ҳеч кимга фойда эмас. Ўша шахснинг ўзига, яқинларига ва унга ишонган, катта маблағу имкониятларни сафарбар қилган жамиятга кони зиён, холос. Энг ёмони, кўплаб ижтимоий, маънавий, маишӣ муаммоларнинг илдизи ҳам ана шу омилга – инсон ўз қобилияти, салоҳиятини тўғри баҳоламагани ва охир-оқибат жамиятда ўз ўрнини топмаганига бориб тақалади.

Халқимизда “Кўнглиңг буюрган ишни қил” деган гап бор. Кўнглимиз ўзимиз, истеъдодимиз ҳақида тўғри маълумот, хабар беради, аммо ҷалғитувчи ҳо Ѹаваслар шовқини остида уларни кўп ҳолларда эшитмай қоламиз. Баъзан эшитсан ҳам, атрофимиздагиларнинг беруҳ, совуқкон муносабати туфайли улардан осонгина воз кечамиз. Натижা эса – маълум....


Бугун илм-фан, спорт, санъат, тадбиркорлик ва бошқа соҳаларда муваффақият қозонаётган, юртимиз шаънини ҳалқаро миқёсда юксалтираётган ёшларни кўриб хурсанд бўламиш. “Шундай истеъоди, қобилияти бор, қандай омадли-я!” деб уларга ҳавасимиз келади. Аслида, сал аввал таъкидлаганимиздек, истеъдодсиз кишининг ўзи йўқ. Фақат, ўз салоҳиятига тўғри “ташхис” кўйиб, тўғри қарор қабул қилган ва ўз устидаги тинимсиз ишлаган кишигина муваффақият қучади.

Бугун мамлакатимиз ёшлари исталган соҳада ўзларини намоён қилишлари мумкин, бунинг учун етарли шарт-шароитлар мавжуд. Фақат кўнгил “компас”ига қараб йўналиш тўғри белгилаб олинса ва бу йўлда азму шижаот кўрсатилса, бас. Зеро, ҳазрат Навоий айтганидек:


Ўз вужудингга тафаккур айлагил,

Ҳар не истарсен, ўзингдин истагил.

# МУНДАРИЖА



33



№ 11 (306), 2016 й.

## НАЗМ

**6 Ҳалима Худойбердиева**

Бир сатрлар келади  
жонбахш

**36**

**Муҳиддин Омон**

Чорлаётир, ахир,  
бахтимиз!

## ХОТИРА

**9 Умарали Норматов**

Эл-юрга, шеърията  
бахшида умр

**18**

**Исајон Султон**

Генетик

## ҚҮЛЁЗМА

**32 Ибройим Юсупов**

"Дамбермас"

## НИГОҲ

**33**

Одил, диёнатли адаб

## ЭЪТИБОР

**52 Эргаш Жабборов**

Маррани баланд олган  
авлод

## МУШОҲАДА

**55 Шаҳноза Тўракўжаева**

Ўзбек шеърияти  
ижтимоий тармоқларда

## УЧРАШУВ

**60 Шавкат Жўрабек**

Қалбда таниш ҳислар  
уйғонди

## САБОҚ

**62 "Буюк одамлар ҳеч қачон  
ношукр бўлмайди"**



## Қутлуғ даргоҳдаги сабоқлар

**У**

Ўзбекистон Ёзувчилар уюшмаси ёш ижодкорларнинг “Истеъдод мактаби” семинарини анъанавий тарзда ўтказиб келяпти. Бу йил саккизинч бор ташкил этилаётган семинарнинг республика босқичида назм, наср, болалар адабиёти, адабий таңқид, бадиий публицистика, бадиий таржима ва драматургия йўналишларида ўттиздан ортиқ ёш ижодкор иштирок этди. Анжуман 23-25 ноябрь кунлари “Дўрмон” ижод уйида бўлиб ўтди. Унда Тошкент шаҳри, Қорақалпоғистон Республикаси ва вилоятларда истиқомат қилаётган ўттиз беш нафар ёш ижодкорнинг ижодий ишлари кўриб чиқилди.

– Кўлига қалам олиб, адабиёт бўстонига қадам қўйган ҳар ижодкорнинг орзузи – устоз адилларга илҳом бахш этган “Дўрмон ижод боғида бўлиш”, – деди Ўзбекистон Ёзувчилар уюшмаси раиси, халқ ёзувчisi Муҳаммад Али. – Бу қутлуғ даргоҳда ҳар йили ўтказилаётган “Истеъдод мактаби” ўқув-семинарлари чинакам илҳом сарчашмаси, чинакам дарсхона, улуғ ижодхона вазифасини ўтамоқда. Ўзбекистон Ёзувчилар уюшмаси томонидан “Ижод” фонди маблағлари ҳисобига ҳар йили

ёш ижодкорларимизнинг ilk китоблари йигирма минг нусхадан чоп этилиб, мамлакатнинг барча ўқув даргоҳларига бепул тарқатилаётгани – истиқлол йилларида истеъдодли ёшларга кўрсатилаётган фамхўрликларнинг ёрқин намунасиdir.

Юртимизнинг турли ҳудудларида яшаб, ижод қилаётган ёш истеъдодларни кашф этиш ва уларга ҳар томонлама фамхўрлик кўрсатиш – Ўошманинг доимий дикқат-эътиборида. Бундан йигирма йил олдин – 1995 йили Жиззах вилоятининг хушманзара Зомин туманида илк бор ёш ижодкорларнинг республика семинари ўтказилган эди. Шундан сўнг Қорақалпоғистоннинг Элликқалъа, Қашқадарё вилоятининг Шахрисабз туманларида уюштирилган ёшлар семинарлари ёш ижодкорларга катта илҳом берди, уларни юзага чиқарди.

“Истеъдод мактаби” VIII семинари ҳам иштирокчиларда катта таассурот қолдирди, адабиёт ҳақидаги тасаввурларини бойитди, уларга олам-олам завқ берди. Навбатдаги саҳифада семинарда қатнашган ёш ижодкорларнинг машқлари ва анжумандан олган таассурлари билан танишасиз.



### Гулрух Худоёрова

1991 йили тугилган. Алишер Навоий номидаги Тошкент давлат ўзбек тили ва адабиёти университети ўзбек филологияси факультети магистранти.

“Истеъодд мактаби” семинари ҳақида тенгдошларимдан эшиитар эканман, ҳар сафар уларга ҳавас билан боқиш баробарида менда ҳам шу семинарда иштирок этиш орзуси пайдо бўлган эди. Бу йил орзум амалга ошиди. “Истеъодд мактаби” VIII рестпублика ёш ижодкорлар семинарида назм йўналиши бўйича иштирок этдим. Бир неча кунлик ижодий мулоқотлар натижасида юртимизда истеъододли, адабиётни чинакамига севадиган ёшлар кўп эканлигига яна бир карра гувоҳ бўлдим. Устозларнинг самимий сухбатлари нафақат менда, ўйлайманки, мен қатори семинарда иштирок этган барча тенгдошларимизда катта таассурот қолдирди. Тенгдошларимизнинг шеърларини тинглаб, кези келганда ўз камчилкларимни ҳам билиб олдим. Бу семинар биз учун тажриба мактаби бўлди, катта илҳом берди. Ўйлайманки, олган таассуротларимиз ҳали узоқ йиллар бизга йўлдош бўлади, қалбимизни шульлантириб туради.



### Сарбиназ Турешова

1994 йили тугилган. Қорақалпоқ давлат университети талабаси.

– Ҳамма нарсанинг биринчиси ўзгача, бетакор таассуротларга бой бўлади. “Дўрмон” ижод уйида кечган адабиёт байрами ҳақида ҳам шундай дейиш мумкин. Бу ерда кечган анжуманда биринчи бор иштирок этаётган тенгдошларимиз келажакда бундан-да ийрик адабиёт байрамларида қатнашишига шубҳа қилмайман. Лекин уларнинг қалбида Дўрмон семинари умрбод сақланиб қолиши шубҳасиз.

Мен семинарда бадиий публицистика йўналиши бўйича иштирок этдим. Таниқли публицист Сайди Умировдан кўп нарсаларни ўргандим. Келажакда ижодий фаолиятимда аскотадиган қимматли маслаҳатлар олдим. Имкони бўлса, келгуси семинарларда ҳам жон деб қатнашардим.

Биз каби ёшларга шундай шароитлар яратиб бераётган, адабиёт аҳлини ҳар томонлама қўллаб-кувватлаётган давлатда яшаётганимиздан бенихоя баҳтиёрмиз.



### Элбек Жуманов

1986 йили тугилган. Қарши давлат университетининг ўзбек филологияси факультетини тугатган.

Эл ардоғидаги машҳур шоири ёзувчилар, адабиётшунос олимлар билан учрашиш, улар билан жонли мулоқот қилиш ижодий ва илмий фаолиятимизда эврилиш ясаши шубҳасиз. Устоз адибларнинг умид ва ишонч билдириган мулоҳазалари, самимий эътирофлари, кези келганда ўринли ва аёвсиз танқидлари ўзимизга четдан назар солиш имкониятини яратди.

Улуғ аждодларимиз, жаҳон адабиётининг энг етук намояндларининг асарлари, шахсияти, ҳаёт йўли ҳақида кўпроқ билганинг сари ҳали қанча изланишишинг, ўрганишишинг кераклигини ҳис этасан киши.

Рост туйғулар, тоза кўнгил, юксак орзулар ҳақида ёзилган асаргина узоқ яшайди, муҳаббат, бағрикенглик, ҳаётсеварлик каби умуминсоний қадриятларни улуғлаган китоблар замон ва макон чегараларидан ўта олади. “Истеъодд мактаби” семинари бизга бу ҳақиқатни яна бир карра уқтириди.



**Вазира Иброҳимова**  
1993 йили тугилган. Ўзбекистон давлат жаҳон тиллари университетининг халқаро журналистика факулъетини тугатган.

Семинарда қатнашиб, ада-биётга, ижод оламига кириб келаётган ҳар бир ёш ижодкорга катта умид билан қараётганини англадим. Устозлар ҳам, китобхонлар ҳам биздан янги фикр, янгича оҳанглар, самимийлик ва табиийликни кутишади.

“Бадиий публицистика” йўналишидаги машғулотларда, Сайди Умиров, Аҳмаджон Мелибоев каби журналистикамизнинг забардаст вакиллари сұхбатидан, ўғитларидан баҳраманд бўлдим. “Публицистикада фақат ҳис-туйғунинг ўзи етарли эмас. Факт ва далиллар, хужжатлилик ҳам муҳим ўрин тутади”, дейди Сайди Умиров.

Семинар давомида яна бир катта сабоқ хотирамга муҳрланди: адабиётга ниманингdir илинжида ёки тама билан кириб бўлмайди. Юракдан чиқсан самимий мисралар, албатта, юракларга етиб боради, чуқур билим ва мушоҳадага асосланган асарлар бошқаларни ҳам ўйлашга, фикрлашга ундаиди.



**Шоҳсанам Нишонова**  
1995 йили тугилган. Ўзбекистон давлат жаҳон тиллари университетининг халқаро журналистика факулъетини талабаси. 2016 йили “Юрт келажаги” танлови голиби бўлган.

Устозларнинг изи қолган куттуғ Дўрмон бοғига боришни, “Истеъодод мактаби” семинарида қатнашишни истамаган ёш ижодкор бўлмаса керак. Бу йил менга ҳам иштирокчи бўлиши насиб қилди. Тўғриси, Дўрмонга биринчи келишим эмас, лекин ҳар доимгидек кўнглимни кучли ҳаяжон чулғади. Уч кун давом этган семинарда Муҳаммад Али, Энахон Сиддиқова, Саъдулла Ҳаким каби устозлар имтиҳонидан ўтиб, ютуқ ва камчиликларимизни билиб олдик. Юртимизнинг турли ҳудудларидан келган ёшлар билан дўстлашдик. Бу семинар бизни янада бирлаштирди, илҳом бағишилади. Учрашувлар барчамизнинг қалбимизда чуқур таассурот қолдириди. Бир сўз билан айтганда, Дўрмонда ўтган ҳар бир кун умрбод эсда қоларли, асрга татигулик кун бўлди.



**Мансур Жумаев**  
1991 йили тугилган. Ўзбекистон давлат жаҳон тиллари университетининг халқаро журналистика факулъетини тугатган.

Семинар илк дақиқаларида оқибати қалбимга бекиёс ҳаяжонлар солди. Дастреб Навоий бобо ҳайкали пойига гул қўйдик, сўнг Чифатой қабристонига бориб, устозларимиз Эркин Воҳидов, Абдулла Ориповнинг қабрларини зиёрат қилдик. Сўнг “Дўрмон” ижод уйига йўл олдик.

Асарлар муҳокамалари, мунозаралар, тортишувлар ва танқидлар... Буларнинг бари бир умр эсдан чиқмайдиган гўзал хотиралар бўлди мен учун. Устозлардан олган сабоқларимиз, тенгдошларимиз билан кечган мушоираларни энди соғиниб-соғиниб эслаймиз. Ижодий ва ижобий рақобат, шеърхонликлардан кўп нарса ўргандим: кимдан-дир қандай ёзишни, кимдан-дир қандай ёзмасликни. Хурсандчилигимнинг яна бир сабаби, энди республикамизнинг ҳар битта вилоятида, шаҳару қишлоқларида дўстларим бор. Ҳамқалам, ҳамқадам, ҳаммаслак дўстларим.

Биз ёшларга ана шундай унугтилмас дамларни тухфа қилган барча-барчага ташаккур айтаман.

**Орифжон МАДВАЛИЕВ**  
тайёрлади.



**Ҳалима  
ХУДОЙБЕРДИЕВА,**  
Ўзбекистон халқ шоири

1947 йили туғилган.  
Тошкент давлат  
университети(ҳозирги  
ЎзМУ)нинг журналистика  
факультетини тамомлаган.  
“Илк мұхабbat”, “Оқ  
олмалар”, “Чаман”,  
“Суяңч тоғларим”, “Бобо  
қүёш”, “Иссик қор”,  
“Садоқат”, “Мұқаддас  
аәл”, “Юрагимнинг оғриқ  
нуқталари”, “Хурлик ўти”,  
“Бу күнларга етғанлар  
бор”, “Тўмариснинг  
айтгани”, “Сайланма”, “Буюк  
кушлар” каби китоблари  
ўқувчиларнинг күнгил  
мұлкига айланған.

# Бир сатрлар келади жонбахш

## Ватанга арзийсан

Толиққанлар кўксингда бургутларинг,  
Ўчиб бўлган гуриллаган ўтларинг.  
У чақирса... зумда чўглана олсанг,  
Шунда, шунда сен Ватанга арзийсан.

Шон бермоқ-чун бир парча чўл, ё тоқقا,  
Жон бермоқ-чун шу Ватанини олмоққа,  
У чақирса... зумда ўқлана олсанг,  
Шунда, шунда сен Ватанга арзийсан.

Бир кун қабрда ётсанг ҳамки поймолсан,  
У чақирса... зумда тиклана олсанг,  
Ерсан, аммо учиб, кўклана олсанг,  
Шунда, шунда сен Ватанга арзийсан.

## Бешик қошида

Набирам Мирзо Аниварга

Оёқ-қўли бешикка  
Боглиқ болам, тургайсан.  
Ҳали сенинг измингда  
Юргай олам, тургайсан.

Сен йўлга кетарсан деб,  
Ҳозирлик кўрар карвон.  
Осмоннинг пештоқига  
Сен деб қўйилар нарвон.

Суянчигим, тоглигим,  
Заргаримсан, заримсан.

Бугун ерда боғлиг-у,  
Эрта қўқ оларимсан.

Бешигинг тик, қўшиқанот,  
Гуллари ўйдим-ўйдим.  
Исириқ солиб бомдод,  
Кўзмунчоқ тақиб қўйдим.

Үйқунгга назар солдим,  
Болишинг парқу парлар.  
Ботирлар ҳам жанг олди  
Сендан мизгиб оларлар.

## Мендан кўнглинг розими?

Сени минг йилдан буён  
Севаманми, билмайман,  
Чоҳу-чангалзорлардан бирга ўтган сен бўлдинг.  
Аёлми ё юқ ортган теваманми, билмайман,  
Мендан олдин юкларга елка тутган сен бўлдинг

Биз бир-биримиз учун тушган эдик қўклардан,  
Эгилмадингми, жоним, елкадаги юклардан?!

Яхши хотин бўлмадим,  
Баъзан қилмай иложин  
Боқсам, кийган кўйлагинг русумдан чиқаёзган.  
Қўз ёшимдан сув сепиб, супурги қилиб сочим  
Йўлларинг супурганим эсимдан чиқаёзган.

Руҳингга кирмай ўзга олам билан оввора,  
Болам билан оввора, қалам билан оввора.

Эсли хотин бўлмадим,  
Эсларингни оғдиридим,  
Зўр ишлар қолиб рўзгор икир-чикирларига.  
Бўлар-бўлмасга қўз ёш жолаларим ёгдиридим,  
Армонлар кетган чиқар кўнгил чуқурларига.

Тоқатингга тош отсан, симлар қоқиб ишингга,  
Унуган аёлларинг кирмадими тушингга?!

Ёрижон-а, дengизда кемамизнинг сардори,  
Мендан олдин гўдаклар кўзларингдан ўпдими?  
Сенга юрак дориси топиб қўйдим, зўр дори,  
Уни аввал мен, кейин Сен ичасан, бўптиими?

Аввал бир-бировга гул илинардик. Гул пайти,  
Энди дори. Ишқилиб, илинмай кун ўтмайди.

Мен ўзимдан норози. Сенинг кўнглинг розими?  
Айт, эй кўнглимнинг ёзи, сенинг кўнглинг розими?  
Сенга айтар гапимни ёз десам қўлларимга,  
Минг бир қайтариб ёзди. Мендан кўнглинг розими?

Суякни ёрат оҳим, мендан кўнглинг розими,  
Бошимдаги паноҳим, мендан кўнглинг розими?

## Барг тушмади ерларга...

Онам ўлди. Бор дарёлар  
Курийди деб қўрқдим мен.  
Бутун олам қора кийди,  
Кўк кийди деб қўрқдим мен.

Ҳар гуллаган бoggчаю боғ  
Ўт олгайдир мен кирган чоғ,  
Руҳ, вужудим бошдан-оёқ  
Чўг кийди деб қўрқдим мен.

Тошлар синдириди танамни,  
Ажал чопди пешонамни.  
Энди қушлар фақат гамни  
Чўқийди деб қўрқдим мен.

Қаролиглар шамни енгди,  
Тўзгинликлар жамни енгди.  
Кўзим фақат гамни энди  
Ўқийди деб қўрқдим мен.


Аммо...  
Ё ра-аб!  
Гул-гул. Қуши-қуши –  
Барг тушмади ерларга  
Мен кезарман танҳо, беҳуши  
Тушунмай бу сирларга...

Онам ўлди. Бор дарёлар  
Курийди деб қўрқдим мен.

## ТАСКИН

Дунё – гирром. Аммо ҳалол  
Дўст бор. Топсанг бўлади.  
Худди офтоб, худди ҳилол  
Сўз бор. Ўпсанг бўлади.

Дунё бири камлигидан  
Дод солмагин, биродар.  
Кетар чоғ ҳам тобутингга  
Бўз бор. Ёпсанг бўлади.



## Мангу порлар ўт

Саид Аҳмад ва Саида Зуннуновага

Саидахон, Саидахоним,  
Сизни десам титрайди жоним.  
Гарчанд ҳижон, кўздан нарисиз,  
Қандоқ малак, қандоқ парисиз.  
...Узун ҳаёт бўлди қўприк, қил,  
Бир жононга беролмади дил.  
Тушларида севиб, ийдирив,  
Ўнгларида ўтда куйдирив,  
Бир эркакни этдингиз сарсон!  
Юз ўил куиди Сиз учун бир жон.  
Яна кимни –  
Эркакларнинг шўх, жононини –  
Ўзбекистон Қаҳрамонини!  
Булар ҳазил, чиндан келайлик,  
Уй қўрмади бошқа бир қайлик.  
Қувонч-гами қўшу қўши бўлди,  
Ёстигининг ярми бўши бўлди.  
Тўлдиргувчи, ўлдиргувчи ишқ,  
Узун умр унга тушиб бўлди.  
Саидахон тунда у билан,  
Тонгда учиб кетар қушиб бўлди!  
Омон бўлсин, жуфтни ҳалоли,  
Ундан ёдгор Нодира – боли,  
Деб бор умрин тиколган Инсон  
Шул қадарли юксалган Инсон!  
... Ёдга тушар қалтис йилларни  
Тигда юриб ўтказганлари.  
Ёлғизликнинг тунларин тошда,  
Михда юриб ўтказганлари.  
Ўтди, қувиб гам-шон ўтдиilar,  
Ҳар довоңдан полвон ўтдиilar!  
Ўтди, аммо бир оҳ ўтмади,  
Юрагидан бир доз ўтмади.  
Шеър саҳнидан бошқа бир сокин  
Саидадай булоқ ўтмади.  
Бир замонга, ўзинг айт, Аллоҳ,  
Бу икки ўт сигмадими ё?!  
Гарчанд ҳижрон, гарчанд фироқсиз,  
Эл онгида ёнган чироқсиз.  
Мангу порлар ўт – икки жоним,  
Саид Аҳмад, Саидахоним!

## Йигладим

Аъзам ўқтам хотирасига

Бўйдор бир дўст кетди,  
Келди бўйдор гам,  
Куюндим. Бўтадай бўзлаб йигладим.

Айрилиқ – юк. Босди.  
Фичирлаб синдим,  
Куюн ичга урди. Музлаб йигладим.

Фақат олдга оқар дарё эканимиз,  
Қайтмас дарёларни излаб йигладим.

Рўзи маҳшардами энди қўришмоқ..  
Ўзим ўз-ўзимга сўзлаб йигладим.

Ҳазин-ҳазин найнинг ноласи келди,  
Менам шул нолага мослаб йигладим.

Бу кеч тик теракка суюнганимча  
Кетган дўстларимни эслаб йигладим.


## Хаёл сурсам...

Мен хаёллар сурсам Лайлеваши,  
Терак қўллар, тоз ҳам қўллайди.  
Бир сатрлар келади жонбахши,  
Тику қадди дол ҳам қўллайди.

Фақат баҳтга юзин бурганмас,  
Дил ярим, беҳол ҳам қўллайди.  
Фақат қўкда учиб юрганмас,  
Тўшак тортган шол ҳам қўллайди.

Умматимнинг рапхон иси деб,  
Пайгамбари ҳалол қўллайди.  
Биби Фотимамнинг қизи деб,  
Азончи қул Билол қўллайди...

Мен хаёллар сурсам Лайлеваши,  
Терак қўллар, тол ҳам қўллайди...



# Эл-юрга, шеърията бахшида умр




2016 йилнинг айни ёзида Эркин Воҳидов, кузида эса Абдулла Ориповнинг орамиздан кетиши миллий адабиётимиз, қолаверса, озод юртимиз учун оғир жудолик бўлди. Ўтган XX аср иккинчи ярми – янги аср бошларида миллий адабиётимиз, аниқроғи, шеъриятимиз ривожи, унинг етакчи тамойилларини бу икки улкан шоир бисотисиз тасаввур этиш асло мумкин эмас.

Бу икки аллома ижоди ҳақида ҳаётлигига кўп илиқ гаглар айтилди, ёзилди, айрим асарлари теварагига қизғин баҳс-мунозаралар ҳам бўлиб ўтди. Ҳар иккисининг ижод намуналари аллақачон мактаб ва олий ўкув юрти адабиёт дарсликларидан ўрин олган, асарлари қайта-қайта нашр этилган, ўзга тилларга таржима қилинган.

Ҳар икки шоир ижодий тақдиррида улар таълим олган, ҳозирда Миллий университет деб аталадиган қутлуғ даргоҳда шаклланган адабий-илмий доира ҳамда айни ўша кезлари янги авлод ижодкорларини ўзига мафтун этган жасур адаб Абдулла Қаҳҳор муҳитининг ўрни-аҳамияти беқиёсdir.

**Умарали НОРМАТОВ,**  
филология фанлари  
доктори, профессор.

1931 йили туғилган. Тошкент давлат университети(ҳозирги ЎзМУ)нинг филология факультетини тамомлаган.  
“Насримиз уфқлари”,  
“Етуклик”, “Қалб инқилоби”,  
“Қодирий боги”, “Умидбахш тамойиллар”, “Тафаккур ёғдуси”, “Қаҳҳорни англаш машақати”, “Қўнгилларга кўчган шеърият”, “Устоз ибрати”, “Ижод сехри”,  
“Ижодкорнинг дахлсиз дунёси” каби китоблари нашр этилган.



Ажаб ҳолат: ўша кезлари университет филолог талабаларига дарс берган Матёқуб Кўшжонов, Озод Шарафиддинов каби устозлар айни Абдулла Қахҳор мұхитининг одамлари эди. Фақат Эркинжон, Абдуллажон эмас, ўша кезлари университетда таълим олган Саида Зуннунова, Одил Ёқубов, Пиримқул Қодиров, Худойберди Тўхтабоев, Шукур Холмирзаев, Ўлмас Умарбеков, Ўткир Ҳошимов, Рауф Парфи, Ойдин Ҳожиева каби бутун бир адабий авлод айни шу мұхит фарзандлари, дарғалари, издошларидир.

Абдуллажондан бой адабий мерос қолди. Ҳали унинг ижодий йўли, асарлари ҳақида кўплаб илмий тадқиқотлар олиб борилади. Мен бу ерда ўзим бевосита шоҳид бўлган шоир шахсияти – ундаги ноёб истеъдоднинг замондош устоз адиллар томонидан эътирофи, айрим асарларининг яратилиш тарихи, миллат маънавияти равнақидаги бекиёс аҳамияти, китобхонлар ҳаётидаги таъсир кучи хусусидаги айрим лавҳаларни келтириб ўтсан...

## Жуссадан катта юрак

1967 йил май ойининг бошлари. Илк ҳикоялари билан Абдулла Қахҳор назарига тушган

истеъдодли ёш ёзувчи, кинорежиссер Учқун Назаров устоз адил таваллудининг 60 йиллигига бағишиланган хужжатли фильм устида қизғин иш олиб бораётган кезлар. Фильмнинг "Абдулла Қахҳор ижодкор дўстлари, шогирдлари даврасида" лавҳасини, адилнинг илтимосига кўра, унинг Дўрмондаги боғ ховлиси ёнида, ёзувчилар ижод уйига кираверишдаги ариқ бўйида, азamat арғувону чинорлар соясида суратга тушириш режалаштирилган эди. Белгиланган дақиқаларда, чошгоҳ пайти суратга олиш учун таклиф этилган, адил қўнглига яқин олган ижодкорлар жамулжам бўлдик. Аксига олиб, худди "Минг бир жон" ҳикоясида тасвирланганидек, кўк юзида сузиг юрган булат парчалари офтобни бир зумда юз кўйга соляпти. Чарақлаб турган қуёш бирдан булат орасига киради-ю, теварак-атроф хиралашади. Офтоб ҳар сафар булат остига кириб чиққанида, баҳор келганидан бехабар, ҳануз рафлатда ётган ўт-ўланни, қумурсқаларни уйғотмоқчидай аввалгидан ҳам ёругроқ, аввалгидан ҳам иссиқроқ шуъла сочаётгандай туюлади. Бундай манзаранинг ҳам ўзига хос таровати, гашти бор. Бироқ бу ҳол очиқ ҳавода суратга олиш учун нокулайлик туғдирар экан. Бор-йўғи 5-6 минутлик лавҳани лентага тушириш бир неча соатга чўзилиб кетди. Ўртадаги стол тўрида бош қаҳрамон Абдулла Қахҳор, атрофида эса кино "персонаж"лари – Саид Аҳмад, Одил Ёқубов, Пиримқул Қодиров, Матёқуб Кўшжонов, Озод Шарафиддинов, Ўлмас Умарбеков, Экин Воҳидов, Абдулла Орипов, Шукур Холмирзаев, Ўткир Ҳошимов, Норбой Худойберганов, ниҳоят, камина қўр тўкиб ўтирибмиз.

Рўпарадаги операторлар қуршовида Учқун қуёш булат орасидан чиқиб, теварак-атроф чарақлаши билан даврадагиларга қараб "бошлаймиз" ишорасини қиласида, "Мотор!" дей команда беради. Суратга олиш бошланиши билан офтоб булат остига беркинади-ю, Учқуннинг "Стоп!" деган ўксик овози эшитилади. Ижодий жараён тўхтайди. Сўнг эркин сухбат, ҳазил-мутойиба, турфа ҳангомалар бошланади. Осмондан булат ариб, қуёш кўриниши билан янга "Мотор!", сўнг боягидек "Стоп!" садоси...

Бу ҳолат, адашмасам, уч-тўрт бор тақрорланди. Бу хил оворагарчиликлар киночиларни, биринчи галда, Учқунни хижолатга, ташвишга солгани, кимларгадир малол келаётгани аниқ. Бироқ бу ораликлардаги давра гурунглари, хусусан, адилнинг ҳазил-мутойиба, луқмалари биз ўшлар учун унуптилмас сабоқ бўлган эди.

Орада ярим соатлик таннафус эълон қилинди. Кўплар оёқ чигалини ёзиш учун боғ оралаб кетишиди. Абдулла Қахҳор ёнида Сайд Аҳмад билан Озод ака, “гап ўғриси” бўлиб камина бирга қолдик. Шунда Сайд Аҳмад ака даврада энг ёш, жуссаси кичик шоир Абдулла Орипов ҳақида гап очиб: “Одатда катта ёзувчилар ўз асарлари учун муқаддас китоблардан, номи жаҳонга машхур классиклардан, халқ мақолларидан эпиграф оларди. Абдулла ака, бу қанақаси бўлди, Сиз “Ўтмишдан эртаклар” қиссангизга миттигина бошловчи шоир Абдулла Орипов сатрларини эпиграф қилиб келтирибсиз”, – деди андак қувлик билан. Шунда устоз бироз сукут сақлаб, хаёлга толиб, “Бу борада кўп ўйлаб кўрдим. Олдинроқ Абдуллажон илтимосимга кўра “Нурли чўққилар”га эпиграф учун тўрт сатр шеър ёзид берган эди. Бу галгиси бутунлай бошқача бўлди... Эсимни таниганимдан бери мени қийнаб келаётган, тўрт йил тер тўкиб ифода этмоқчи бўлган кўнглимдаги гапни, фам-фуссани Сиз “митти” шоир деган бу бала (устоз “бала” сўзини қўқончасига чиройли шикаста овозда “бала” деб талаффуз этарди) тўрт сатрда қойил қилиб айтиб қўйибди. “Муножот”ни тинглаб” шеъридан олинган ўша сатрлар асарга ўз-ўзидан тайёр эпиграф бўлиб кириб келди:

Эшилиб, тўлгониб ингранади қуй,  
Асрлар гамини сўйлар “Муножот”.  
Куий шундай бўлса, гамнинг ўзига  
Қандай чидай олган экан одамзот!

Бу сатрлар гўё айни “Ўтмишдан эртаклар” учун ёзилгандай. Қисса маъно-моҳиятини – пафосини бундан аниқроқ, ёрқинроқ ифодалайдиган бошқа бир сўз топиш мумкинми?!” деди.

Шу пайт бирдан қуёш булут панасидан чиқиб, теварак-атроф ёришиб-яшнаб кетди-ю, Абдулла Қахҳорнинг боғидан булбулнинг шодон овози эшитила бошлади. Адид бир дам сехрли садога гарқ бўлиб турди-да: “Булбулнинг сайрашини, янгроқ овозини эшитмаган, ундан завқ олмаган зот йўқ. Аммо булбулнинг ўзини кўрганимисизлар?”, дея савол ташлади. Сайд Аҳмад ака кўрганлигини, Озод ака иккимиз кўрмаганлигимизни айтдик. Қишлоқдаги ҳовлимизда бир тупт қизил олма бўларди. Ҳар йили баҳорда гуллаганида қўшалоқ булбул гуллар чамани орасида ҳафта давомида басма-басига тўлиб-тошиб сайрашарди. Ҳарчанд уринмайлик, уларни

кўролмасдик. Фақат мен эмас, оиласиздан ҳеч ким кўрмаган... Абдулла ака бош бармогини кўрсатиб: “Булбулнинг жуссаси шу бармоқнинг учидай келади, – дея давом этди. – Унинг юраги жуссасидан ўн баробар катта. Тўлиб, юракдан сайраганида гўё дунёни титратади. Анави “митти” шоир “бала”нинг юраги ҳам жуссасидан ўн чандон каттадир-ов... “Митти ўлдуз” китоб-часини вараклаб кўринг. Шу митти шоир қалб тубидан шаршарадек отилиб чиқсан сатрлар қалбларни ларзага солади. Ҳали кўрасизлар, унинг овози олис-олисларга етиб боради...”

Ўша йили кузда адабнинг олтмиш йиллик юбилеи олдидан Фаргона водийси бўйлаб сафари бўлиб ўтади. Сафарда адаб истагига кўра Сайд Аҳмад, Матёқуб Кўшжонов, Озод Шарафиддинов қатори Абдуллажон ҳам иштирок этади. Сафар чоғи қофозга тушган улуф устоз ҳақидаги мана бу сатрлар адабий учрашувларда ўқилганда тингловчилар олқишидан заллар ларзага келади:

Йўллар ортимиизда қолар эдилар,  
Далалар қоларди чексиз, бетакрор.  
Нега улар чексиз десам, дедилар:  
Бу ердан ўтганди Абдулла Қахҳор.

Йўллар ортимиизда қолар эдилар,  
Чўққилар қоларди юксак ва қатор.  
Нега улар юксак десам, дедилар:  
Бу ердан ҳам ўтди Абдулла Қахҳор.

Абдулла Қахҳор вафотидан сўнг адабнинг умр йўлдоши Кибриё опа учун Дўрмондаги боғ ҳовлисида ёлғиз туриш имкони бўлмай қолади. Абдулла ака учун ниҳоятда азиз бўлган бу йигирма йиллик масканни кимга бериш масаласи жиддий жумбоқча айланади. Унча-мунча одам бу боғ ҳовлига оғиз солишига ботинолмайди. Бир улкан математик академик олим Кибриё опанинг илтимосига кўра муайян фурсат бу даргоҳда туради. Ўша кезлари Кибриё опа тез-тез тушида Абдулла ақани қовоғи солиқ, тажанг ҳолда такрор-такрор кўради. Қарангки, ўша олим оиласи ҳам ўзларини ноқулай сезиб, ниҳоят, бу хонадонни тарқ этишга мажбур бўладилар. Кибриё опа хаёлан – руҳан Абдулла ака билан мулоқот ҷоғида унинг розилигига кўра боғ кўргонини иккига бўлиб, каттароқ бўлагини адабнинг тўнгич шогирди Сайд Аҳмадга, кичикроқ қисмини энг кенж шогирди Абдуллажонга топширади.

ўша кундан бошлаб Кибриё опа кечалари тинч ухлайдиган, тушида Абдулла акани ўша таниш боғда оромкурсига суюниб, юзида табассум билан хотиржам ўтирган ҳолда бот-бот кўрадиган бўлади...

Салкам қирқ йил бу табаррук масканда устоз эҳтиромига жавобан бу муносиб шогирдларнинг ундан-да буюк эҳтироми давом этди, устоз ёққан чироқ ўчмай келди. Бир чеккаси, устоз руҳи мадади туфайли бу икки алломанинг бу йилларда ижодий парвози тобора юксалиб, шухратига шухрат қўшилди.

### “Сен – улкан чироқ!”

Машҳур шоир ва носир Шуҳратнинг Абдуллажонга меҳри ниҳоятда баланд эди. Ёш шоирга бағишлиланган шеърида “Мен оддий бир шамман, сен – улкан чироқ!” деб ёзган.

Шу ўринда устоз ва шогирд орасида бўлиб ўтган ажаб бир воқеани эслатиб ўтсан. Шуҳратнинг 50 йиллик тўйи муайян сабабларга кўра андак кечикиб, 1971 йилнинг бошларида ўтказиладиган бўлди. Юбилей комиссияси раиси Иzzат Султон, Шуҳрат ака, Абдулла Орипов ва камина – тўртовлон юбилей учрашувларини ўтказиш мақсадида Самарқанд, Қашқадарё, Бuxоро вилоятлари бўйлаб сафарга отландик. Самарқанд ташрифи тўкин дастурхон атрофидаги шоҳона зиёфатлар, тантанавор қадаҳ сўзлари билан бошланди. Эртаси куни педагогика институтида адабий учрашув ўтказиладиган бўлди. Учрашув олдидан раис ўз хонасига мени маслаҳатга чақириди. Асосий маърузачи сифатида зиммамдаги масъулиятни эслатди. Сафар олдидан Ёзувчилар уюшмаси раҳбарияти хузурида тор доирада кенгаш ўтгани, вилоятлардаги учрашувлар чоғи юбилиярни “асраш-авайлаш”, кўнгилсиз ҳолатларнинг олдини олиш, ҳозирги сиёсий вазиятдан келиб чиқиб иш тутиш зарурлиги, чунончи, Шуҳрат репрессия қурбони бўлгани борасида оғиз очмаслик, “Олтин зангламас” устида гап борганида асар бош қаҳрамони Содик фидойи курашчан коммунист эканига урғу бериш, яқингинада кўп шов-шувларга сабаб бўлган “Жаннат қидирғанлар” романи хусусида эса индамай ўтиш маъқуллиги, нуқул Шуҳрат ҳақида эмас, Шуҳрат ижоди баҳона адабиётимизнинг бугунги ютуқлари тўғрисида гапириш лозимлиги уқтирилди. Шу гапларни Абдуллажонга ҳам етказиб қўйишим кераклиги айтилди...

Табиийки, бу гапларни эшишиб довдираб қолдим, маъруза режаларим ост-уст бўлиб кетди, шу сабаб ўша куни минбардаги гап-сўзларим узуқ-юлуқ, ҳиссиз, паришон бир тарзда кечди. Бошқаларнинг нутқи ҳам хийла расмий тусда бўлди. Фақат Абдуллажоннинг ёддан айтган шеърларигина анжуманга алоҳида руҳ бахш этди.


Режалаштирилган учрашувларнинг негадир ҳаммаси ўтказилмади. Учинчи куни чошгоҳ пайти Шаҳрисабзга отланиш олдидан раис хонасида тўпландик. Шуҳрат ака асабий вазиятда ўзига хос қатъият билан: “Иzzат Отаконович! Мен бу ерга зиёфат учун келган эмасман. Китобхонларим, халқим олдида ҳисобот бериш, уларнинг шеърларим, юрак қоним билан битилган романларим ҳақидаги дил сўзларини эшитиш учун келганман. Агар сафар шу руҳда давом этадиган бўлса, ҳозироқ уни тўхтатамиз, Тошкентга қайтамиз!” дедилар. Учовлон бир дақиқа саросимада қолдик. Иzzат ака дарҳол ўзларини ўнглаб олиб: “Ортга қайтиш йўқ! Бизни Шаҳрисабзда кутишяпти. Соат бешда юбилей тантанаси бошланади. Етиб боришимиз керак. Машиналар кутиб турибди. Кетдик”, дея ташқарига отланди. Ноилож у киши ортидан эргашдик. Тахтиқорача довонидаги кузатув зиёфати совуқни ўтди. Қашқадарёлик мезбонлар тайёрлаб қўйган машиналарга жойлашиб йўлга отландик. Олдинги машинада Иzzат ака билан Шуҳрат ака, кейингисида эса Абдуллажон икковимиз хомуш кетиб боряпмиз. Ўнг томонда ўтирган шоир хаёл оғушида қиши охири, илк баҳор нафаси эндиғина нишона кўрсатаётган манзараларга назар ташлайди, пастлиқда, тоғлар орасидаги шарқираб оқаётган сойга тикилган ҳолда хаёл суради, лаблари пичирланадай бўлади. “Умарали ака, – дея оғиз очади шоир, – боядан бери кузатиб келяпман, тоғлар қанчалик сикувга олса, сой шунчалар шитоб билан олға интиларкан. Шоирлар, ижодкорлар ҳам шундай...” Шундай деди-ю, яна хаёлга чўмди. Бир дам ўтгач қўйнидан ён дафтарини чиқариб, уни тиззасига қўйган ҳолда нималарнидир ёзди. Бир неча дақиқадан сўнг қуйидаги сатрлар битилган варакни ён дафтаридан йиртиб олиб, қўлимга тутқазди:

Булбул ўғай эрур зоглар орасида,  
Югурик сув ўғай тоглар орасида.  
Мұхаббат дардидан бемор қалбларимиз,  
Ўғай бўлсак не тонг соглар орасида.

Бизнинг ҳозирги руҳий ҳолатимизни бундан-да аниқ-тиник, теран, энг муҳими, муҳтасар тарзда ғоят таъсирчан ва гўзал ифодалаш мумкинми? Тўртлик сатрлари устида ўй сурман. Сўз санъатининг азалий ва мангу муаммоси – жамият, муҳит билан чин истеъдод орасидаги муросасиз зиддият, нафосатнинг носоғлом муҳитга бегоналиги, булбулнинг зоғлар орасида ўғайлиги – бу кўхна жумбоқ қалбларни ўртайди. Шеърда фандаги “бегоналашув” деб аталган тушунчанинг поэтик муқобили тарзида “ўгай” сўзининг қўлланиши ноёб топилма сифатида кишини лол қолдиради. Шуҳрат ака бу сатрларни эшитса, ўқиса, қандай ҳолга тушишини ўзимча тасаввур этиб ҳаяжонламан.

Дилимдагиларни ифодалашга муносиб сўз тополмай, тўртлик битилган варақни индамайгина Абдуллахонга қайтардим, бирок у олмади. “Сизга эсадалик. Шеър менга ёд бўлиб қолди. Кейинчалик уйга борганда ёзиб қўярман, – дея сўзида давом этди. – Шу сатрларни Шахрисабздаги учрашувда ўқисам қандай бўларкан?” Мен айни муддао бўлишини айтдим. Ҳозирча бу хусусда ҳеч кимга, жумладан, Шуҳрат акага ҳам оғиз очмасликка келишдик. Бу шеър юбилияр учун сюрприз – кутилмаган ноёб совға бўла жагига ишонардик.

Шахрисабзда бизни карнай-сурнай садолари остида кутиб олишиди. Қўлларида гулдаста ва адаб китобларини тутган китобхонлар Шуҳрат акани қуршаб, ундан дастхат олишга шошилар, ташаккур сўзлари, саволлар ёғдирап... Бу жўшқин издиҳом – адабий анжуманни мезбон раҳбар аёл бошқарди. Иzzат ака ҳам, мен ҳам анча эмин-эркин сўзладик. Гал Абдуллахонга келди, Шуҳрат ака шеърияти, романлари ҳақида сўзлаб, сўнг яқингинада дунёга келган бояги тўртликни ёддан айтди... 60-йиллар “иккинчи миллий уйғониш даври” деб аталиши тасодифий эмас. Ўша йиллари фақат адабиётда эмас, миллат маънавиятида ҳам уйғониш юз берган, аломат бир нозик дидли шеърхон-китобхон шаклланган эди. Тўрт сатр қатига жо этилган шоир қалби түғёнлари шундоққина анжуман қатнашчилари қалбига кўчиб, бутун зални ларзага солди. Олқишлилардан зал бамисоли зилзила ҳолатига тушди.



## Шоирга тилагим

(Мувавишаҳ)

Аламли ҳаётдан нолиб гоҳида,  
Боболар кўзига олишарди ёш:  
“Дунёning бекарор қароргоҳида  
Умр посангисин босарми ҳеч тош?..”  
Лаълу дур ҳам бунда чорасиз қолур,  
Лавозим дегани маънисиз бир гап.  
Аммо яшамоқнинг файзи йўқолур,  
Жаҳоннинг савдосин кетсангиз ўйлаб.  
Омади гап эмас, хазинайи ганж,  
Нурафшон эрмак бу, буюк бир юпанч:  
Озодлик туйгуси дилни яшартсин,  
Руҳият тонглардан олсину нафас,  
Илҳом моҳпайкари багрига тортсин,  
Фарогат гоҳида сийлаб турсин. Бас!

**Муҳаммад АЛИ**  
1970

Мароқли учрашувдан сўнг, одатга кўра, зиёфатга йифилдик. Биринчи бўлиб Иззат ака сўз олди. Кайфияти чоф эди. Яйраб-ёзилиб, ҳазил-мутойибалар билан “Раис ҳам подшоҳдай гап, унинг сўзи – амри вожиб, – дея сўз бошлади, – бугундан эътиборан ҳеч қандай чеклов йўқ, юбилияр ҳақида кимнинг кўнглида нима гап бўлса, бемалол айтаверади. Кемага тушганнинг жони бир, бир бошга бир ўлим, дейдилар. Бирор кор-хол бўлса, биргаликда жавоб берамиз...”

Шахрисабз учрашуви, хусусан, анжуманда янграган тўртлик сатрлари сафаримизда бурилиш ясади – сеҳрли сўз ўз кучини кўрсатди, ҳаммани хушёр торттириди, ўринсиз ҳадикларга чек қўйди. Қарши, Бухоро, Шоғиркондаги учрашувлар айни шу руҳда жўшқин ўтди; Шуҳрат, унинг мардона ҳаёт йўли, ижодий жасорати ҳақида бор гаплар баралла айтилаверди, энг муҳими, бунинг учун ҳеч ким жабр кўрмади, ҳеч қанақа кор-хол юз бермади...

## Тафаккурга тавсир этган шеърият

Шўро замонида Ватан, миллий фурур – ифтихор туйғуси устида сўз очиш ниҳоятда мушкул жумбоқ эди. Бу ҳол “катта гуноҳ”, “миллий маҳдудлик”, “аксилшўровий ҳаракат” саналар эди. Ана шундай машъум замонларда ҳам Чўлпон, сўнг Ойбек, Ҳамид Олимжон,Faфур Фулом, Миртемир сингари улуф сиймолар ижодда йўлини тотиб Ватанни улуғлашда давом этдилар. Абдулла Орипов ҳамда унинг сафдошлари шеъриятимиздаги шу қуттуғ анъянани муносиб тарзда давом эттирдилар. Дадил айтиш мумкини, янги босқичга кўтардилар. Айни ўтган асрнинг 60-йилларида дунё юзини кўрган Эркин Воҳидовнинг “Ўзбегим”, Абдулла Ориповнинг “Ўзбекистон” шеърий қасидалари фақат бу икки шоир ижодида эмас, XX аср миллий шеъриятимизда улкан воқеа бўлди. Ҳар икки шеърда ҳалқимизнинг минг асрлар ичра пинҳон бўлиб ётган шонли тарихи, жаҳон цивилизацияси равнақида тутган беқиёс ўрни ҳақидаги оташин сатрлар миллионлаб ватандошлар қалбидан ўрин олди. Бундай ёрқин сатрлар мустабид тузум ҳукмдорларини саросимага солгани аён, аммо улар оташин сатрлар салобати олдида бу икки қасидага қарши чиқишига ботина олмадилар.

Шоир ўтган йиллар давомида яна она юрт манзаралари, ватандошлар ғами ифодасига бағишилаб кўплаб ёниқ сатрлар, бевосита Ватан мавзусини бутунлай янгича ёритувчи “Мен нечун севаман Ўзбекистонни”, “Она сайёра”дек беназир шеърлар битди. Булар ҳақида кўп ва хўб ёзилди, ёзилмоқда.

Ана шу шеърларига хос ноёб фазилатлар шоирнинг кейинги йиллар ижодида ҳам давом этди, янгидан-янги жиҳатлар билан бойиб борди. Не бахтки, неча ўн йиллар давомида эл-юрт қайғуси, унинг эрки, чин озодлиги орзузи билан ёнган шоиримиз истиқлол эълон этилган кунда “Адолат офтоби” шеърини ёзib, ҳалқимизни “Неча йиллар орзиқиб кутган кунлар келдими”, “Ўз қўлингга олганинг – ялов сенга муборак”, дея қутлади, муҳими, бу шеър илк бор Биринчи Президентимиз Ислом Каримов юрт мустақиллигини эълон этган Олий Конгаш минбарида туриб ўқилди. Шоир фақат қутлов сўзлари билан чекланмай, ҳалқини огоҳликка, бу тенгсиз саодатни бало-қазолардан асрашга чорлади:

Унутмагин ва лекин, олдда бор ҳали ётлар,  
Қадамингни пойлайди, очкўз, юҳо не зотлар,  
Шоҳ сурисан, инжима, гингшиса агар мотлар,  
Елкамизга офтобнинг текканлиги рост бўлсин,  
Ўзбекнинг ўз ниҳолин экканлиги рост бўлсин.

Ўша кунги анжуман тўғридан-тўғри телевидение орқали кўрсатилган эди. Шоирнинг табаррук минбардан туриб ҳаяжон билан ўқиган оташин сатрлари садоси ҳамон қулогим остида жаранглагандай бўлаверади.

Не бахтки, мустақил мамлакатнинг Давлат мадҳияси шеърий матнини яратиш ҳам айни эл-юртнинг шу оташин куйчисига насиб этди. Миллий мадҳиямизнинг Абдулла Орипов қаламига мансуб шеърий матни мустақил мамлакат, озод ҳалқ руҳи, шон-шавкати, фахр-ифтихори, орзу-интилишларининг чинакам ифодаси экани билан қимматлидир.

“Ўзбекистон” қасидасидан бошланган эл-юрт таронаси Мадҳияда энг авж пардаларига кўтарилиб, мустақил мамлакат – келажаги буюк давлатнинг рамзларидан бирига айланди.

## Мехрибон ота, жонкуяр бобо

Гапнинг очиғи, шоирнинг талабалик йилларидан бошлаб 70 ёшга етгунга қадар у билан, асосан, ижодий сафар, давраларда бирга бўлган-

ман, унинг шахсий-оилавий муҳитини яқиндан билмасдим. Тақдирнинг тақозоси билан кек-сайганда Абдуллажон оиласи билан қариндош бўлиб қолдик. Менинг божам, адабиётшунос Бегали Қосимовнинг кенжা ўғли Шоҳруҳ Абдуллажоннинг кенжага қизи Рухсорага уйланди (Раҳматли Бегали Қосимов билан Абдулла Орипов талабалик йилларидан қадрдан дўст эди. Уларнинг дўстлиги қариндошлик мақомига кўчди). Шу туфайли оилавий яқинлик, ўзаро борди-келдилар бошланиб кетди. Абдуллажонни шахс сифатида бутунлай янгидан кашф этдим. Доимо ижод ғами, шавқи билан ёниб юрган, умрининг сўнгги дамларига қадар қўлидан қалами тушмаган ноёб истеъдод соҳиби айни пайтда ўта оиласпарвар, фарзандларига меҳрибон ота, жонкуяр бобо экан. Шоҳруҳу Рухсораҳондан дунёга келган икки ўғлонларининг каттасига Мироншоҳ, кичигига Ойбек деб Абдуллажоннинг ўзи исм қўйиб берган. Бу икки набирасини лоақал ҳафтада бир бор кўрмаса туролмасди, ё уларни Дўрмондаги уйига чорлар, ёки ўзи бориб, ширинлигу ўйинчоқлар билан сийлаб эрка-лаб кетарди. Болакайлар ҳам бобосини қўмсаб бетўхтов Дўрмон томон талпинарди. Қарангки, Абдуллажон Америкада даволанаётган чофи (вафотидан бир кун олдин) қўл телефони орқали Шоҳруҳнинг онаси билан, сўнг икки суюкли набираси билан ярим соат яйраб гурунглашган. Набиралари учун олиб қўйган “амиркон” этик-чаларни телефон экранидага намойиш этиб, яқин орада уйга борганида ўз қўли билан уларга ҳадя этажагини ваъда қилган...

## Абдуллажон билан сўнгги сұхбат

Абдуллажон қаламкаш, маслакдош сафдошларига бир умр эҳтиром ила муносабатда бўлган. Шу йил август ойида “Дўрмон” ижод уйида уюшманинг анжумани бўлиб ўтди. Мажлислар залига кираверишда Абдуллажонга дуч келиб қолдим. Йўл-йўлакай гурунглашиб бордик. Шунда у Эркин Воҳидов ҳақида яқингинада чот этилган салмоқдор тўплам – “То қуёш сочгайки нур. Эркин Воҳидов: ҳаёти ва ижоди замондошлари нигоҳида” китоби ҳақида сўз очиб, “Уни кўрдингизми?” деб мени сўроққа тутди. Мен бу китоб билан аллақачон танишиб чиққанимни, у ҳақидаги қувончларимни изҳор этдим, ўз навбатида, мажмуадаги илк мақола, сұхбатдoshim Абдулла Орипов қаламига мансуб “Олтин



истеъдод”да шоирга берилган бекиёс баҳо – “Қадрдоним ва сафдошим Эркин Воҳидов чинакам олтин истеъдод соҳибидир. Шоиримизнинг овозини бошқа бирор қаламкаш тақрорлаши сира мумкин эмас. Аллоҳ таоло ижодкоримиз кўр тўкиб ўтирадиган курсисини ўзи билан бирга қўшиб яратган. Эркин Воҳидов ўз ижоди билан адабиётимиз тарихида собит турган шахсdir”, деган бекиёс баҳосини ёдга олдим. Шунда у хиёл жилмайиб: “Эркин ака шундай таъриф-баҳога арзийди-да. Афсус, шундай бекиёс сиймо бугун орамизда йўқ”, деб қўйди,

Абдуллажон тўлиб турган экан, шекилли, анжумандаги нутқининг катта қисмини Эркин Воҳидовнинг ёрқин хотирасига бағишилади. Бу нутқ улкан шоирнинг расмий анжумандаги сўнгги сўзи, бир умрлик маслакдоши ҳақидаги сўнгги дил изҳори, нидоси, видоси бўлиб янгради.

Шунда мен бу ноёб истеъдод соҳибининг бутун умри, ҳаёти давомида оиласи, яқинлари қатори устозлари, қаламкаш дўстларига садоқати, эҳтироми чексиз эканига яна бир карра икрор бўлдим.

Азизлар, юқорида ёзганларим буюк шоир, аллома шахс-инсон Абдуллажон ҳақида кўрган-билигларимдан бир-икки шингил лавҳалар, холос. Насиб қилса, шоир ҳақда хотирамда қалашиб ётган бундан-да ажаброқ воқеа-эсадликларимни қоғозга тушираман.

2016 йил ноябрь

**Усмон АЗИМ**

Ўзбекистон халқ шоири

Марсия

Болаликдан мен ҳам шеър деб ёнган эдим,  
Не қиласарим билмай баъзан толган эдим,  
Ориповдан қарзга олов олган эдим –  
Бу қарзимни бугун айтсан, ҳалол бўлгай.

Ҳар бир сўзни қўнгил билан терган эди,  
Аъмоли ҳам, тақдиди ҳам шеърдан эди,  
Истевъоддни унга худо берган эди,  
Банда десак, ҳақиқатга малол бўлгай.

Тобеликнинг қўрқинчлари ҳали бисёр.  
Дилларида, тилларида минг ифтихор:  
“Ўзбекистон Ватаним”, деб айтган илк бор –  
Бу мард зотнинг мардлигидан тил лол бўлгай.

Гарчи ажал илтижога қўнмас эди,  
Биламиз-ку, асиш шоир ўлмас эди,  
Ўлимга ҳам Ватан сизни бермас эди,  
Ажални ёт юртда енгмоқ маҳол бўлгай.

Кўз ёшларим оқаётир нолам узра,  
Шоир – парвоз сўзда кечган ҳар дам узра,  
Воҳқим, учди тобути ҳам олам узра –  
Бу парвозлар мангуликдан бир фол бўлгай.

Оғажоним, сўзда гамни шоширгайман,  
Ҳасратимни қатларига яширгайман,  
Сизни ёлгиз худовандга топширгайман,  
Энди ўзга сўз демаклик завол бўлгай.

Бу йил диллар парвозларда куйиб ўтди,  
Вақт ўтидан ўпка-багри тўйиб ўтди,  
Не зотларни қаро ерга қўйиб ўтди,  
Кимга жавоб, кимга бу ҳол савол бўлгай.

Видо айтдим, видо айтдим, видо айтдим –  
Бу шеъримни ақлу ҳушдан жудо айтдим,  
Зарра қўрқмай, маргу ҳаёт аро айтдим –  
Воҳ, видонинг қадлари ҳам минг дол бўлгай.



**Иқбол МИРЗО**  
Ўзбекистон халқ шоири

### Шоир хотирасига

Бу йил оғир келди Ўзбекистонга,  
Садафдек дурларим тўкилди қатор.  
Чигатойтепага шудрингдек томган,  
Ҳали қуримаган кўзёшлиларим бор...

Алвидо, муҳтарам Абдулла Ориф!  
Гарчи ажал бермас ҳеч кимга омон.  
Вале шоирсиз эл гаридан гарид,  
Шоирга тош отган миллат – оломон.

Фийбат қилиб тўқдик гуноҳингизни,  
Сиздан қолган майдан майда хўплашиб.  
Муҳташам ҳаётдан бездирдик Сизни,  
Гоҳ якка тартибда, баъзан кўплашиб.

Кимдир қайта-қайта топар асолар,  
Уни косов қилар бошқа гўр бандा.  
Ҳа, казо-казолар ва ҳоказолар  
Хушёр тортар эди Сизни кўрганда.

Сиз билан юзма-юз қолсак ногаҳон,  
Ёдга солардингиз кимлигимизни.  
Кеча не сабабдан эдигу бийрон,  
Бугун не сабабдан жимлигимизни.

Рост сўзни айтмоқлик мушкуллиги рост,  
Гўзал оҳ тортмоқча юрак керак, оҳ!  
Тафаккур шиддати Навоийга хос,  
Темурбекка оид бу қаттиқ нигоҳ,

Бол томизиб мақтаб асарларини,  
Шоирни бундайроқ кўргувчилар бор.  
Тутун пуркаб ҳайдаб асаларини,  
Асални ўймоқлаб ургувчилар бор...

**Хуршид ДАВРОН**  
Ўзбекистон халқ шоири

### Шоир хотирасига

Яшил баҳор олиб келганди уни,  
Ёз дарё бўйида сувга зор этди,  
Қаҳратон ёнида юрди ҳар куни,  
Нихоят суйгани – қуз билан кетди.


Дар  
Қаҳса  
Амсиб зис чу  
Илак кўрначан  
Ҳаёна қучинчади

Бу жол налоҳ

Оқибатни ўйлаб чекдингиз алам,  
Гина, ўқинчингиз бегараз тамом.  
Мақсадингиз – завол топмасин олам,  
Одамга яраисин инсон деган ном.

Сизга оишно бўлдим болалик кездан,  
Сиздан ранглар олдим сўзимга аён.  
Эл қатори қарздор эдим мен Сиздан,  
Ўзимнинг армоним ўзимга аён...

Бахри муҳит тўлқин урап ёлвориб,  
Юлдузлар йўл қарар жавдираб илҳақ.  
Мендан рози бўлинг, Абдулла Ориф,  
Сиздан рози бўлсин Ҳокими мутлақ.



Рассом Асилбдин Калонов

**Исақон СУЛТОН**

Давоми. Боши ўтган сонда.

## Күз

Пахта мавсуми тугаганида қишлоқ енгил нафас олади.

Поёнсиз далалар жигарранг-күнғир тусга кирган, куз ёмғирлари бир хилда ёғиб, пилчиллаган лойга айлантирган. Шийпонлар ҳувиллаган, бўм-бўш. Очиқ эшикларидан шамол кириб ўйнайди.

Айвондаги радио буни ўзича шарҳлайди:

Бунча ҳам ёмғир ёғодир биз гарибнинг томига,  
Кимни ҳам раҳми келур бечораларнинг ҳолига...<sup>1</sup>

Халқقا ғўзапоя бўлиб берилди. Ҳамма бола-чақаси билан ғўзапоя тўплашга чиқди.

Баъзилар трактор откелишган. Бу сафар “Т-28”га ёnlама пичноқли мослама ўрнатилган, у ғўзапояни кесиб-кўпориб ағдаб кетаверади. Ортидан лойга бота-бота юриб, тўплаш керак.

<sup>1</sup> Халқ қўшикларидан.

Кимдир монтёрдан сим олган, симкирқар билан фұзапоя боғига мослаб кесиб чиқдан. Сим тополмаганлар тут новасини эшиб, шу билан боғлашади. Новда чайир, қайишқоқ, уни болалар әшолмайды, шу сабаб кattалар бақувват құлла-рида бураб-бураб әшишади.

Бир оиласа үртача минг бөг фұзапоя керак.

Гоҳида туман тушганида ҳам одамлар бола-чақаси билан далада күйманиб юришганини күрасиз.

Улов топғанлар фұзапояни трактор аравасига баланд қилиб босишағи, у келиб, дарвоза олдига ғарын қилиб ағдариб кетади. Тополмаганлар эса елкаларидан үйларига ташиверишади. Эл үн-үн беш күн шу ташвиш билан яшайды. Кейин “жола” мавсуми келади.

“Жола” деб далаларга молларни бема-лол қўйиб юборишига рухсат теккан маҳални айтишади. “Молни жолага ҳайды” деган гап сигирни ўша далаларга обориб боқиб келиш кераклигини билдиради. Бу иш ҳам ўсмирлар зиммасида. Жола маҳали совуқ тушади, уйкуга кетган дараҳтлар новдаларидан булдуруқлар пайдо бўлади. Болалар далаларда қолган-қутган фұзапояларни тўплаб, ўт ёқишади, картошка ёки беҳи кўмишади, қолиб кетган чигитларни ўтга ташласангиз, чирсиллаб отилади.

Кеч куз шу тариқа ёйилиб-ястанади.

Халқ кеч кузда тўйлар қилади. Сабаби, қўли пул кўради.

Ўша сабабли жонини жабборга бериб тер тўкади. Бола-чақасини ҳам аямай, бурнини ерга ишқаб-ишқаб ишлатади. Эвазига ҳақини олади.

Ҳақини олгач, энди қишинан кўнглим тўқ, бу пул билан қишинан эсон-омон чиқиб оламан, дейди.

Тўй қиладиганларни эса машаққатлар кутиб турибди. Шўрлик, мол-қўйини сотади, қарз кўтади. Бир амаллаб тайёргарлик кўради. Хуллас, бирин-кетин тўйлар бўлади.

Қиши совуқларида одамлар оғзидан ҳовур чиқа-чиқа тўй томоша қилишади.

Бир тарафда қиз-жуонлар тўпланишган, қарши томонда йигит-яланг. Катта чироқлар осилган, гоҳида қарс этиб ёрилиб ҳам кетади. Чироқ ўчадиган пайтлар ҳам бўлади, шунда уртага катта гулхан ёқилади.

Тўй бошланганида ёши улуғлар ёқтиради-ган қўшиқлар айтилади. Элнинг кattаларига шунақаси маъқул.

Қирқ ийлда бир йигит келар дунёга,  
Йигит юзин ерга қаратма, фалак!

Ёки:

Номард кўпргидан ўлсан ўтмасман,  
Карвон бўлсан маконига қўнмасман,  
Кўлидан бир пиёла чойин ичмасман,  
Мардингни номардга муҳтож қилмагин...

Одамлар бошларини чайқаб-чайқаб эшишиб ўтиришади.

– Яшавор!

Халқ тўйларда қаддини тиклайди.

Ёш-яланг даврага товоқ-товоқ палов таши-шади. Эл тўйларда, маросимларда жипслашиб қолади. Ҳамма бир жойда, ўзини қавму қарин-дошдай тута бошлайди.

Мактабларда эса сабоқлар бошланади. Синф-хоналар совуқ. Бақалоқ печкаларга ўтин ҳамда тошкўмир ёқилади. Ҳар синфда печка ёнида бир пақирдан кўмур туради.

– Салом, фанлар! Салом, физика, кимё, жўғрофия, тарих! Биз яна келдик!

\* \* \*

Жўғрофия бизларга вулқонлар қандай оти-лишини тушунтиради. Ер остида лавалар ҳосил бўлиши, уммонлардаги улкан балиқлару саккизо-ёқларнинг кўчиши, табиий оғатлар, материклар, қитъалар, тоғлар, денгизлар ҳақида шунақанги берилиб ҳикоя қиласиди, ҳайратдан кўзлари-миз катта-катта очилиб эшишиб ўтирамиз. Учқур тасаввур материкларнинг юзага келишини, тоғлар ер қаъридан қай тарз бош кўтариб чиқишини, наботот ва ҳайвонот қандай пайдо бўлиб, йўқолиб кетишини жонлантиради, хаёлларни Нил дарёси бўйларига, ундан Дажла ва Фрот соҳилларига етаклайди. Фиръавнлар маконлари, эзилиб-буки-либ ишлаётган минглаб қуллар узра айланамиз.

Ҳа, фанлар мактаб мобайнода бениҳоя ажойиб ҳикояларни гоҳ қуруқ илмий, гоҳ жонли тил илиа сўйлаб беради. Аммо у ҳикояларни билишимиздан не фойда эканини айтмайди. Қишлоқ узра ўйнаган нур ва соя ўйинлари бошқа элларда бошқача жилваланишини, ботаётган ёхуд чиқа-ётган қуёш ёғдуси денгиз долғаларида палах-са-палахса, тўқ сариқдан қирмизигача ажаб жилолар ҳосил қилишини, тўлқин қарсиллаши қанақа бўлишини, иккى денгиз суви сираям ара-лашиб кетмаслигини, қуруқлик дунёсида неки бор, сув дунёсида ҳам борлигини, қуруқликда эсадиган шамоллар сув остида оқим деб аталишини, ёллари ҳилпираб чопадиган гуррос отлар у оламда сув отлари дейилишини... барчаси ила бизларни маҳлиё айлайди-ю, аммо...

Шу қишлоқдан чиқолмаслигимизни, у билимлар ҳеч қачон керак бўлмаслигини, мактаб тугагач, бир рўзгорнинг бошига келишимизни ёл қатори бизлар ҳам гувалак қўйиб, иморатлар солиб, далаларда ишлаш билан бирга, томорқамизда етилган мева-чеваларни бозорга олиб бориб сотиш билан тирикчилик қила-қила умримиз ўтиб кетаверишини айтмайди. Айтгандаям нима ўзгарарди? Тақдир ёзуғи шу эмасми – ҳамма бир тану бир жон, баҳамжиҳат бўлиб, бир-бирини суяб-қўллаб ҳаёт кечирмоқда. Ҳали ёш-ку, руҳини чўқтириб нима қилдим, катта бўлса ўзи билиб олар, дейди.

Қўшиш, аириш, кўпайтириш, бўлиш... Пифагор теоремаси қачон, кимга керак бўлақолибди? Гаусс қонуни-чи? Булар ҳам майли, каттароқ синфга ўтганингизда тамомила нотаниш, ярамас ва бўлмагур билимларга рўпара келасиз. Логарифм чексизга нима учун интилади, интилаганида қиймати нима учун бирга тенг бўлиб қолади? Синус-косинуслар-чи? Ўндан кўра, ўқувчиларга “Бир кило пахта оғирми, бир кило тошми?” деганга ўхшаш бошқотирма саволлар маъкулроқ бўлса-да, ҳаммамиз олий математикада бир хилда муваффақиятсиз давом этамиз. Уларни англаб олиш тутул, номига тил келишмайди-ку? Логарифм қишлоқ тилида “Лагарипт”га айлангач, Пифагор деган юонон олимининг исми Пифагур бўлиб қолгач, нимаям кутардингиз? Сир бўлмасин, шуниям айтай, бутун бошли қишлоқдан кимдир институт ёки университетга ўқишига кириб қолса, худди мўъжиза рўй бергандай, у гап бутун қишлоқка ёйилиб кетар, “каллали бола” ҳақида афсоналар пайдо бўлар, кейинроқ у афсонавий йигит ё шаҳарларда қолиб кетар, ёки қишлоққа қайтиб келиб, эл ҳаётига қўшилиб, “ўзимизнинг” одамга айланарди.

– Сигирни кунига бир тогорадан ем бериб емлайверсанг, бир ойда неча килога семиради?

– Ўттиз килога.

– Калланг борми?

Саволга қаранг! Ана, елканинг устида дум-думалоқ бўлиб турибди-ку? Сочиям, соч остида кўзу қулоғиям бор. Койишлар шу тарз давом этаверади:

– Калла деган нарса асло йўқ сенда!

Бир маҳаллар Даشتி Қипчоқ қизи шу кошини эшишиб, таажжубланиб жилмайиб қўйгани ҳам эсимга келади.

Учқур тасаввурнинг қилмишлари ҳам қишлоқ болаларининг тутуми каби оддий ва шўх. Койиш

эшифтган боланинг калласи хаёlda дарров ғойиб бўлиб қолар, кейин бошини излаб юрганинг кулгили тасвири пайдо бўларди. Адабиётни айтмайсизми? “Маъно соҳибжамоли юзидан пардани очди” дейилса, ўзимиз қатори мактабга бориб-келиб юрган, гулдор кўйлак кийиб рўмол ўраган синфдош қизлардан бирининг шўх илжайиб тургани кўз олдимизга келиб, шарақлаб кулиб юборардик. “Соҳибжамол” деган сўз эсимга Даشتி Қипчоқ қизини ҳам солади. Лекин, унинг сиймоси дарсликдаги оқ юзли, узун киприкли нозик малакларга ўхшамайди, Даشتி Қипчоқ қизининг борлиғида ҳаёт жўшқинлиги, ёшлик таровати гуркираган, офтобда қизарган юзида қизғин ҳарорат барқ уради. Ажабо, бизлар улғайганимиз сайин унинг хаёлимдаги сиймоси ҳам улғайган, ўсмирана хусусиятлари ғойиб бўлиб, бўй етган қизнинг балогат таровати таралади. Қора сочи узун эди-ку, янада узайгандир? Сирли жилмайиши-нинг фусункорлиги янада ортгандир?

Хуллас, бир томонда мутлақо кераксиз фанлар ийлаб болаларнинг онгига натижасиз қўйилган, бошқа томонда эса ўз болаларига, зурриёдларига ишончсизлик руҳияти хукмрон бўлган паллаларнинг ширин ва аламли ёди булар...

\* \* \*

– Ўсимлик нимадан иборат? – деб савол берди бир куни Ботаника.

Ҳамма тушунмай ҳайрон қараб турарди. Ботаника печкага ўт қалаб, устига чойнақда сув қўйди, кейин баланд овозда янади:

– Хўш, ўсимлик нимадан иборат? – деб сўради.  
– Илдиздан, танадан, япроқдан, гулдан...  
– Бекорларни бештасини айтибсиз!  
Бекор нима-ю, унинг бештаси қанақа бўлади?  
– Хўп, нимадан?  
– Ҳужайрадан!

“Ҳужайра” сўзи бизларга ёндош синфдаги қорамагиз қизалоқ – Ҳожира билан уйқаш келгани учун, тасаввурда бесўнақай, ўхшовсиз бир нимани намоён қилади.

– Билиб қўйинг, ҳар қандай тирик жон ҳужайрадан иборат.

Кейин дарсликни очиб, анжирга ўхшаган япалоқ бир нимани кўрсатди:

– Мана шу – ҳужайра! У ўзидан кўпайиш хусусиятига эга. Иккига бўлинади, кейин тўртга, саккизга... Хуллас, шу тариқа кўпаяверади.

Мантиқ буларни ҳисоблаб чиқиб, муаллимнинг гапини ёлғонга чиқаради. Сабаби, тинмай

кўпаяверса, хамирдай кўпчиган бир нима пайдо бўлади.

– Хуллас, ўсимлик ҳужайраси таркибида цитоплазма бор, цитоплазма ичидаги эса хромосома бўлади...

Анжир, олма, нок, ёнғоқ, узум, шафтоли... буларнинг бари ҳужайралар экан. Ичидаги цитоплазмасию хромосомаси билан, албатта. Бизлар ҳам ҳужайрадан таркиб топган эканмиз. Қисқаси, бир тўп ҳужайра саналмиш биз бошқа тўп ҳужайрани паққос тушираг эканмиз. Сигир дейилган бир тўп ҳужайра очқаса бўкирармиш, кучук дейилган яна бир ҳужайра тўпламини тепсангиз ангилармиш ва ҳоказо.

Кулги ўз йўлига-ю, энди бизлар шу фанни ҳам ўрганишга мажбур эдик.

– Баҳорда селлар лойқаларни олиб келиб экинзорларга ёяди, – деди Ботаника. – Улар орасида турли-туман ўт уруғлари бўлади. Сўнгра тупроқ борки, ундан наботот униб чиқади. Рангу тузи, шаклу шамойилига ақл шошади. Бироз вақт ўтгач, теваракда гул очмаган нарса қолмайди. Бодрингу помидорлар сариқ, гилосу ўрик оқ рангда гуллайди, олма турига қараф ҳар рангда барқ уради, тиканлар мовий гул чиқаради. Оқишу қизғиш, ингичкаю қалин илдизлар тупроқ бағрига кириб бориб, маъданларни сўриб олади, ўсимлик бағрида кимёвий жараёнлар рўй беради. Шуларнинг бари қуёшга интилади. Япроқлари ёруғликни тўйиб-тўйиб, худди чақалок сут эмгандай эмади, офтоб уларда шавқ пайдо қиласди, кечгача нурга тўйинган ўсимлик туни билан уни бошқа нарсага айлантиради. Ёнига одам келганини сезади, ўзини чоғлайди, мени бир нима қилиб қўймасин деб хуркади. Ахир, у ҳам сиз сингари тирик жон. Масалан, бирор уриб-сўйкса ёки хатар сезсангиз, бақириб-чақирасиз, қочасиз, у эса жойидан силжий олмайди, чунки илдизи ерда-ку?

Уларни шамол, асаларилар, қушлар чанглатиши ҳақида ҳам айтди. Айниқса, мевалар ҳақидагиси қизиқарли бўлди, тасаввур улар орасидан нима учундир анорни ажратиб олди. Қишлоқ хотинларининг меҳнатда қаварган қўллари, қизарган ол ёноқлари, кампирларнинг бужур кафтларини тамсил этадиган мумсик ва ўксик бута тимсолга айланди. Бошқалари эса бундай хусусият касб этмади. Мевасиз тераклар, шамолда ларзон чайқаладиган толлар, беҳилар, олмалар, узумлар ҳам нима учундир одамларни тамсил этмай, фақат аноргина одамга ўхшаб қолди.

Муаллим муқоваси эскириб кетган бир китобни қўлимрга бериб, бир саҳифасини очиб, “Ўқи” деди тантанавор оҳангда. Ўқий бошладим:

– Шак йўқки, “қувваи табиия” илҳомлантирилган ва вакил қилинган вазифаси билан бирор моддага дуч келганида уни бекор қолдирмайди. Агар у модда керагидан ортиқ бўлса, ўз ишини икки марта орттиради. Икки ҳисса орттириши баъзан бир неча марта ҳам тақфорланади. Бу ҳодисаларнинг барчаси ўсимликларда учратилади. Бир-бирига ёпишган қўшалоқ мевалар, битта пўчоқ ўраб турган қўшалоқ магизлар. Икки марта орттиришида қўпайиш ва бир-бирининг ичига кириб кетши ҳам бўлади, ичидаги ўзи каби лиму мавжуд бўлган лиму бунга мисолдир.

Гоҳо “қувваи табиия” тўлиқ икки ҳисса қилиши ишини тамомлай олмайди-да, аъзоларни турган жойларига лойиқ орттириб қўяди. Чунки одатдагига ва яроқлilarга қараганди ортиқча бўлса ҳам, ўзига тегишили ўринларда туради...

– Тушундингизми?

– Ҳа.

– Нимани тушундингиз?

– Билмадик...

Биология устозимиз давом этади:

– “Қувваи табиия”нинг маъноси табиий қувват дегани! Беруний бобо айтятники, яратиқларнинг пайдо бўлиши, ўсиши ва қўпайишини бошқариб турадиган бир куч бор. Жон ана ўшадир. Дарахтлардаги қўшалоқ меваларнинг, эгизак болаларнинг қандай пайдо бўлишини тушунтиряпти. Айтятники, зурёд ёки мева этилиши учун моддалар етарли миқдорда бўлиши керак. Агар улар керагидан кўп бўлса, у қувват бир куртак негизида ўшанга ўхшаш яна бир ҳосил яратади. Қўшалоқ мевалар ёки эгизаклар пайдо бўлиши сабаби шунда деяпти. Агар ўз ишини тамомлай олмаса, ошиқча бир аъзо ясади-да, ишини тугалланган деб ҳисоблайди. Масалан, одамдаги қўшимча бармоқлар ёки ортиқлар шунга мисол.

Яна тушунмаймиз. “Қувваи табиия” ўз ишини қилса қилавермайдими?

– Беруний ким?

– Жуда катта олим, сизнинг аждодингиз!

Мана шу гапларини минг йил аввал айтиб кетган!

Тўғри. Минг йил аввал яшаган бўлса, минг йил олдин айтади-да. Олдинроқ ёки кейинроқ айтишининг иложи йўқ-ку?

– У маҳалда дунё ҳали санашниям тузук-куруқ билмас эди, гап шунда!

Бўлса бордир. Лекин биз оддий одамлармиз, унақа нарсаларга ақлимиш етавермайди.

Мана шу гап жуда кўп тақрорланади. Кишилар ўзлари билмайдиган нарсалар ҳақида гап кетганида “Ҳа, энди биз оддий, жўн одамлармиз-да”, деб истеҳзоли илжайиб қўйишади. Буни болалар ҳам ўзлаштириб олишган.

– Шу китоб сенга! – деди Ботаника, бурушиқ қўлларини елкамга қўйиб. – Унинг номи “Осо-рул-боқия”<sup>2</sup>. Мен тез кунда нафақага кетаман, соғлиғимнинг мазаси йўқ. Катта бўлсанг, эслаб юрарсан...

– Раҳмат! – дедим бу тушунарсиз китобни нима қилар эканман, дея ҳайрон бўлиб.

Шундан сўнг у дарсда давом этиб, табиий танланиш деган жараён ҳақида ҳам гапирди. Ўсимликлар пайдо бўлганидан бери миллионлаб йиллар ўтганмиш. У маҳаллар одамлар яшаганми? Йўқ, яшамаган. Улар Тешиктошдан топилган неандертал одамдан сал аввалроқ пайдо бўлишибди. Теградаги кишиларга разм солсангиз, шаклу шамойили, қиёфаси ҳар турли эканига ҳайрон қоласиз. Масалан, бир синдошимизнинг соchlари сарик, кўзлари эса баҳор осмонидай кўм-кўк. Баъзилари қўйкўз, баъзиларнинг кўзлари эса қийик. “Қон суради”, дейишарди кишилар. Сарик эканининг сабаби, етти пуштининг қай биридадир шунаقا киши бўлган. Қиёфа ҳар етти авлодда бир қайтади. Етти пушти суриштирилиши шундан. Аждодининг ким экани ҳам суриштирилади. Сабаби, авлодида бир ярамас ўтган бўлса, қанчадир вақт ўтиб, юзага чиқиб қолиши мумкин, деган гапларни эшитасиз. Булар, табиийки, ўсимлик ва дараҳтлар мисолида ҳам тушунтирилади. Умуман, одамлар ва дараҳтлар муносабати хилма-хил ва аллақачон бир-бирига мазмунан яқинлашиб кетган. Мисол учун, келинчак ота уйига аразлаб келса, “Бир кўчат тутиб кетиши учун қанча вақт керак, сабр қилгин”, дейдилар.

Муаллимимиз нафақага кетгач ҳам, дарсларимиз яна бир муддат давом этди. Кейин ботаника ўз жойини зоологияга бўшатиб берди. Зоология ўрнини эса анатомия, сўнгра умумий биология олди. Шу тариқа бизнинг мактаб фаслимиз низоя тогди, шунча йил олган керагу нокерак билимларимиз билан ҳаёт бағрига йўл олақолдик.

\* \* \*

Бир авлод болалари шу тарз улғайишади. Бу орада оталар кексайишади.

Бир ҳайқирса, овози етти қишлоққа етадиган қудратли оталар бели буқчайиб, ҳасса таяниб юрадиган оқсоқолларга айланишади.

Кўнгли бўш бўлиб қолганини айтмайсизми?

Бир қарасангиз, чотқиллаб ўйнаб юрган невараасига қараб, меҳри товланиб:

– Одобингдан айланай, отам, – дейди. – Кўлингни кўксингга қўйиб, жимитдай бўлиб салом берсанг, кўзимга ёш келади-я. Бобонг курбон бўлсин сенга, отажоним, – дейди. – Қара-я, отам ўтиб кетувди, ўрнига сен ота бўлдинг!

Яна бир қарасангиз, “Жоним онам”, дейди қиз невараасига қараб. Дастёр бўлиб қолдинг-а. Ўрим сочинг белингга етиб, чelакларда сув ташийсан, ҳовлиларни супурасан, ҳамма ёқни саранжом-саришта қилиб қўядиган ажойиб қизалоқ бўлиб вояга етдинг. Онам ўтиб кетувди, чехрасини кўмсаб-согинардим, ўрнига худойим сени берди. Бирингизни отам, бирингизни онам дейман-да, яна кимим бор менинг бу дунёда?

Ҳай аттанг, улуғларим бу кунларни кўришмади. Бўй-бастингизга зор бўлиб, кўзларини тика-тика ўтиб кетишиди.

Болаларим, ҳаётим бўйи сизларни деб заҳмат чекдим. Ўтгаям, чўққаям сизларни деб кирдим. Камолингизни кўраман деб орзулар қилдим.

Жон болаларим, илм олинглар. Ахир, мен ҳам фазоларга, юлдузларга қизиқардим. Найлайн, турмуш оғир экан. Отамнинг ёнига киришим, белига мадор бўлишим керак деб, тутпроқ ичиди ўралашиб юраверибман. Қарасам, умр ўтиб кетибди.

Ўзим ҳам юлдуздай чақнаган бола эдим-ку? Э воҳ, умримни нималарга сарфладим, деб ўксинади.

Бизнинг замон шунаقا эди. Илм олсанг ҳам, қишлоқда кимга керак бўларди? Энди ҳамма йўллар сизники, болалар. Ўқинглар, катта бўлинглар, эл бошига келиб юрт сўранглар, дейишади.

Аммо нима учун бунча армон, афсус, ўқинч, изтироб?

Болалар эса... бир-биридан ўзғир, шаддод, аммо отасининг хурматини билади. Ўзини иззатиням билади, кўзларида ақл-фаросат балқиб турибди...

Ўтган йилларнинг ҳикояси мана шулардан иборат. Бу давр оралиғида улгайган минглаб-миллионлаб кишилар шу манзараларни ёд билишади. У ҳаёт онгларга сизиб кириб, аллақачон тошга ёзилгандай муҳрланиб улгурган.

Энди ўчармиди?

Йўқ, сира ўчмайди.

<sup>2</sup> Абу Райҳон Берунийнинг араб тилида ёзилган “Ал-осорул-боқия анил-курунил холия” асари. Ўзбек тилида “Қадимги халқлардан қолган ёдгорликлар” номи билан нашр қилинган.

## ИККИНЧИ ҚИСМ

### Генетикага кириш

(Генетикнинг учинчи ҳикояси)

Бундан бир ярим аср аввал Чехия монастырларидан бирининг монахи – Грегор Мендел деган одам нўхат устида тажрибалар ўтказиб, сариқ ҳамда яшил нўхатни чатиштиришда ҳосил бўлган барча навлар сариқ бўлиб қолганига дикқат қаратган эди. Икки тур ўсимликдан сариқ нав кучлилик қилгач, яшили қаёққа кетақолди? Бу ғалати ҳолат Менделни жуда ўйлантириб қўйди. Шунингдек, тириш бўртиқ ва силлиқ уругли ўсимликларни чатиштирган эди, кейинги ҳосилдагиларнинг ҳаммаси силлиқ уругли бўлиб қолди.

Шундан сўнг монах ғалати шу ишга бутун борлиги билан киришиб кетди. Чатиштиришларнинг икkinchi авлодида ҳар ўнтадан еттитаси сариқ, учтаси эса яшил бўлиб чиқди. Кейинги авлодда яна кутилмаган аломат кузатилди, яъни силлиқ сариқ ва бўртиқ яшил уруглар чатиштирилганида, яшилу сариқнинг хусусияти ўзгариб, силлиқ яшил ҳамда бўртиқ сариқ навлар юзага келди.

Мендел тасаввури кенг одам эди. Барча улкан кашфиётлар оддий ҳодисалар замираша ётишини биларди. Бундай ҳолат инсон ирсиятида ҳам учрармикин, деб бош қотирди. Инсонлар ҳам ўсимлигу дарахтлар сингари бир-бирлари билан чатишадилар, лекин баъзиларининг авлодлари бир-бирларига ўхшаса, бошқаларидан турли қиёфадаги фарзандлар туғилади. Нўхат ҳамда ловияда кучли нав фақат биринчи авлодда устунлик қилса, учинчи авлоддан кейин ажралиш юзага келди. Илк навлар кучли, бўлиқ ҳосил берса, кейингилари ота-онанинг кучсиз тарафларини олиб униб чиқди. Инсонларда-чи? Афсуски, Мендел у чалкашликларнинг қонуниятларини тополмасдан дунёдан ўтиб кетди.

Орадан анча йиллар ўтгачгина, бошқа олимлар Мендел кашфиётларига эътибор қаратса бошлишди.

Бу орада фан ҳужайра деб аталган хазинани аллақачон кашф этиб бўлган эди.

Айтайлик, чўлда кетиб боряпсиз, деди у. Кафтингизга бир сиким қум олдингиз. Унда нечта зарра бор? Мингтами, юз мингтами? Санашнинг иложи йўқ. Қумдан яратилган одам вужудида-чи, қанча бўлиши мумкин?

Ҳа, инсон танаси ҳужайра дейилган жуда майда зарралардан иборат. Улар қумдан минглаб марта кичик: фақат микроскоп остида кўра оласиз. Ҳажми, ранги, шакли бир-бирига ўхшамайди, гўё қор зарраларининг бетакрорлигини ёдга солади. Аксариятида қобиқ остида шаффофф суюқлик бўлади, унинг ичидаги эса ўсимлик уругига ўхшаган янада кичик зарралар жойлашган.

Тирик жон эгаларининг бари, шу жумладан ўтлару дарахтлар ҳам ҳужайрадан таркиб топган. Уларнинг баъзилари бор-йўғи битта ҳужайрадан иборат, баъзиларида эса бир неча минг. Инсонда эса тахминан эллик триллион ҳужайра мавжуд. Ўласангиз қўрқиб кетасиз, шуларнинг бари бир низом ва тартиб ичидаги ҳаёт кечириш билан бирга, вужуд тириклигини таъминлаб туради.

Кейинроқ эса ҳужайра таркибидан генлар ажратиб олинди. Хромосома деб аталадиган зарра ичидаги яшириниб ётган ҳукми илоҳий тўсатдан тирик жоннинг яратилиш сирлари томон йўл очиб берди. Ҳа, яралиш дейилган улкан жараён ген деб аталадиган бениҳоя митти моддалар бағридаги буйруқлар боис, ўз қонуниятларидан сира оғишмасдан давом этиб келмоқда. Микроскоп остида буралиб-чувалиб ётган у ҳукм ўрами қай тарз кўз, қулоқ, юз, соч, суюқ, мушак, тана аъзолари бунёдга келишининг, ўсиб-ривожланишининг ва ҳаёт деган ажойиб жараённи такомиллаштиришининг тамал қонуниятлари бўлиб чиқди. Бу эса жон эгаларининг бор-йўғи бир ҳужайрадан пайдо бўлиши сабабларига жуда кучли исбот бўлиб қўшилди.

Мендел бениҳоя мукаммал шу меъморий салтанатга инсон аралашуви мумкинлигини исбот қилиб кетди. Билимлар оламидаги мутлақо янги бу кашфиёт ҳар қандай тирик жонзотни истаган шаклда ўзгартириш мумкинлигини, бениҳоя мураккаб тирик организмларни хоҳлаган тарзда бунёд эта олишни ваъда қиларди.

Аммо, жон-чи? Кўзга кўринмас митти зарралар йўқлик оламларидан келадиган ўша меҳмон учун мукаммал бир меҳмонхона ҳосил қилар экан, унинг ўзи қайда? Шу маҳалгача жон дейилган унсурнинг фақат аломатлари кўрилган, ўзининг не экани эса жумбоқлигича қолмоқда. У меҳмон шунчалар азизки, наслу насабининг ҳам азизлигини таъкидлаш учун ота ва она қиёфаси бахш этилиб, вужуд дейилган хонаи хуршидга уларнинг қош-кўзлари, юз-чехраси ҳам нақш этилмоқда!

Мендел илоҳиётчи файласуф ҳам эди. Унга қадар олимлардан Абу Райхон Беруний ва Абу Али ибн Сино олам мукаммаллиги аро инсонгина зоти олий эканини, барча тирик яратиқларда фақат жон бор эса, инсонда ундан ташқари рух ҳам мавжудлигини таърифлаб кетишган. Мендел ҳам шу фикрни давом эттирид: она қорнида ҳомилага жон киргани ҳамоно яратилган у вужуд аъзолари ишга тушади ҳамда уч ой ўтгач, рух пуллаб киритилади. Ўнинг кимлиги, яхши ёки ёмонлиги ҳозирча Тангри таологагина аён. Топ-тоза, мусаффо инсон руҳи ўша муҳташам вужудга киргачгина одам пайдо бўлади. Мана шуни “Бир инсон дунёга келди”, дейдилар.

Модомики “келган” экан, у ҳолда, қаердан?

Тана дейилган маъвода у билан бирга ўсиб-улғаяр экан, ҳар нарсанни мушоҳада қиласди, таққослайди, турли-туманликларни кўриб тафаккурга толади, севади, нафратланади, қувонади, изтироб чекади. Шу тариқа, фақат мазмунлар илиа тўйина-тўйина, вақт-соати келгач, яна ўзга маконларга равона бўлади. Вужуддай ажойиб санъат асари эса дараҳтларнинг кузги барглари каби туссизлашиб, хазонга юз тутиб, олам тупроқларига қўшилиб-қоришиб кетади. Шунда “Фалончи оламдан ўтди” ёки “Дунёдан кетди” дейдилар.

Қай тарзда, қаерга кетақолди?

Келтираётгану кеткизаётган ким?

Бундай ифодалар фақат инсонгагина қўл-ланиши-чи? Ҳайвонлар, қурту қушлар, дов-да-рахтлар ҳам униб-ўсиб, ҳосил бериб ёки насл қолдириб хазонга айланар экан, уларга нима учун “оламга келди” ёки “абадиятга қовушди” дейилмайди?

Шу жараёнларнинг бари бирлашиб, инсон болалари оламга билим ва мазмун учун келишларини таъкидловчи рад этиб бўлмас ҳақиқатни намоён қиласди. Дунёга ташриф буюрган рух етарли мазмун билан тўйинмагач, шайтон измига кириши, бузғунчиликлар содир қилиши ақлга сифадими? Мендел ер юзидағи барча бузғунчиликларнинг ва фалокатларнинг асосий сабаби жоҳиллик деган хulosага келди. Не учун яратилганини, не учун дунёга келганини билмаслик, ўзини ҳайвон наслига мансуб деб ишониш, шу ажойиб тана ичидаги руҳнинг қайдан келганини ва қайга кетишини тафаккур қилмаслик уни ҳақиқатан ҳам тубан даражага келтириб қўйиши шубҳасиз. Рўй берган юзлаб урушлар, қотилликлар, ҳақсизликлар тарих

бағридан онгларга қаратса қичқириб турмоқда, деди Мендел. Мехру муҳаббат фақат инсонга хос эканини, бошқа бирор-бир жон эгаси у неъматларга ноил бўлмаганини кўрмаяпсизми? Оламдан олиб кетадиган нарсангиз ҳам ўша мазмунлар экани онгингизга етиб борма-яптими?

Шундай бўлса-да, ундан кейинги олимлар шиддат билан янги жон эгаларини яратиш шавқига берилиб кетишиди.

Инсон мукаммал эмас, дейишди баъзилари. Мукаммал бўлганида қариб-қартаярмиди, ҳар турли касалликларга дучор бўлармиди? Мана, ўзингизни ўзингиз яратиб олинг, дея яратилиш тамалининг қотқалари ланг очилмоқда. Яна бироз сабр қилсангиз бас, дунёни истаган шаклга келтира оласиз. Ўз вужудингизни қайтадан яратасиз, томирларингизда доимо куч-куват оқадиган, умр кузининг кексалик ва ажал деган оғатлари кор қилмайдиган даражага етасиз.

Илк генетик тадқиқотлар шу заминда бошлангани сир эмас. Турли-туман бой-бадавлат кишилар ўз сарватларини тадқиқотлар учун аямай сарфлашарди. Ахир, яқиндагина одам боласи заиф мавжудот ҳисобланмасмиди? Ақлу тафаккури боис, ўзидан кучли яратиқлару балоларга бас кела олиш учун қуроллар ихтиро қиласди, мустаҳкам уйлар, тўғонлар қурди, ҳайвонларни бўйсундирди, чақмоқлару шамоллар ҳосил қилишни ўрганди. Ҳа, энди тўла ҳукмронлик замони келди, чунки у ҳар нарсадан ғолиб чиқди.

Шунингдек, касаллик ҳосил қиласди яратиқлар генга эга бўлиши шарт деб белгиланди. Шу тариқа, ҳайвонлару ўсимликлардан тортиб то одамни ҳалокатга етаклайдиган, қуритиб-қовжиратадиган турли-туман касаллик қўзратувчиларию таомлару меваларни ачитадиган, ер тубларида жараёнлар ҳосил қиласди, тошларни емирадиган, хамирни кўпчитадиган бактерияларгача тириклар сафига келиб қўшилақолди.

Менделнинг ҳаёт ва ўтим қонуниятлари ҳақидаги у рисоласи бошқа тур юзлаб асрлар орасида қолиб кетди. Дунё янгиланишга юз бурмоқда, энди асрлар оша эскирган хулосалар ҳеч кимга кераксиз, аллақачон ҳамма биладиган гагларга айланиб қолган, замонавий фан эса янги уфқлар сари дадил одимларди.

Кейинги юз йил ичидаги муттасил таҳлиллар ҳамда тадқиқотлар давомида эса түсатдан.. одам боласининг яралыш қонуниятларига дахл қилиш ҳалокатли экани аён бўлди. Инсон генлари жуда мустаҳкам ҳимояланган бўлиб, ундаги салгина ўзгариш ҳам жон эгасини йўқлик сари етаклаб кетарди. Шундан сўнг инсонни генетик ўзгартириш фикридан қайтилди, кўпчилик ўлкаларда бу тур тадқиқотларни қонунан тақиқланди. Тўғри-да, инсон устида тадқиқот ўтказиб, у мукаммал тизимни ўзгартириш асносида унинг айни дамда бўлғуси ота, она ёхуд фарзанд эканлиги назарда тутилса, отадан ёки онадан ўтган мутлақ генларниң ўзгариши натижасида бошқа шаклу қиёфа олган янги жон эгасининг “Отам қани? Онам қани?” деган саволларига ким жавоб бера олади? Жавҳаридан ўзгартирилган у мавжудотни ким одам деб тан олади? Мудҳиш тақдирларни яратиш foялари шу тариқа абадиян ҳибс қилинди. Фақат ирсий касалликлар ҳамда тиббий генетика изланишларига рухсат берилди, холос. Ўсимликлар генетикаси эса кутилмаганда шиддат билан ривожланди. Чунки ёруғдан баҳра оладиган ҳамда тупроқдан неъмат яратадиган шу оддий жонзотлар ген ўзгаришларига анча мослашувчан бўлиб чиқди.

Мана шу маълумотларниң барчаси дунё генетика марказларининг илм ҳазиналарида жилдажилд рисолалар ва маълумотлар кўринишида сақланмоқда эди. Оламниң қаерларидадир тирик организмлар тузилиши устида тадқиқотлар муттасил олиб борилаётгани ва махфий тутилаётгани аён, ўсимликлар ва дараҳтлар дунёсига алоқадор барча билимлар эса ошкор бўлиб, тез орада у яна бир бошқа тизимга – тижорий тизимга хизмат қила бошлагани ҳам сир бўлмай қолди.

## Момақалдироқ

Момақалдироқ қандай ҳосил бўлишини кўрганимисиз?

Ёмғирга ҳомила қора булатлар қат-қат, уюр-уюр тўпланиб-пасайиб келган маҳал, ҳавода бегона шамоллар ўқтин-ўқтин забт уриб, дов-дараҳтни шовуллатган кез, бир-икки ёмғир томчиси ҳар ер-ҳар ерда заиф шитир ҳосил қилган паллада кўкни ёриб чақнаган чақин шиддатидан сўнгра янграйдиган гумбурлаган садо ҳайрат, шавқу завқ ва ҳайқиши ҳосил қиласди. Чақин само қамчиси бўлса, момақалдироқ – ўша қамчи булатларга урилганининг овози.

Мен момақалдироқ олдидан бир лаҳза тек қоладиган табиат аро ёйлоқларниң ниманидир кутаётгандай таҳликада титраган ўт-ўланла-

рини, жонзотларини, дов-дараҳтини кўп кузатганман. Момақалдироқ ҳавони ларзага келтирганида, ортидан келадиган ёмғирни сезишини, қад ростлашини, интиқлигини кўрганман.

Яна, ўтлару майсалар, бори наботот чақмоқдан қўрқиши-чи? Қурту күш олдиндан сезиб, беркиниб олиши-чи? Ақлу тафаккури йўқ у жонзотларга бундай сезимларни ким берган?

Билғанларим онгимда момақалдироқ содир қилганга ўхшарди. Аммо ҳали чақин кўринмади-ку? Билим булатлари ерга янада яқинлашганида, кўкни тиккасига ёриб юборадиган у самовий қилич қудратини ҳозирча шу гулдуросгина ифодаламоқда эди, холос.

Бир маҳаллар, сарғайган маккажӯхорилари иссиқда ҳансираган, одамларию табиати бир-бiringa ўхшаш маконлардан чиқиб келган қора кўз болакай, яъни мен ўзимда пайдо бўлган илм чанқоқлигини қандай қондиришни билмасдим. Йигирма уч ёшимга қадар ўзим билган дов-дараҳт ва ўсимликларни илдизигача ўрганиб чиқиб, биология илмига хос неки бор, ҳаммасини сингдирив олгач, шуурим яна ва яна билим истарди.

Мактаб дарсларида қайта-қайта ўтилган “Фикр соҳибжамоли юзидан пардасини очди” деган гапнинг мазмуну моҳияти энди ақлимга етиб келаётган, ҳақиқатан ҳам, у сулувнинг ҳусну жамоли шунчалар мафтункор, инсон ҳаётини тубдан ўзгартириб, ўзига тамомила маҳлиё қиласар даражада жодугар, минглаб асаларилар тўплаган тоза бол каби хуштаъму шифобахш эканига ишонардим. Ичимдаги “илм шайтони”ни қандай тинчлантиришнинг йўлини тополмасдим.

Ақлу тафаккурим йилдирим тезлигига кўрган-билган воқеа ва ҳодисаларни таққослаб, хулоса чиқарар, шиддатидан ўзим ҳайратлашардим. Фан чўққилари сари интилар эканман, теграмда яна одамлар ва воқеалар жонланарди.

Ўсиб-улғайиш мобайнида неки кўрган бўлсам, фанлар ёруғида улар мутлақо бошқача жилваланарди-да. Масалан, қуёшга қора шиша орқали қарасангиз, ёфдуси оқиши бўлиб қолади. Ёки ниначи кўзига ўхшатиб ишланган ойнадан боқсангиз, бир хил тусли осмон турли бўллакларга бўлинганини кўрасиз.

Теваракда неки тирик жон бор, бари ниҳоясиз ҳукми илоҳий ила турли-туман ақл етмас жараёнлар ичиди эди. Ҳар тирик жон зарурий маъданлару кимёвий бирикмаларни ўз танаси бағридан чиқариб зурриёдига тутар экан, уларни ҳосил қилишини қай тарзда ўрганақолди?

Сут дейилган, эл ниҳоятда эъзозлайдиган ва муқаддас деб биладиган неъмат таркибидаги қўшалоқ органик моддаларни, шифо, даво ва озуқа бўладиган юзлаб унсурларни қон ва эт ораларида ҳосил қиласидиган қудрат нима? Шуларни ўйлаганимда оловнинг сирам олов эмаслигини, балки зарралар ҳаракати ҳаддан ташқари тезлашганида кучли энергия ажralиб чиқишини ва моддалар хусусиятини ўзгартиришини кузатардим. Булар орасида энг ажойиби сув эканига ҳайрон қолар, ҳаводаги икки зарра бирлашиб зилол ҳосил қилишини тушунолмасдим. Ҳар ҳолда, шу икковлон бирлашганида учинчи бир модда пайдо бўлиши ҳам азалдан ирова қилинган қонуният бўлиб, қудрат эгаси агар истаса, уни бузуб юборишига ва ер юзининг барча олимлари бирлашганида ҳам сув ҳосил қилолмаслигига ақлим етиб турарди.

Етилаётган буғдойлар, мева-чевалар, сабзавотлар, илдиз ёрдамида тупроқдан нотаниш маъданларни сўриб олиб, олмага, нокка, гилосга, кулупнайга айлантираётган, ер устидаю остида, шоху новдаларда, япроғу илдизларда тарам-тарам, дона-дона, фуж-фуж, қўша-қўша ёки тизим-тизим мевалар ҳосил қилаётган ҳукмларни кўриб, уни ҳаракатга келтирадиган, жорий қиласидиган ҳамда барқ урдирадиган яна бир қудрат мавжудлигини сезиб-билиб турардим.

Назаримда, “жон” ўша эди!

Бир маҳаллар, ўриб олинган маккапояларнинг ердан чиқиб турган қолдиклари кўл-оёқни тифдай тилиб юборишини, жароҳатдан оч-қизил тусли қон оқиб чиқиб, тезда қотишини айтган эдим.

– Кўлингни тилиб олдингми?

– Ҳа, маккапоя илдизи тифдай экан. Кесиб юборди.

– Эҳтиёт бўлмайсанми? Устига тоза тупроқ сеп ёки қоракуя сурт!

Фан бу ҳодисанинг қандай содир бўлишини шундай аён қиласиди. Қаранг, нималар рўй берар экан? Сон-саноқсиз асаб толалари узра “Бу одам қўлини кесиб олди” деган хабар вужуднинг ҳар тарафига чақмоқдай таралади. “Дикқат! Баданнинг қўл қисмida жароҳат бор. Вужуднинг бир бутунлигига путур етди!” Ўша заҳоти қўмикларда, иликларда, суяқ ва қон ораларида ақл бовар қилмас ишлар бошланади. “Кесилган жойни ҳимоя қилиш учун бизга мудофаа аскарлари лозим. Кесилган жойни тиклаш учун тўқувчилар, тикловчилар, бутловчилар, маъданлар керак!” Жароҳатдан кириб келиши мумкин

бўлган “душман”ларга қарши курашиш учун иммун тизими аскарлари ўша заҳоти гуроғ-гуроғ жўнаб кетишади. У жойда ҳарорат ортади, чунки юқори ҳароратда бегона жон эгалари тезроқ ҳалок бўлади. Кесилган жой усти жигарранг қобиқ билан қопланади, сабаби – бегоналар кириб келолмасин! Қобиқ остида эса тиклаш ишлари муттасил давом этади. Заараланган томирлар, узилган асаб толалари, тери қаватлари бирин-кетин янгиланади. Ниҳоят, аввалги ҳолига келгач, вужуд ораларидан яна буйруқ келади: “Тиклаш ишлари ниҳоясига етди! Барча аъзолар мўътадил ишламоқда. Ўраб олинган жойнинг ҳимоя қобигига энди ҳожат йўқ!” Қобиқ остидаги “ишчи”лар уни тутиб турган сон-саноқсиз итларни кесишгач, жароҳат устидаги қобиқ ўз-ўзидан кўчиб тушади... Тикланиш, яъни регенерация ҳаёт деган сирли унсур яшнатиб турган барча тирик мавжудотларда шу тарзда рўй беради. Кўз кўра-кўра ўрганиб кетган, гўё ўз-ўзидан рўй бераётган шу ишни, онгиз ҳайвону ўсимликларни қўятуринг, олий тафаккур эгаси бўлмиш одам боласининг ўзи бошқаряптими? Асло йўқ. Зоҳираң оддий, лекин моҳиятан жуда мураккаб жараёнларнинг бари вужуд генларидаги ҳукмлар боис рўй бермаяптими?

Мен етиб келган фан чегараларидаги ўзига хос билимлар, трансгенлар<sup>3</sup>, мутациялар<sup>4</sup>, тирик жон бағрида рўй бераётган турли-туман жараёнлар, курашлар, ғалабау мағлубиятлар... Вирус ёки бактерия кўринишида танага кириб келган сон-саноқсиз “душман” аскарлари, уларга қарши курашадиган иммун тизимиning мукаммал мудофааси... Бағрига Коинотни жо айлаган Инсон... Ҳамда шу вужудни пайдо бўлганидан то умр сўнгига қадар ипидан-игнасида зарра-зарра бошқариб турган илоҳий бошқарув... “Мана энди истаганингни қил, – деб ҳайқирмоқда эди мен танлаган фан, шайтоний қаҳҳаҳа ила. – Яратилиш қонуниятларининг тамалигача ҳукмингни ўтказа оласан. Хоҳласанг, жаҳаннам махлуқларини ярат. Сигир бошли чивин, тимсоҳ бошли қўй ёки уч бошли одам пайдо қилиш батамом изну ихтиёрингда. Ер юзидаги миллионлаб судралувчи, учувчи, ўрмаловчи, сакровчи, сузувчи жонзотларнинг яралиш қонуналари қаршингда мунтазир. Оламлар Хожаси сени Коинот сарвари деб шарафлаганига энди имон келтирасанми? Қачонлардир яратилган ва бугун таъбингга мос келмай қолган нарсаларни бемалол ўзгартиравер, йўқса бу қудрат, бу имкон сенга ўз-ўзидан, шунчаки берилибдими?”

<sup>3</sup> Бир мавжудотдан бошқасига кўчириб ўтказилган бегона ген.

<sup>4</sup> Ташки таъсир, оғат ёки касаллик түфайли ўзгариб қолган вужуд.

Ер юзидаги тириклик ҳаётини ағдар-тўнтар қилиб юборишга қодир бир одам боласи мисли кўрилмаган шу низом аро минглаб йиллардан бўён давом этаётган ажойиб ҳаётнинг яралиш сирлари қаршисида ортига тисарилмасинми, ҳайикмасинми, титрамасинми? Ҳамда ижод шавқи аро яна олға интилмасинми?

Ўзгариб кетган замонавий дунёда ҳаёт кечираётган жон эгаларига “тузатиш” киритиш Тангри иродасига қарши чиқиши эмас, балки унинг ердаги элчиси ўлароқ, оламга хукмонлик қилиш, ўзгартириш, янгилаш деган маънони билдирамайдими?

Бир замонлар “Инсон мукаммал эмас” деб даъво қилганлар қаторида, “Бундан миллионлаб йиллар аввал яратилган яратиқларнинг баъзилари эскирди” деганлар ҳам бор. Уларнинг гаплари ҳақиқатга яқинми? Наҳотки, Оламлар Хожаси яратиқларни замонга мослаб қўйишни бандасига раво кўрган бўлса? Масалан, ке чкузмаҳали узумновдалари ие рга кўзмами. Шўрлик, тўсатдан келган совуқда титраб-довдираб, не қиларини билмай туради, ажалим етдимикин дея қўрқади. Ҳа, қиши қаттиқ келади шекилли, кўмилмаса, совуқ уради. Музлаган ерни ўйиб, йўғон зангларни ҳалқа-ҳалқа ўраб, устидан маккапоя ва тупроқ бостириш заҳматини бошдан ўтказгандар билишади. Таркибидаги “эскимос” деб аталадиган генларни ўзгартириш билан бу муаммо барҳам топиши мумкин. Илмнинг ўйинларини қаранг! Эскимослар – Гренландия музликларида яшовчи, муздан уйлар қуриб яшайдиган кишилар. Ҳалқ номининг навга берилиши ҳам фандаги фалати ҳодисалардан бири. Лекин илмда бундай ҳолатлар тез-тез учраб туради. Масалан, чойнинг бир тури “ҳинд” деб, қаҳванинг бир тури эса “африкалик” деб аталади...

Дунёning энг илгор лабораторияларида оламдаги узум навларининг нусхалари сақланади. Уларнинг генлари аллақачон ўрганилиб, хариталари тузиб бўлинган. Қишлоқдаги одамларнинг муаммоси ҳал бўлиши учун ўша навнинг ген харитасини топиш, “секвенсер” деган ускуна ёрдамида узум генининг ўша қисмини “кесиб” қўйиш керак. Шунда танасида оқадиган суюқлик хусусияти ўзгариб, совуққа чидамли бўлиб қолади. Бир узумгина эмас, совуқдан азият чекадиган анорлару анжирлар ҳам ёлвориб тургандай. Ажаб, ““эскимос” генлари уларда ҳам бор. Ҳужайрасининг жавҳарига ўзгартириш киритилса кифоя.

Лекин жон дейилган номаълум унсур у ҳужайрага киравмикин? Ҳаёт кечиришига, ўсиб-унишига кўмаклашармикин? Ёки яралиш хукмидан чиққан у заррани тарқ этармикин?

Фоялар... умидлар... орзулар ҳам илм худудларидай бепоён, битмас-туганмас...

Уфқларга қадар ястаниб ётган, устида қалдирғочлар тинмай айланиб учадиган, орасига кирсангиз нафас олиш қийинлашадиган далалардаги ғўзалар-чи? Бизда иқлим тез ўзгаради, илк теримдан кейиноқ ёмғирлар ёфиши мумкин, у эса ҳосил сифатини айнитади. Дунёда рўзачалик кўп ва чуқур ўрганилган ўсимлик бўлмаса керак. Унинг бағридаги уч миллиард кимёвий ҳарф билан ифодаланган матн сирларига термилиб ўтиарканман, одамларнинг меҳнатлари, қатор ораларидаги уччаноқлар, ейилган беҳилар кўз олдимга келади. “Буда данияса ўсимли ик-да, – дейди улуғларимиздан бири, кетменини ерга қўйиб, пешонасидағи терини артиб. – У ёқ-бу ёғини чогиб, қулоғидан тортиб, илдизига ҳаво бермасангиз, сира ўғиси келмайди”. Шундай бўлақолсин, лекин уни тезроқ, толаси узунроқ бўлиб етиладиган қилишнинг усуллари борми? “Бор, – дейди Генетика. – Қишлоқ терақозор ирадаги дараҳтлар баланд ўсиб, нурни тўсиб қўймаганмиди? Отқулоқ барглари ва ундаги толасимон томирлар шу сабабли бўртиб, ўсиб-узайиб кетмаганмиди? Сояда қолганидан хавотирланиб тезроқ гуллаб, эрта уруф сочмаганмиди? Эсла, эсла... Қуёш нури тикка тушадиган жойдагилари унақа эмас эди. Ахир, бари бирдай отқулоқ-ку?

Ҳа, ўсимлик нурга интилади. Уни тўсиб қўйсангиз, савқи табиий или ёруғлик қаёқдалигини сезиб, ўша ёққа қараб ўсади. Ёруғ камайса, куз келяпти деб ўйлаб, қўрқади. Куз унга ҳаёт тамом бўлганини, ажал элчиси йўлда эканини билдиради. Узум шу сабабдан мўйловларини ҳар ёнга ёйиб тепага интилади, ҳатто дараҳтларнинг қир учигача чирмашиб чиқиб боради. Қовоқ ҳам шундай, дасталаб босилган рўзаптоялар тегасигача ўсиб, катта-катта ошқовоқ солади. Қунгабоқарни-ку айтмай қўяқолай. Хуллас, рўзани ёруғликдан тамомила мосуво қилсак, нур излаб ғовлав кетиши мумкин. “Чилтиш” деган жараённинг моҳияти ҳам шунда, яъни ўсимлик шундай бошқарилади. Учидан чилтилган ўсимлик ўсишдан тўхтаб, кўсакка зўр беради, чунки “Кимдир келиб мени чилтиб қўйди, тезроқ ҳосилимни берақолай, куз келгунча улгурай, бўлмаса яна чилтиб ташлаши ҳеч гаптас”, деб ўйлади...

Шошма! Мабодо, уни нурнинг ҳаммасидан эмас, маълум қисмидан жудо қилсак-чи?

– Физика!

– Лаббай.

– Куёш нурини ёйиб бера оласанми?

– Марҳамат. Куёш нурининг кўринадиган спектри бир қанча ранглардан иборат. Чапдан ўнгга қараб, бинафша, кўк, яшил, сариқ, қизил ва узоқ қизил нурларга бўлинади, – дейди Физика, мактабдаги кекса устозим Абдуназар аканинг овози билан.

– Биология, фўза фотосинтези учун энг муҳим нур қайси?

Биология эса яна бир устозим – Ҳошимбой аканинг овози билан жавоб қайтаради:

– Ҳаммаси, лекин ўсимликлар қизил ҳамда узоқ қизил нурсиз яшай олмайди, у ўсимликнинг юраги ва кўзидир!

– У ҳолда, “узоқ қизил” нурни кесиб қўйсак-чи?

– Бу ҳақда маълумот йўқ. Генетикадан сўрайқол.

– Генетика, нима қилайлик?

Генетика фани бутунлай бошқа сас ила жавоб қайтаради:

– Унинг ген харитасидан “узоқ-қизил” нурга жавоб қиладиган жойини топиб, ўша ердаги генларни “ўчириб” қўйиш керак.

Генетиканинг жавоби тўғри. Аммо қанақа қилиб “ўчирса” бўлади?

## Устоз

– Ассалому алайкум, устоз.

– Ваалайкум ассалом. Генлар устидаги уринишлирингиздан хабарим бор. Буларнинг бари яхши, лекин, сизга бир нарсани айтиб қўйишм керак.

– Марҳамат, устоз.

– Нега буюрилган тажрибаларни қўйиб, бошқа ишлар билан шуғулланиб юрибсиз? Хаёлингизда мустақил олимга айландингиз-да энди?

– Йўқ, албатта. Катта устозга бу фояни айтгандим.

– Булардан наф йўқ - барибир ҳеч нарса чиқмайди, қийин масалалар. Ҳўп, катта устоз нима дедилар?

– Катта устозга маъқул бўлди. Бироқ, мен кўпчилик “ҳеч нарса чиқмайди” деганига иккиланиб турибман, десам, у киши “Биз – ўзбекмиз! Бошлдингми – чиқмаса ҳам охиригача етказ!” дедилар. Яна “Билиб қўйинглар, сизлар қилаётган ишлар, сиздаги интилиш ва маънавият, қўзингизни ёниб

туриши энг катта хазинадир” деб алоҳида таъкидладилар. Жуда руҳлантириб юбордилар!

– Ҳа-а... У киши албатта руҳлантирадилар-да, дарров ҳаволаниб кетаверасизми? Билиб қўйинг, сиздан аввал ҳам бу ерда ҳазилакам одамлар ишлашмаган. Қанчадан-қанча олимлар халқ учун тер тўккан.

– Тўғри айтасиз, устоз, лекин ҳаракат қилиш, синааб кўриш керак, деб ўйлабман. Чет элларда шундай тадқиқотлар бор экан!

– Аввал лабораториядаги ишларни бажаринг. Ҳалитдан ўзингизни чет элдаман деб ҳис қилманг!

– Тушундим.

– Ҳалқлар пайдо бўлиши ҳақида ҳам тадқиқотлар бошлаган эмишсиз. Бу қанақаси? Бу борада дунёнинг манаман деган олимлари аллақачон ўз фаразларини эълон қилиб бўлишган, уларга қарши чиқиши нодонликдан бошқа нарса эмас. Устига устак, бир миллатни қадимий деб бошқаларини камситиш ярамайди! Чет эл... Иқлимини, сувни, ҳавони, тупроқни ҳисобга олмасдан, оламшумул ишларни бошини тутаман дейиш хомхаёл-ку? Эсингиздами, Токиода яратилган трансген ноклар Европада тупроққа қадалганида, бир неча йил ўтиб, ҳосил бермай қўйгани? Трансгенлар унчалик мақбул ғоя эмас! Дори-дармонлар-чи? Ўзга иқлим кишиларида синааб кўрилган дорилар бизнинг одамларга наф келтиришига кафолат борми? Оламда барча жонзотларга бир хилда таъсир қиладиган ёки ҳамма ҳудудларда бирдай ҳосил берадиган кашфиёт яратиб бўлмайди, шуни ёдингизда тутинг. Ҳар соҳага интилавермасдан, буюрилган ишларни бажаринг!

– Ҳўп бўлади, устоз.

Ичимда устозимнинг даккиларидан озорлансан-да, “Бегона ген ўрнига ўсимликнинг ўз генларини ишлатсан-чи”, деб ўйга толаман, шу фикрим тўғрироқдай кўринади. Балки устозга маъқул бўлар? Натижани кўрсатсан фикри ўзгарар? Шундай ўйлар билан ишимга шошиламан... Катта устознинг руҳлантирувчи фикрларини эслаб, бир сесканиб қайта уйғонгандек бўламан, зеҳним теранлашиб, қалбимда дарёдай тўлиб-тошаётган жўшқинлик пайдо бўлади.

## Интизор

– Қайдан илмга маҳлиё бўлдим, қайдан ҳам шу жодугар сехрига кириб қолдим? Гоҳида бу уринишларим бесамармикин деб ўйлаб қоламан. Аммо, ниятларим, орзуларим топ-тоза,

мусаффи-ку? Фан олдида инсон шахсияти нима бўпти? Мен бўлмасам, кимдир шу ишни қилиши керак-ку? Тавба, оламда баъзан мени англай оладиган ёч ким йўқмикин, деб ўйлайман. Балки сен менга қанот бўларсан? Ҳафсалам пир бўлиб, қилаётган ишимнинг истиқболига ишончим қолмай ёки шу ишларимнинг қадрига бирор етармикин деб руҳим сусайган маҳалларда юрагимга қувват баҳш этарсан?

– Қанақа қилиб сизга қанот бўлай, оддий бир аёл бўлсам?

– Эсингдами, Даشتி Қипчоқдан бизниги маҳмон бўлиб келганинг? Сенга асаларилар тўдасини кўрсатганим?

– Ҳа, албатта, эсимда. Мени роса ҳайрон қолдирган эдингиз.

Ўша маҳалларда ҳар нарсадан ҳайратланадиган жўн бир болакай эдим. Илм мени ўзгартириди. Энди худди асалари каби, тўтимдан ажралиб учгандайман, билим чечаклари узра зарра-зарра, қатра-қатра бол тўплаётгандайман. Бир мен эмас, илм йўлини танлаган ҳар қандай одам шундай ўзгариши шубҳасиз. Худди юксаклардан кенгликларга боқаётгандайман, воқеа-ҳодисаларни, ҳаётни кузатаётгандайман. Бунақа нарсаларни қишлоқ боласи етти ухлаб тушида ҳам кўрмас эди. Турмуш боис илм чанқоқлигини зўрлаб сўндириб, ҳаёт деган тегирмонга кириб кетган қанчадан-қанча зукко дўстларим эсимга келади. Ўзим бор-йўғи бир фан йўлининг бошланишидаман-у, ҳаммага илинаман. Жўшиб-жўшиб сўзлаб берсам дейман. Эҳ-хе, айтадиган қанча гаплар бор!

– Тўғри, аммо айтганингиздан нима наф?

– Наф дейсанми? Мен жуда ғалати билимларга рўпара келдим. Болалик ҳаётимиз ёдингдами? Одамлар заҳмат юки остида эдилар. Онглар эзилган, ҳаёт кечириш учунгина меҳнат қилишарди. Далаларда “болам-чақам” деб куйманиб юрган сувчилик, чопиқчилик, кетмончилик, тракторчилик, боф ораларида ҳар бир дараҳт шохига кўз тиккан боғонлар... Қишлоқларда мол-ҳол боқиб, ер ағдариб, ўтин тўплаб, ўт ўриб юрган кишилар, велосипедини елдириб юрган болалар... Шуларнинг барчасига “Сиз бениҳоя улуғсиз! Ҳаёл етмас қадар мукаммалсиз!” дейдиган аҳволдаман.

– Нима кашфиёт қилдингизки, сизни шунчалар ҳаяжонга солибди?

– Худди йўл устида юриб келаётib, хазина топиб олганман-у, қийматига ҳайрон бўлиб тургандайман... Озгина қолди. Сен менинг юра-

гимга мадор, қалбимга қувват бўлиб турақол. Бироз вақт ўтсин, шу айтган гапларимнинг ҳақиқий исботларига етиб бораман!

\* \* \*

Сон-саноқсиз кимёвий ҳарфлар билан ифодаланган ген белгилари орасидан айнан нурга интилишни назорат қиласидиган қисмини топиш, уни “ўқиши”, керакли қисмини “кесиб” олиш ҳамда ўзгартириш мушкул иш бўлиб чиқди. Нихоят, олти йилдан сўнг бегона ген ишлатмасдан, ғўзанинг “узоқ қизил” нурга масъул гени “ўчирилган” нав ўстиришга муваффақ бўлинди. У одатдагидан ўн кун эрта етилди, касалликларга чидамлилиги ортди, толаси эса, мен айтган каби, анча узайди. Ўз генлари ишлатилган, яъни “соти ўзидан чиқарилган” бўлса-да, бу янги навнинг феъл-авторини ўрганиш учун яна бир неча йил кутиш керак, чунки, Мендел тажрибасидаги каби, маълум вақтдан сўнг унда аждодларидағи бирор-бир номақбул хусусият жонланиб кетмасмикин деган хавотирим бор эди...

Шунинг баробарида, ризқу рўзимиз – буғдой ҳамда анор устидаги изланишларимни ҳам тенгма-тенг олиб борарадим.

Энг сифатли буғдой нави ҳам бизнинг иқлимда исталған ҳосилни бера олмайди. Сабаби, салқин ҳаво, ёмғирлардан кейин кунлар бирданига исиб кетгани учун бағридаги елимсизмон моддаси тез қотиб қолади. У “қотмаслиги” учун буғдойга намроқ иқлим зарур. Демак, буғдойдаги елимсизмон моддани тез қотишига жавобгар ген ўчириб кўйилса, нони анча сифатли чиқади, деган умидли ўйлар сира тинчлик бермайди.

Анор эса... Ҳар ҳовлига кўрк бўлиб турган, қалин пўст бағрида инжу доналарини тухфа этган бу бута, назаримда, жуда заиф, ўқсик, ҳуркак. Одамлар бошқа дараҳту буталардан кўра анорга кўпроқ меҳр кўрсатишади, куз совуқ келса, эски-туски тўшаклар билан ўраб-чирмашади ёки авайлаб ерга кўмишади. Ўни совуққа чидамли қилиш учун, Генетика айтганидай, “эскимос” генлари қайдо эканини аниқлаш керак. Шунда ажойиб бу бута қувватланиб, қишининг қирловларидан соғ-омон чиқа олади, ҳар ҳовлида, ҳар хонадонда кўрк таратиб, барқ уриб яшнайди. “Эскимос” ҳар бир ўсимликда борми? Бор, албатта, бунинг учун унинг ҳужайрасига маҳсус ферментлар асосида ишлов бериб, ген ҳалқасини ажратиб олиш, ундаги сон-саноқсиз кимёвий тимсоллар орасидан айнан ўша қисмини топиш зарур.

Ғўза, буғдоӣ, узум, анор... Ҳар бирининг ўз күшандаси бор. Хўш, заараркунандалар илаш-маслиги учун нималар қиласа бўлади?

– Эсингдами, бир куни қовун уруғларини қатор ораларига ташлаб кетган эдинг? Эртасига келиб қараганингда нимани кўрдинг?

– Келиб қараганимда, кўсак қуртлари ўша уруғни еб ўлиб қолганини кўрдим.

– Демак?

Кўсак қурти етила бошлаганида жуда очофат бўлиб кетади. Сабаби – оқсила. У тўла етилиб, тухум қўйиши учун оқсил керак. Оқсил эса, боя айтганимдай, хужайра таркибидаги уч асосий макромолекуланинг бири. Генетика унинг ҳам маълумот ташишини уқтироғонда... Майдо жон эгалари ҳам куздан кўрқишади, шу сабабли жон-жаҳди билан керакли моддаларни топтиб, насл қолдиришга интилишади. Биздаги қовунлар эса жуда ширин, уруғидаги оқсил кўсақдагидан анча кўп. Мана, нима учун улар ўсимликдан тушиб, қовун уруғига интилишган экан! Шошма, балки далаларга солинган заҳарли моддаларнинг айримлари қовун уруғида тўпллангандир-у, ҳалок қилгандир? Йўқ, ундан бўлиши мумкин эмас. Ўсимлик ўзи заҳарланса ҳам авлодини, яъни ургуни омон сақлайди. Қолаверса, “қувваи табия” кўсак қуртини ҳам мукаммал қилиб яратган, ўзига зарар келтирадиган нарсага дуч келса емаслиги аниқ... Бизлар лаззатли деб ҳисоблаган неъматларни емайдиган “ақлсиз” сигир-қўйлар эсимга келади. Демак, қовунда кўсак қурти бехабар қанақадир табиий модда бор!

Биокимё қовун уруғи таркибидаги “пептид” деган ўша моддани дарҳол топтиб беради, молекуляр формуласини ҳам рўпара қилади. Энди ғўза таркибига уни киритсак бас, кўсак қурти ҳеч қачон яқинлашолмайди! У пептид ғўза хусусиятига салбий таъсир кўрсатмасмикан? Ўсимлик бегонасирамай қабул қилармикин? Бу ҳақда маълумотлар борми?

Маълумот дунёning бошқа бир четида экан: америкалик бир олим худди шу пептидни шакарқамишдан, ҳиндистонлик яна бири эса йирик патсимон папоротникдан ажратиб олиб, ғўзага пайванд қилиби!

Демак, тўғри йўлда эканман-да? Ё адашяпманми?

Фан ғўза ҳамда шоколад дарахти – какаонинг генетик тузилиши бир хиллигини таъкидламоқда. Бу дегани – какаонинг ўзига хос чидамлилик генлари киритилса, ғўза бегонасирамай қабул қилади. Қарабисизки, касалликка чидамли бутун-

лай бошқа нав яратилиши мумкин. Ёки табиий шоколад ифори анқиб турадиган тола олса бўлармикан? Нега аждоди какаодаги таъм берувчи генлар ғўзада ишламаяпти, ахир улар йўқолмаган, сақланиб қолган-ку? Генетика шунаقا саволларни рўпара қилаверади. Қайси навнинг ҳаётий генлари қайси жайдари ғўза навига ўтказилса, муваффақиятга эришиш мумкин? Кутимаган ҳукмлар ишга тушиб, какао сингари кўп ийллик ёки ҳозиргидек беш ойда эмас, саккиз ойда етиладиган навга айланиб қолса-чи?

Ҳар қандай ўсимлик устида мана шундай тадқиқотлар қилиш мумкин. Генетика шунаقا фан. Лекин биология билан алоқадор қисми унинг жуда кичик бир бўлаги. Оламда тиббий генетика дегани ҳам бор. Афуски, мен у йўлдан бормадим, йўқса, ирсий ёки ўлимчил касалликларни батамом йўқ қиладиган усулларни топишга уринган бўлардим. Жуда оддий қилиб айтадиган бўлсам, масалан, касаллик пайдо қиладиган вирус ҳам тирик жон. У ўзининг нима эканини билмайди, ҳайвону ўсимликдай бир нарса, кувваи табия унга “Кулай жой топтиб, урчиб-кўпайгин”, деб буйруқ берган. Инсон вужудига кирган у жонзор аслида ўз ҳаёти учун курашади, яшаш жараёнида зарарли моддалар ҳосил қилади. Аммо у ҳам озиқланиши керак-ку? Озуқани эса қондан олади... Уни ҳалок қиладиган, ген тизимларини бузадиган моддалар юборсак-чи? Албатта, ҳалок бўлади. Лекин миллионлаб фаразларни таҳтил қилиш учун дунёдаги юзлаб илмий марказларнинг қуввати ҳам етмайди...

Менинг тақдиримдаги “фикр соҳибжамоли” юзидан пардасини хиёл очганида, бор тирик маҳлукотнинг яралиш сирлари тубига тушиб борадиган мана шу фан орқали модда яралишининг ҳикматлари аро янги бир йўналишни – “генларни бошқариш” деган усулни ҳадя этди.

Лекин ўзим ҳам тирик жонман-ку? Оламдаги барча тирик жонзорлар каби қулай шароитда яшашим, озиқланишим керак-ку? Наҳотки, мен каби кўпчилик олимларнинг тақдири Мендел тақдирига ўхшаш бўлиб чиқса? Етиб келган хулосаларим – шу бугуннинг хулосалари-ку? Келажак кашфиётлари эмаски, ўз халқимдан, замонамдан илгарилаб кетган бўлсам? Нега оддий кишилар орасида илм-фан моҳиятини тушунадиганлар, унинг йўлларини очиб берадиганлар кўп эмас? Ахир, бир маҳаллар олимини ардоқлаган, кўкларга кўтарган эл шу эмасмиди? Нега кишиларнинг дарду фикри кундалик ҳаёт-дангина иборат? Нега?

## Дўст

– Салом, дўстим.

– Салом.

– Нималар қилиб юрибсан?

– Шу, ўзинг билган ишлар.

– Олимлик дегин... Хўш, фойда қалай бўляпти?

– Билмадим... Бир куни фойдаси ҳам тегиб қолар.

– Қарасам, анча ҳорғинсан, ишинг оғир бўлса керак. Ўндан кўра, қўй ўша фанингни, кел қишлоққа. Ёрдам берай, бир дўкон оч. Одамларга совун, чой, гугурт каби майдо-чуйдалар доимо зарур, шуларни сотиб кун ўтказақол. Қарабсанки, бир йил ичida ҳаммаси изга тушиб кетади. Нима дейсан?

– Раҳмат, маслаҳатинг учун. Лекин мен у ишни эплолмайман.

– Нега эплолмас экансан, ахир, олимсан-ку? Мактабни зўрга битирган болалар ҳам туппа-тузук кун кўриб юришибди. Ана, Фалончи олтинчи синфдан кейин дарсгаям бормаган, ҳамма укувсиз деб устидан куларди. Бугун энг бадавлат одамлардан бири, ким кўрса қуллуқ қилиб сўрашиб кетади... Қара, озиб-тўзиб кетганингни.

– Менинг йўлим бошқа-да.

– Шунаقا дейсан-у... Нариги қишлоқда бир одам университетда ишлайди, болаларни ўқишига киритиб тул топади. Тагида қўша-қўша машина, ҳашаматли иморатлар. Сен эса... Шуқр, дўкон очиб кам бўлмадик, турмушимиз жойида, ҳар ҳафта икки-уч кун чойхона... Айтмоқчи, қилган у-бу кашфиётларингни четга сотсанг ҳам яхши тул беради дейишади, шу гап ростми?

– Йўқ, мумкин эмас. У кашфиёт ўзимизда қолиши керак.

– Бошқаларга ўтиб кетса нима бўлади?

– Ўнда вақти келиб ўша кашфиёт негизида яратилган янгиликни улардан сотиб олишга мажбур бўламиз.

– Эҳ, бирор сенинг кашфиётингга қарапиди? Уй-жойингга, кийим-бошинингга қарайди одамлар.

– Ҳамма гап шунда-да, дўст. Ахир, ўзгаришни кўрмаяпсанми? Кеча одамларнинг кўзи оч эди. Машина дединг-а, у катта орзу эди. Бугун ҳамманинг иккита-учтадан машинаси бор. Кечагина одамлар дала-даштда у-бу экиб, меҳнатини қилиб юради. Эсингдами, устозларимиз ҳам мол-ҳол боқишарди, экин-тиқин қилишарди. Энди ҳаёт ўзгариб кетди-ку? Сен дўкон очдинг, бошқа бирор нималардир ишлаб чиқаряпти... Ҳали вақти келиб, одамлар

илмнинг моҳиятини ҳам тушуниб қолишиади. Ўшандা кўрасан ҳаётнинг гуркирашини... Мен жуда катта мақсадларнинг бошини тутганман, у йўлимдан қайтсан, умримнинг охиригача афуссланиб яшасам керак.

– Нима ўзи, қиладиган ишинг? Эшитдим, уни бунга чатиштириб, янги нав чиқарар эмишсан...

– Улар ўз йўлига. Ҳозир зўр бир ишнинг бошида турибман. Ўшани охирига етказиб олсан бас.

– Нима экан у иш?

– Сенга қанақа тушунтиурсам экан? Бизнинг изланишларимизга кўра, дунёдаги энг қадимий халқлардан бири эканмиз. Эсингдами, тарих дарслигига Тешиктошдан топилган боланинг сурати бўларди...

– Ҳа, эсимда, соchlари пешонасига ўсиб тушган ибтидоий бола.

– Биз ундан ҳам қадимий эканмиз. Эҳ, айтганим билан тушунтиrolmasam керак!

– Майли-ю... ундан нима наф? Масалан, мен ўша гапларни билмасам ҳам, маза қилиб яшайтман-ку? Фақат, қорин қўйиб юборганим чатоқ бўлди, нега дессанг, юрганимда лапанглаб қолятман... Билсан, бундан ҳам яхши яшайманми?

– Албатта, дўст. Бундан юз баравар, минг баравар яхши яшайсан.

– Ҳа, майли, ўзинг биласан. Агар у-бу ёрдам керак бўтқолса бемалол, доим ёнингдаман, сира тортина.

– Раҳмат, дўст.

## Эр Буғу

– Эр Буғу, мен улгайдим. Сен эса ҳалиям саккиз ёшингда қолавердинг.

– Ҳа, гапинг тўғри.


– Биласанми, элимда сенга ўхшаб кетадиган жуда кўп одамларни учратдим. Ёйиқ юзли, кенг пешонали, қиррабурун... Агар катта бўлганингда, сен ҳам шу қиёфага кирган бўлардинг.

– Бизнинг уруф шунаقا-да. Амакиларим елкадор, суюклари йўғон, баланд бўйли, лекин тоғаларим бошқача, сариқ сочли, кўк кўзли кишилар эди...

– Айт-чи, қанақа яшардингиз?

– Ёзда одамлар ўтлоқларга кўчишарди.

Кишлоқда, тош ўчоқларда эт пиширишарди. Эркаклару хотинлар овга чиқишарди. Артани тош орасида янчишарди. Отларимиз, кучукларимиз бўларди. Ҳамма тўп бўлиб яшарди. Улар орасида чиройли, кўккўз бир қиз ҳам борииди.



**Ибройим ЮСУПОВ,**  
Ўзбекистон Қаҳрамони,  
Ўзбекистон ва Қорақалпоғистон  
халқ шоири.

1929 йили туғилган.  
“Баҳт лирикаси”, “Ўйлар”, “Етти наво”, “Дала орзулари”, “Кўнгил кўнгилдан сув ичар”, “Тўмарис”, “Ташвишларга бой дунё”, “Тузли шамоллар”, “Беклигингни бузма сен...”, “Ҳар кимнинг ўз замони бор” каби шеърий тўпламлари чот этилган. Икки жилдлик “Танланган асарлар” икки маротаба – 1978–79 ва 1992 йиллари нашр қилинган.  
Шоир Ўзбекистон Республикасининг “Эл-юрт хурмати” ва “Дўстлик” орденлари билан ҳам тақдирланган.  
2008 йили вафот этган.

## “Дамбермас”\*

Тамара Дюшумовага

“Дамбермас”га дами етган қариндош,  
Авж олсанг, юксалиб кетасан энди.  
Шунқор қушилар чиқолмаган тогларни  
Парвозинг билан забт этасан энди.

Қорақалпоқнинг дил рози “Дамбермас”,  
“Дамбермас”га ҳеч бир наво тенг келмас,  
Овозингни булбул қушдан кам кўрмас,  
Жонин жон жойидан сўтасан энди.

\*Дамбермас – бир нафасда авж оҳангни тоборо баландга кўтарилиб ижро этиладиган қорақалпоқ миллий ашуласи.

“Дамбермас”  
Тамара Дюшумовага

“Дамбермаске” дели жејкен қариндас,  
“Ношлансан” Յмана кејесен энди.

Сунгур қушилар тере аниказан Гаўдарга  
Бўғлинесен, еш бе жарғасен энди.

Қарақалпоғону боргани мени “Дамбермас”,  
“Дамбермас” жени дигуна мағнит келлес.  
“Хандай сенни бўлди үзуртаки кемканес,  
Бишкы дэргиж ҳиччилигиз сојесен энди.

Учирган қушингни Гандай Гўдатин,  
Дудоман Гадамисан ҳуртубин қулагач,  
Ҳалие лайми-мезаннун бўлни билди,  
Зайдан шығони кејсе нејесен энди?


Саҳнада сунгурлиқ ҳам қазбун менин,  
Лайми шикропи Гандай-лачизли менин,  
Қадим тасса усб қајашибу менин,  
Бир нинадар орнича кејесен энди?  
И.Б. Ҳоснин

Учирган қушингнинг топмай турогин,  
Даволайсан юртнинг қалбин, қулогин,  
Лайли-Мажнун бўлиб ҳам улогиб  
Залдан чиқиб кетса, нетасан энди?

Саҳнада жамолинг ҳам нозинг билан,  
Барчани лол этидинг парвозинг билан,  
Қандай қилиб шундай овозинг билан  
Бир аёл сингари кетасан энди!

Рустам МУСУРМОН таржимаси.

# Одил, диённатли адиб



Ўзбекистон халқ ёзувчиси Одил Ёқубов (1926–2009) самимий ва бағрикенг, барчага бирдек ёзувчи эди. Унинг асарларида тарихимизнинг билимдони, диённатли ижодкор шахси бўй қўрсатиб туради. Адиб ўз сўзини нафақат қиссаю романларида айтиб яшади, шу билан бирга, эл-юрт манфаати йўлидаги одил сўзини даврнинг катта минбарларида туриб ҳам айта олди.

Истиқолол йилларида Одил Ёқубовнинг адабиётимиз равнақи йўлидаги хизматлари эътироф этилди. Устоз адибга 1994 йили “Дўстлик”, 1998 йили “Эл-юрт ҳурмати” орденлари берилди, иззат-эҳтиром кўрсатилди.

Одил Ёқубов камта воқеанавис агид. У карактерларни көңгө түкүр ренна билан таълил ва тағыз қилиши шүлідан әмас, воқеаларни таълил қилиши ва воқеалар шиға ҳаракат қылаётганд Қаҳрамонларнинг рашви-рафтори, түйегү ҳамда түшёнларини курсатиш шүлідан боради.

Иброҳим ФАФУРОВ



Үлмас Умарбеков билан

Мен тақдирим Одил акадай күнгли дарё, шиёнатли инсон билан дөвлантаныдан жуда баҳтиерман. Ишодкор одам билан яшашнинг қышынтыллары, машакъатлари ҳам сүзли, үз үрнига қаттықүйл, таластан, шунинг билан бирга, мекридан инсон бүлганиллары үчүн бу машакъатларни еңгиз утшиша асло қышналмаганман.

Алоҳим, Одил акамнинг жойлари шағннамда, оқирамлари обод бўлгай.

Марям ЁҚУБОВА



Рафиқаси Марям Ёқубова  
билан. 1978 йил



Пиримкул Қодиров билан. 1962 йил

Одил Ёқубов ширик-ширик ғозий үоксак, бадшиш бақыффат асарлар түхара қилиди. Бунти биз фракат ёзивчишининг камоли әмас, ўзбек агадиётининг ҳам камоли деб түшшитмоғимиз лозим. XX аср ўзбек насрининг буй-бастити Одил Ёқубовиз масаввур қилиб бўлмайди.

Носир ФОЗИЛОВ



Сайд Аксай, Нұрлан Жұмекен болаша.

Мустаким ватанимизда миллий агадиётининг мавъеси яна күтарилади: шұтисоғ бөбига түшшитанымиздан кейин маънавий отлигимиз дархол сезилади. Ушанда ҳам бу мұжтабар озикни Сиздан, мұхтарам Одил Ёқубов, сизнің елқадошларынғиздан, жұмладан, Айтматов өзгадан ҳам оламиз.

Шукур ХОЛМИРЗАЕВ



Абдулла Қажхор, Озод Шарағиддинов, Ҳусниддин Шарипов, Оқилжон Ҳусанов билан. 1979 йил

Одил Ёқубов үшкөн қылшыётган воқеаларни жуда самимий, қалбидан тикшариб, экшірос билан, зурма-зуракиликсиз, түкүр ва ҳаяннонли қысларга үрад беради. Кутли конфликтлардан, ўтқир драматизмдан тұтшысади.

Озод ШАРАҒИДДИНОВ

Одил Ёқубов ёзувчиликдан бурун ШАХС сифратига ўзини ўзи фронтадан агид. Тақдир уни эркалатмаган: дөлалисига отадан эрта айрилган, эсити танисанда уруши азоб-чукудамларини бошдан кетирган.

Узбек агадиёти Одил Ёқубов сийосига мұхаббат ға адолат шүли қар қандай замонда қар бир инжокор үткун әнд түжері шүл эканити исботлади.

**Аҳмад ОТАБОЙ**



Эркин Воҳидов  
 билан.  
1977 йил

Одил Ёқубов XX асрнинг 30-шиллари талотумлари, уруши суронлари, тикланши азодлари, турғунлик ҳавосизлигини бошдан кетирган, мустақилликка ёргу нюз билан еттиң келган ва ҳамиша одалар орасида бўйиб, эл-юрт ташвиши билан яшаган адибдор.

**Қозоқбой ЙЎЛДОШЕВ**



Чингиз Айтматов, Мухтор Шаханов билан



Оила  
даврасида.  
2007 йил

Ёзувчи қавми учун энг катта қувонг ҳам, энг катта бойлиқ ҳам бўйимга: китобкон меҳри! Одил Ёқубов минглаб, юз минглаб китобконлар меҳрини қозонган ёзувчи эди. Китобкон агид асарларини қўлма-қўл мекрини қозонган ёзувчи эди. Китобкон агид асарларини қўлма-қўл бешарфат ҳакам - китобкон ва баъз синовидан омон-эсон ўтмоғи бешарфат ҳакам - китобкон ва баъз синовидан омон-эсон ўтмоғи бешарфат ҳакам - китобкорлардир. Булар - керак. Одил аканинг талай асарлари шундай китоблардир. Булар - агид умрининг давоми, десак муболага бўлмайди.

**Үтқир ҲОШИМОВ**



Мирмуҳсин билан. 1980 йил

**Фиёсiddин Ӯнаров**  
тайёрлади.

**Мұхиддин ОМОН**

1963 йили туғилған.  
Тошкент давлат  
университеті(хөзирги  
ЎзМУ)нинг ўзбек  
филологияси факультетини  
тамомлаган.  
“Күнгил дарбозаси”, “Толе  
fasli”, “Мунаввар согинч”,  
болалар учун : “Даканг  
хўроз ва унинг жўжалари”,  
“Соғломжон алифбоси”, “39  
тотпишмоқ”, “Зеҳни аъло,  
тили бурро”, “Буюмлар  
тилга кирса” каби шеърий  
китоблари чоп этилган.

### Бахт чорлаганды

Юр кетамиз. Кўлларингни бер,  
Қайноқ кафтинг кафтимга олай.  
Бўзлаб қолсин Сенсиз Она Ер,  
Мисли ўққа учган қарчигай.

Юр кетамиз. Елкамга боқин.  
Қаноти бор менда Ҳумонинг,  
Шубҳаларинг дарёда оқсин,  
Ўтда қуисин, бўлса гумонинг!

Юр кетамиз. Кетамиз, жоним,  
Сен ҳам тўйидинг. Мен ҳам тўйибман.  
Кўз ёшимга қорилган ноннинг  
Талқонидан асраб қўйибман...

Юр кетамиз. Бўлақол тезроқ,  
Гурлаганды олов шахдимиз.  
Шуурингда портласин мудроқ,  
Чорлаётир, ахир, баҳтимиз!  
Юр кетамиз. Юр кетамиз...

# Сени ёдга олсам, **чараклар Қуёш...**

\*\*\*

Ҳилолимсан десам, ҳаволаб кетдинг,  
Умрим офтобисан дедим, куйдирдинг.  
Асирингман, десам, жазолаб кетдинг,  
Вафога кибрдан либос кийдирдинг...

Оҳурдим, оҳимдан само садпора,  
Сен эдинг-да ахир, вужудимда жон...  
Кетарда ортингга қара бир бора,  
Тутундек эргашур бу руҳи равон...

Эҳтимол, мен севган сен эмасдирсан,  
Сени ишқ туфайли мен кўрдим ўзга.  
Янглишиб атадим, “Малак, Фариштам”,  
Ва ўзим ишиондим шу ёлгон сўзга...

Эҳтимол, тақдирнинг битгани қисмат,  
Самодан эканин унутдим мутлоқ.  
Эҳтимол, шунингчун Соҳиби қудрат,  
Мен осий бандага бергандир сабоқ...

Энди моҳиятинг, мазмунинг аён -  
Тимсолинг яратмиш хаёл дояси:  
Англадим, ишқдирсан мен учун армон,  
Сен – менга аталган БАХТИНГ СОЯСИ...



## Мени эсламагин...

Мени эсламагин, барини унумт,  
Изхору икрорим ёдингдан чиқар.  
Энди ҳаётингда эмасман мавжуд,  
Ақлым измидаадир асов туйгулар...

Неча йил ортиңған бамисли соя  
Әргашидим бир қатим муҳаббатга зор.  
Бугун ўшал күнлар топоди нихоя,  
Ҳақиқат күз очди, тарқалди ғубор...

Бир нарсаны билдим, қилдим ҳулоса:  
Ишқда тарозининг тенгdir палласи.  
Агар кимдир севса, севиломаса,  
Умрин яшнатолмас ишқнинг нафаси...

Зеро, “Севдим” сўзи садақа эмас,  
Кўнгилда кўкарған бир гавҳар экан.  
Ишқ Тангридан түхфа экан мүқаддас,  
Йўқса “оҳу воҳ”лар бесамар экан...

Севилмоқ баҳтидан жудолигимни  
Тан олмогим гарчи – мен учун ўлим...  
Ногаҳон англатди гадолигимни,  
Сен томон ишқ тилаб чўзилган қўлум.

Лек ишқда гадолик – шоҳлик маснади,  
Бундан шаъну қадрим топмагай раҳна.  
Гарчи ошиқ бўлиб баҳра топмадим,  
Севгилим, мен Сенга тилайман баҳра...

Сендан ранжимоқча йўқ менда асос,  
Кўнгилни ёлвориб қилиб бўлмас ром.  
Ҳар кимнинг ҳаёти толеига мос,  
Муҳаббат бобида кетмайди гирром...

Сўнгги дийдор чоги тилагим бисёр:  
Тангрим ҳаётингни қисин пурзиё,  
Севсанг, севилмоқ ҳам этсин баҳтиёр,  
Мени деб Сендан қарз бўлмасин дунё...

Мени эсламагин, барини унумт...  
Энди ҳаётингда эмасман мавжуд...

## Сени хафа қилдим...

Сени хафа қилдим, Сени ранжитдим...  
Бу менинг гуноҳим, бу менинг айбим.  
Бир лаҳза жаҳолат йўлини тутдим,  
Бу қандай юз берди... кошки билсайдим...

Сени хафа қилдим, Сени ранжитдим...  
Юзларингни ювди ашки ноб таҳир...  
Йиглаганинг кўриб, мен огу ютдим,  
Буни истамовдим... тушунгин, ахир...

Сени хафа қилдим, ўзим-да пургам,  
Бани башарга хос янглишишмоқ азал,  
Билсанг, бир ҳато деб, ҳазрати Одам  
Беҳиштдан мосуво бўлган бир маҳал...


Сени хафа қилдим... оҳ, бу ҳатолиг  
Мени-да жаннатдан түфроққа отди...  
Наҳот, бошга тушди мангу жудолиг,  
Наҳот, пок севгимиз қуёши ботди?!

Сени хафа қилдим... Дўзахда ёндим,  
Жаҳаннам оташи қуидирди таним...  
Сўнгсиз азобларда ўзликдан тондим,  
Лек Сендан тонмадим, танҳо суйганим ...

Сени хафа қилдим... Ўзни ўлдирдим...  
Жисмимни тарқ қилди руҳи равоним,  
Борлиқни бор этган Сўзни ўлдирдим,  
Ишқ эди, Сен эдинг, ахир, иймоним...

Сени хафа қилдим билиб, билмасдан...  
Сени хафа қилдим... мен осий, гумроҳ.  
Холбуки, қошингда фарқим йўқ ҳасдан,  
Сен эса...Фаришта... Фаришта эй, воҳ...

Сени хафа қилдим...



\*\*\*

Сени хотирламоқ нақадар гўзал.  
Нозим Ҳикмат

Сени хотирламоқ, ёдга олмоқнинг  
Шукуҳи дилимни қиласди масрур.  
Аммо йиллар кечар, олислаб борар  
Ойдин жамолингдан таралгувчи нур.  
Хотира... нима у, қандайин туйгу –  
Энтикиб эсламоқ, хўрсаниши... кўзёш...  
Умр деганлари – лаҳзами, ёху,  
Наҳотки, дийдоринг – ботгувчи Қуёш?!  
Айт, нечун тарк этдинг қалбим уфқини,  
Кирмиз шафақ қилиб бағримни хунбор...  
Энди мен Сен каби ардоқлай кимни,  
Кимга дил сирларим айлайнин изҳор...  
Ҳикмати не эрур ушибу висолнинг,  
Магар интиҳоси изтироб, ҳижрон?!  
Наҳот қолар бўлсан толе, иқболнинг  
Йўлларида яна гариб, саргардон...  
Хотиранг ёгдуси гарчи нурафрўз,  
Ҳар лаҳза андуҳим қувмоқча шайдир.  
Эй, ишқим тоқида порлаган юлдуз,  
Наҳот, қалбим энди Сенсиз яшайдир...  
Йўқ, асло... жамолинг дилимдаги нақш,  
Не баҳтким – хаёлинг, мангу бошимда,  
Сен фариштам, ахир, танҳо илҳомбахш,  
Мавжудсан, руҳимда, ичу тошимда...  
Сени ёдга олсан, туйгуларим фош,  
Умримнинг ҳар они, топажак сайқал,  
Сени ёдга олсан, чарақлар Қуёш,  
Сени хотирламоқ нақадар гўзал...

## Менга сўз бер...

Менга сўз бер, йигламайман, деб,  
Токи кўрмай қарогингда нам.  
Кўзёш эмас, кулгучларинг зеб,  
Чирой берсин чехрангга, Санам...

Азал шундай ҳаёт ройиши:  
Баъзан равон, баъзан пўртана.  
Беҳудадир кўнгил койиши,  
Қалбда қувонч қилсин тантана...

Андуҳларни унумт, энди бас,  
Кўлимдан тут, таянчман қойим.  
Ахир, бизни йиглаш учунмас,  
Фараҳ учун қўшиди Ҳудойим!

Гоҳи одам юраксиз яшаб,  
Қалбда ҳиссиз умр кечиргай.  
Орзуларин хазондек тўшаб,  
Туйгуларга заҳар ичиргай...

Мен ҳам кажрав фалак чархига,  
Магрур боқиб, бошим тик тутдим.  
Сотилмасдан шайтон нархига,  
Илоҳий ишқ – вафони қутдим...

Раббим шафиқ, чевар ҳар ишда,  
Лутфу қарам айлади нисор.  
Бугун Сендек гулюз Фаришта,  
Менга ҳамдам, ҳамнафас, ҳамкор...

Илло, шундай. Сен-да гам-андух,  
Қайгуларга кўкрагинг кергин.  
Тангрим берган ИШҚ аталмиши руҳ,  
Севгим ҳаққи менга сўз бергин:

Менга сўз бер, йигламайман деб...

Давоми. Боши 18–31-бетларда.

– Қишлоқда? У маҳаллар қишлоқ бормиди?

– Бўлмасинми? Ўнгирлар орасидаги бехавотир жойга қишилагани кўчардик, уни қишлоқ дер эдик. Ёзда яйловларга жўнаб кетардик, уни ёзлоқ дейишарди. Уюрни сувлашга олиб борадиган жойимиз сувлоқ, ов қилинадиган жойлар эса овлоқ эди.

– Афсус, отанг бекор сени ўзи билан олиб кетган экан.

– Олиб кетмаганида сен билан танишармидик?

– Энди тош остидан сира чиқмайсанми?

– Йўқ, чиқолмайман.

– Бир маҳаллар ўйнагани чиқардинг-ку?

– Унда сен ҳам ёш эдинг-да. Энди катта бўлдинг.

– Қара-я, ўшанда мен қишлоқда, сен Тешиктошда, дунё эса жуда кенг экан. Яна бир гап айтами?

– Айтақол.

– Ўша маҳаллар ер юзида одамзот жуда оз бўлган экан. Сен “Амакиларим, тоғаларим бошқа жой излаб кетиши” демаганнидинг? Мен ўша амакию тоғаларинг изини топдим. Ҳозирги дунёning икки олимни сенинг тос суюгингдаги митохондриал ген ўрамларини текширишганида, аввалроқ топтилган Олтой ва Европа одамлари билан бир хиллигини аниқлашди. Сен қолиб кетган ўнгирдан эса ёввойи отларнинг, тоғ эчкиларининг, кийик ва айиқларнинг суяклари топилди.

– Айдим-ку, одамлар кўчишди деб.

– Ҳа, сенинг қабиладошларинг Тиёншондан ошиб ўтишган, Даشت Қипчоқдан ўтиб, ўрмонлар аро муз диёрларига қадар етиб боришган. Кейин у ерлардан ҳам ўтиб кетишган. Бу воқеа эллик минг йил аввал рўй берган.

– Йил нима?

– Эллик минг марта қиш, эллик минг марта баҳор келган. Сен ҳаёт ҳақидаги ҳикоянгни давом эттирақол.

– Эл доим бирга эди. Хотинлару болалар мева терар, дон тўплашарди. Тошларни қалаб ўт ёқардик. Тош қизигач, эрталабгача совимасдан тураверарди. Эрқаклар овга кетишарди. Тўйлар бўларди...

– У маҳал... тўйлар ҳам бўлганми?

– Бўлмасинми? Бўз йигит билан бўй қиз эр-хотин бўлса, тўй қилмасинми? Ёйлоқда уйлар олдидан “Хў-ў эл, тўйга-а!” деб от чоптириб ўтадиган жарчи бўларди. Қишиларда тизза бўйи чўф қилинарди. Ҳамма шуни теграсига ўтириб оларди.

– Биздаям шунаقا-ку?

– Ов мўл бўлса, барини териларга ўраб, музли форга олиб бориб қўйишарди. Қишида эт озайса, ўша музлаган гўштдан отпелгани борардик. Баъзиларини Кўк Тангрига қолдирадик.

– Кўк Тангри ким?

– Билмайсанми, тепада кўк осмон, пастда қўнғир ер яратилганда, иккисининг ўртасида одам болалари пайдо бўлишган... Дунёни Тангри ясаган-ку? Оталаримиз жонлиқларни ўшанга ташлаб келишарди. Тангри уларни олиб кетарди.

– Қанақа қилиб?

– Кўқдан чақмоқ тушиб қуйдириб юборарди.

– Ҷақмоқлар кўп бўлармиди?

– Жуда кўп бўларди. Ерга санчилганларини ўзим кўрганман. Келиб урилган жойида катта-катта сариқ тошлар пайдо бўлиб қоларди. Бир-бираға урсанг, бўлиниб кетарди. Хотинлар ўша тошлардан тақиңчоқлар ясаб тақиб юришарди.

– Бошқа қабилалар-чи?

– Тоғ ортида яна кимлардир бор, улар узоқ қариндошларимиз дейишарди. Гоҳида кимлардир ўша ёққа кетишар, қиши ўтгач қайтиб келишарди. Тоғ ортидаги мевалар ҳам, ҳайвонлари ҳам бошқача, дер эдилар.

– Узумлар бормиди?

– Ҳа, дарахтларга чирмашиб ўсадиган ёввойи узумлар борииди. Олмаю анорлар ҳам бўларди. Бир кучугим борииди, анор ер эди.

– Йўғ-э?

– Ҳа, анор топса, нимагадир ғажиб-ғажиб еб оларди. Уни бўри ёриб ташлади. Аммо гўштини емади. Бўри кучук гўштини емас экан.

– Қишида пўстакни тўшак қилиб солиб ўтирадик, қўй пуфагини шишириб ўйнардик. Одамлар жуда жипс эди. Бирор хотин бола кўрсаям, бирор қария ўлсаям тўпланиб олишарди.

– Э тавба, ҳаётнинг ўзгармаганини кўр... Яхшиям, тарих дарслигига сени учратиб қолганим. Сендай ўртоқни яна қайдан топардим.

– Қайдам...

– Бўпти, яхши қол. Мен жуда катта ишнинг бошидаман. Насиб қилса, энг қадимги аждодларимизни ҳам топтаман, сени ер тубидан олиб ҳам чиқаман.

– Майли, яхши бор.

## Ҳўкми мутлақ

Ўсимликлар ва ҳайвонлар ҳаёти ўз йўлида давом этаверади, аммо энг мукаммал ҳисобланган, инсоннинг ҳар бир ҳужайраси ичига жойланган генетик ҳўкму ирова ақлни бениҳоя шошириб, ҳаёт дейилган, хаёлу тасаввур қамраб ололмас улкан қудратдан хабар беради.

Ахир, Африкада занжилар, Америкада ва Австралияда қизилтаниллар, Кичик Осиёда паст бўйли қорача кишилар, Узоқ Шарқда қийик кўзли сариқтан одамлар яшашини назарда тутсак, мен туғилиб ўсган масканларда дунё инсонларининг деярли барча қиёфалари учраши шуурда улкан савол ҳосил қилмайдими? Турли-туманликлар ақлни шоширап, Тангри таолонинг қудратидан ҳайкишига, тадқиқот ва изланишлардан воз кечишга ундарди. Бироқ билишга бўлган тийиқсиз иштиёқдан воз кечишнинг ҳам сира иложи йўқ эди.

Юртим қишлоқларидаги қийик ёки қўй кўзли, юмалоқ ёки узунчоқ юзли, қорамағиз ёки оқ, япасқи ёки қиррабурун, тор ёки кенг пешонали, кенг ё тор ўмровли, майда оқ ёки катта сарғиш тишли, қалин қисқа ёки узун ингичка қошли, қора ёки сарғиш сочли, кўк ёки яшил кўзли инсонларнинг барчаси бирдай ўзини шу халқقا мансуб деб билиши... жонлиқ сўйишлар, шам ёқишилар, алас қилишилар, чилдирма дўп-дўпларию от дуттурига мос достон оҳанглари, эртаклару маталлар... жуда олис замонлардан хабарлар олиб келарди. Улар қатида бепоён яйловлар ифори, шамол суронлари, жала шовурию ўтлар иси борлиги-чи? Ўзим истаган маълумотларни тарихлардан тополмасдим, тарих икки-уч минг йил нари-берисидаги воқеалардан узуқ-юлук ҳикоя қилар ва жимиб қоларди. Бирорта солнома ундан аввалдаги аждодларимдан хабар беришга қодир эмас эди.

Шу сабабли ўсимликлар генетикаси муаммоларидан оғишган ҳолда, инсоният тарихи ёзиб қўйилган, одам гени деб аталмиш муҳташам солнома бурмаларига интилишдан ўзимни тиёлмасдим. Биология фанидан олган билимларим тарихни тўлдирганига қувонардим. Кўз ўнгимда ҳали-ҳануз иссиқда ҳансираган далалар, баҳорий ўтлоқлардаги бедаю курмак ислари, шом маҳали қишлоқ узра сузган ютқа кўк тутун қатлами, мол-қўй баърашлари, кучук вовиллашлари кабилар жуда қадимдан бери давом этиб келаётган манзараларни ҳосил қиласарди.

Кўзга кўринмас зарралар бағридаги чалкаш рақам ва тимсоллар қаршисида эканман, қайси қисми не учун жавоб беришини, қай бири соч, қош, юз, қулоқ, бурун, овоз, ҳид учун масъул эканини тушунолмай қийналардим. “DNA”нинг<sup>5</sup> вужуд тузилиши ва шакл пайдо бўлишига оид

қисмларини бўлакларга бўлиб, ажратиб олгунча қанча қийналдим. Мақсадим – ўша қисмдаги маълумотлар ер юзининг қайси худудларига ёйилганини излаб топшиш эди.

Узундан-узоқ ҳалқалар занжири мени аждодлар қолдирган излар сари етаклаб бораверди.

Ҳар бир авлод ўзи ҳақидаги маълумотларни фарзандига жойлаб кетмоқда. Масалаң, менинг генларимда ота-онамнинг, бобомнинг ҳамда унинг бобосининг тана тузилиши, қай касалликларга чалингани, вужуди қай даражада қувватли экани-ю қайси сулола или чатишгани ҳақидаги маълумотлар сақланган. Ўша чизиқ бўйлаб илгарилаб борар эканман, кутилмаган манзарага дуч келдим! Тўсатдан бўйим бирданига ўсгандай, дунёning ярмини энлар қадар улканлашгандай бўлдим. Руҳим самоларга қадар юксалди. Бу менинг халқим тарихи борасидаги биринчи кашфиётим бўлди.

## Биринчи қашфиёт

Дунё бўйлаб халқларнинг кўчишлари ва жойлашишлари ҳақидаги турли-туман маълумотларни ўрганар эканман, Юнон ороллари генотиплари орасида юз-кўзи София холам билан қуиб қўйгандай ўхшаш кишилар қиёфаларини учратдим. Олтой тоғлари орасида яшаган кишилар бобом билан уйқаш, Тиёншон этакларида яшаган яна бир қадимий жанговар халқ эса Убай ақага қариндош бўлиб чиқди!

Шулар ёргуғида қарасам, София холамнинг, бобомнинг ҳамда ўзимнинг насл ёшимизни ҳисоблаб, натижага ақлим ишонмади: мен аниқлаган генлар сулола ёшининг эллик икки минг йил эканини кўрсатиб туарди!

Тафаккур йилдирим тезлигига мозийга шўнғиди. Яқин ўтмишдаги босқинлар, шўришу ғавғолар, империялар, истилолар, “Девони луғотит турк” зумда ортда қолиб кетди. Алп Эр Тўнга ҳайқирган, оламга Исо пайғамбар келган замонларда менинг халқим эллик минг ёшда эди! Мусо пайғамбар икки денгиз суви учрашган жойда Хизр билан суҳбат қурган, Сулаймон пайғамбар шамолни бўйсундириб олам узра кезган маҳалларда ўз Тангритоги этакларида озод ва хур хаёт кечирган, Эр Тўнга ўлимидан шоён озорланиб, дунёning энг қадимий марсиясини битган, донишманд Тунюқуқ ва Билга ҳоқон ўғитларига қулоқ осган, зурриёдларига адолат ва мардлик ўғитларини бера-бера улғайтираётган доно эл эди!

<sup>5</sup> DNA (Deoxyribonucleic acid) ёки ДНК (дезоксирибонуклеин кислота) – жонли организмларнинг ривожланиши ва яшаши ҳақидаги генетик дастурни ўзида саклайдиган ва авлоддан-авлодга етказиб берадиган уч асосий макромолекулдан бири.

Мен узун бўйли, йўғон суюкли, хиёл қийиқ кўзли қорачадан келган инсон генотипига мансубман. Ўз элимнинг кишилари геномлари сари сафар қилар эканман, ўткир зеҳли, теран нигоҳли яна бир дўстимнинг ирсияти ҳеч кутилмаганда саксон минг йил нарига бориб тақалди. Ҳа, саксон минг йил аввал бир сулоланинг чақноқ кўзли йигити билан бошқа бир сулоланинг сулув қизи чатишганида, шу силсила пайдо бўлганини билдирид.

Ген сўқмоқлари аро кезар эканман, ҳайрат ва шодлиқдан қичқирап дараҷада эдим. Ҳа, шонли Жалолиддин, Тўмарис, Широқ каби биз билган тарих жуда яқин, қўл етадиган масофада, Кайхисрав босқини, Чин истилоси кечагина рўй берган... Халқ эса Алломишдан ҳам, Афросиёбдан ҳам улуғ, бениҳоя узоқ замонлардан бери, бўхронлару хатарлар, оғатлару ҳалокатлар аро бирдай жипс, бардам яшаб келмоқда десам, асрлар ўтгани сайн тобора навқиронлашиб, ёшариб бораётганини айтмайсизми? Кўз кўриб, қулоқ эшитмаган хабарлар жойланган мангур зарралар инсоният ер юзи бўйлаб тарқала бошлаган маҳаллардаёқ сулолаларимнинг мағрур қад кўтарганини, эл тузиб, давлат қуриб яшаганини, бу тупроқлар эса инсоният тараққиёти йўлида буюк шоҳбекат, олтин бешик бўлиб хизмат қилганини билдиради!

“Тепамда Кўк осмон ёрлақагани учун, остимда қўнгир ер-сув тарбиялагани учун элимни, давлатимни вужудга келтирдим...”

“Қора ҳалқим, маҳкам бўл! Давлатингни, қонун-қоидаларингни қўлдан берма. Йўқотма сен давлатингни, ҳоқонингни... Ажралма одатларингдан, истакларингдан, ҳалқингдан, шон-шуҳратингдан. Йигитлик шарафинг учун, ака-укаларинг қудрати учун...”<sup>6</sup>

Бу шунчалар узун ва машаққатли зафар йўли эдики, сафар карвонлари, ҳайқирган лашкарлар, оламда адолат ва тенглик ўрнатишга аҳд қилган улуғ лашкарбошилар, алломалар, мутафаккирлар юлдузлардай чараклаб туришар, тарих бениҳоя шон-шарафга бурканганди!

“Эй, дунё” деб ҳайқирсан арзимасмиди? Улуғларнинг авлоди ўлароқ, бунга ҳаққим йўқмиди!

## Иккинчи кашфиёт

Ер юзида одам боласи бино бўлганидан сўнг, жазирама ўлкалардан Тиёншон томон буюк кўчишлар нихоясига етгач, кишилар бетоён яшил ўтлоқлар, сарин тоғ ўнгирлари, қизил мевали наъматаклар, теваракни ўраб олган тур-

ли-туман ёввойи ҳайвоnlару йўлбарсларнинг қутқулари, бўриларнинг ҳамлалари аро турли тарафларга йўл олганлар!

Кўп йиллар давом этган бундай сафарлар мобайнида қору музликлардан ошиб ўтишган, уммоңлар қаршисида чексиз сувларга термилишган, қуёши ботмайдиган маконларда олам сирларига ақли етмай, нега кеч кирмаётганига ҳайрон бўлиб, Тангри таоло ёйиб-текислаб, улкан тоғларни қозиқ каби қоқиб қўйган маконлардан ўтишган. Бир қавмнинг ака-укалари шу тариқа дунёга тарқалган.

Инсон генотипларининг олам узра ёйилиш харитасига назар ташлаб, жаҳоннинг нариги четидаги ҳалқлар билан бу бурчидагилар бир-бирига қон-қариндошлигини, томирларидан боғланганини кўрдим.

Шундай ҳам бўлақолсин. У холда қишлоғим-чи, ҳалқим-чи? Бу ёруғ олам аро элимнинг, улусимнинг ўрни қаерда?

Шунда...

– тонг саҳардан далага чиқиб, юз-кўзларига рўмол ўраб меҳнат қилаётган далачилар,

– поёнсиз яйловларда сурувини, уюрини, отарини, подасини ёйиб юборган чўпонлар,

– чўлларда, даштларда, ўнгирларда, тоз ораларида, ёйиқ кенгликларда, сув бўйларида, чўққиilar тагида, саҳро қумларида, бир-бирига ўхшамайдиган турли иқлиmlарда ҳаёт кечираётган, бир тиљда сўзлашадиган ва ўзини шу элга мансуб деб биладиган сон-саноқсиз одамлар,

– тол тагидаги беланчакларда ухлаб ёки йиглаб ётган болалар,

– эл уйидан олиб келган масаллиқлардан пиширилаётган дошқозондаги кўпнинг овқати атрофида йигилган чопиқчилар,

– тўйларда гуриллаган гулханлар, урф-одатлар, қуй-қўшиқ оҳанглари...

– маросимларда гуроs-гуроs тўпланган кишилар,

– азаларда бир-бирини бағрига босаётган эркаклар, белини бойлаб йиглаётган аёллар,

– томларга туршак ёяётган қизалоқлар, келиларда жўхори түяётган жувонлар,

– болаларим еса, тўйимли бўлсин дея қўй ёғи қўшиб патир қораётган хотинлар,

– уйларида ҳалқча пичоқ, этик ясаётган усталар, дурадгорлар, сувоқчилар, том усталари,

– куёвга дея кашта тикаётган қизлар,

– нихолларни бир-бирига улаб янги нав яратган боғбонлар,

<sup>6</sup> Билга Ҳоқон битикларидан.

– отлару сигирлар, қўй-эчкилардан тортиб то дараҳту ўтлар табиатини мукаммал биладиган минг-минглаб кишилар...

– тўй гулхани атрофида айланаётган ёш келин-куёвлар,

– ҳали юз-қўзидан ўсмирлик нишоналари кетмаган, аммо бағрига чақалогини босиб дала-сига шошилган келинчаклар...

– “боламниң боласига” деб бир бўлак ҳалвоқандни белбоги қатига жойлаб, невараси қошига бораётган мункиллаган боболару момолар...

...тумонат инсонларнинг ташвишли, қувончили, эзгин, шодон, шукрли, сабру қаноатли қиёфалари – барча-барчаси сассиз ишлаб турган анализааторлар ва секвенсерлар аро авлодлару сулолаларнинг шараф тўлқинларини намоён қилаверди.

Бу топилма руҳиятимни энг ўксак самоларга олиб чиқиб, юлдузлар билан тенгглаштириб қўйди. Ҳамда юрагимнинг туб-тубидан отилиб чиққан шон-шараф ҳайқириқлари тафаккур осмонларини титратиб юборди:

Ҳой, далаларда, экинзорларда болам-чақам деб тер тўкаётган муборак ота!

Ҳой, “Мениң боламдан олим чиқармиди, етти аждодим меҳнат ичиди ўтди, олма тагига олмадан бошқа нимаям тушарди?!” деган ўксик зот!

Эй, ота измидан чиқмасдан, тушган жоиймда униб-ўсиб, бола-чақали, ували-жували бўлай деб узатилиб кетаётган қизалоқ!

Ҳой, қанча болаларни вояга етказиб, ҳар бири биттадан нон кўтариб келганига шукр қилиб ўтирган муштипар она!

Эй, қошу қўзи боболаримга ўхшайдиган, бор орзуси топганини тўйларга сарфлашу элга ош тортиши бўлган дўст! Ҳой амакимнинг ўғли, укамнинг зурриёди!

Ўйгон! Ўйгон! Ўйгон, ахир!

Қон кўпирмоқда, ҳар бир ҳужайра “Ўйғон!” деб қиҷқирмоқда эди.

Аждодлар ёди шу қон ичра жўшиб оқмоқда, ҳар ҳужайрага, ҳар аъзога кириб, қилтомирлар бўйлаб ёйилмоқда, ҳар инсонга “Улуғсан!” деб уқтиromoқда, онг аро қачон бир чақин ярқираб кетар экан, деб илҳақ кутмоқда, “Ўйғон! Ўйғон! Ўйғон!” деб, ҳар юрак уришида бир тўлқин бўлиб ҳайқирмоқда эди.

Эй эл, эй улус! Минглаб қишлоқлардаги минглаб болалардан биттасининг онгидаги илм чақини ярқ этди. Кел, кўр, у нималарни пайдо қилди?

Биттагина боланг, “Нонуштамда, қўзимнинг олдида тинчгина ўтири”, демаганинг учун, илм

олишига йўл очиб берганинг учун олам сирлари тубига етақолди!

У бола бор-йўғи ўзининг кимлигини билиб қолди, холос. Шугина билим уни қанчалар жўштириди, юксакларга кўтарди. Эл-юрт ҳазиналари узра шодон жилмайди, осмондай қадди-бастини кўрсатди, бутун дунёга сармаст бўлиб назар солди...

Эй эл, эй улус! У боланг генетика деган фаннинг сас-садоларинигина тинглай олди. Сен ҳақингда кимё не дейди? Олий математика, астрономия, физика, тарих не дейди? Дунёнинг қанчадан-қанча илмлари қаршингда эҳтиром билан таъзим айлашига ишончим комил. Сабаби – ниҳоятда қадими, ниҳоятда шарафли, улуғсан, улар эса сенинг шаъну шавкатингга хизматкор эдилар. Нечун тек қолдинг? Нега ўз қобигингга ўралдинг? Ўз тафаккурингдан ўзинги не учун чўчиисан?

Эл-улус орасидан гўё Убай аканинг овози келади:

“Қиши келганида уруғлар қобиғига ўраниб олади-да. Изғириналарда, музламаларда шу тарз жон сақлайди. Баҳорда эса ҳар ёқда ҳар турли неъмат гуркирайди, эгиз-эгиз ҳосиллар етилади. Уни дунёда ҳеч нима тўхтатиб қоломайди.

Қани, баҳор келаверсин-чи...”

## Қишлоқ

– Ниҳоятда қадимиисиз, тарихингиз эллик минг йилдан зиёд, дейдими?

– Ҳа, шунақа.

– Ҳамма қатори юраверса бўлмасмикин? Нима зарил бошни қотириб, тўғрими?

– Тавба, роса қариб-қартайиб кетган эканмизу билмаганимизни қаранг. Ўнда манави ўйнаб юрган боланинг ёши эллик мингу етти йил экан-да?

– Ҳа-ҳа-ҳа!

– Ҳе-ҳе-ҳе!

– Буни қаердан билақолибди?

– Ген деган бир нарса бўлармиш. Ўшани ичига “кирсангиз”, аждодларингизга хос барча маълумотни ўқий оларкансиз.

– Э тавба! У нарса... биздаям бор эканми?

– Ҳа, тирик жон зотининг барида бормиши.

– Хўп, нима қипти шундай бўлса? Бозорга бориб, мени тарихим жуда қадими десангиз, одамлар оғзи қолиб, орқаси билан кулмайдими?

– Ҳа-ҳа-ҳа!

– Ҳе-ҳе-ҳе!

- Ана, шунақа ҳам дедингиз. Бирор битта нонни текинга бериб қўярмиди?
- Э, нон-нон дейсиз? Нондан бошқа дардингиз йўқми?
- Йўқ-да. Ё сизнинг дардингиз борми? Буларнинг бари ҳавоий гаплар. Мингта шапт-шаптдан битта шафтоли яхши, дейишган машойихлар.
- Шошманг, машойих нима?
- Билмасам. Шунақа дейишади-ку...
- Ҳозиргина шафтолини гапирдингиз-а?
- Ўшани йилда икки марта ҳосил берадиган қилақолсин, ҳаммага фойдаси тегади. Анонни совуқ урмайдиган қипти-ку? Мана, биздан сўрасин, мингта янгиликни айтиб берамиз.
- Ҳай-ҳай, ундан деманг. Ахир, шафтолини нархи тушиб кетади-ку?
- Э, айтмоқчи, буёғи ҳам бор-а...
- Биродар, ошни дамладингизми?
- Йўқ ҳали, зирваги яна бироз қайнасин.
- Яхши, унақа гапларни кейинроқ гаплашамиз. Айтмоқчи, Генетикни ўзи қани?
- Бугун келмади.
- Ҳай аттанг... Менга унинг бир гапи таъсир қилди.
- Қайси гапи?
- Одамларнинг онги тараққиётдан орқада қолиб кетяпти, деди-ку? Бунинг маъноси нима?
- Гапираверади-да. Қанақасига тараққиётдан орқада қолар эканмиз? Мен, масалан, энг сўнгги русумли телевизордан иккитасини уйимга осиб қўйганман, томда сунъий йўлдош антеннаси дунёнинг бир юзу ўнта мамлакатини кўрсатади. Советкич дейсизми, иситкичми, бари муҳайё. Нима, тараққиётдан орқада қоляпман деб энди “Боинг” сотовлайми?
- Ҳа-ҳа-ҳа!
- Ҳе-ҳе-ҳе!
- Шошманг, “Боинг” нима?
- Жуда катта, замонавий самолёт.
- Э қойил-е, шуниям биласизми?
- Бўлмасам-чи? Дунёдан боҳабар бўлтурмасанг, ҳаётдан орқада қолиб кетасан-ку?
- \* \* \*
- Омон!
- Ҳа?
- Тур, молга сув бер!
- Аллақачон сувини берганман, она.
- Унда бошқа ишга урин. Нималар қилипсан, ўзи?
- Китоб ўқиятман.
- Сен ҳаётнинг китобини ўқи! Ўқиб олим бўлармидинг? Отанг сувчи, бобонг сувчи,

олмани тагига олма тушади-да!

– Унақа эмас. Отам ҳам, бобом ҳам вақтида ўқий олишмаган.

Эл бепоён, ҳар бурчида ҳар турфа одам, лекин бу Омон деганлари доимо шундай танбехларни эшитади.

Кишилари яйловларда мол-қўй боқиб юрадиган қишлоқларда ҳам шу гап. Омон у ерларда ҳам бор.

– Омон?

– Ҳа?

– Қўйларни ёйиб кел.

– Ёйиб келдим-ку?

– Унда қўйхонани тозала. Нима қилипсан?

– Китоб ўқиятман.

– Сендан олим чиқармиди? Отанг чўпон, бобонг чўпон...

– Ахир, ота, юлдузларга қизиқаман. Ҳар юлдузни битта қуёш дейдилар. Ҳар қуёш атрофига сайёralар айланармиш. Балки ўша сайёralарнинг бирортасида ҳаёт бордир?

– Эҳ болам-а... Нима қиласан бошингни оғритиб? Элга қара, кўрган қунига, еган нонига шукр қилиб юрибди. Бир одамга нимаям керак бўларди, қорни тўйса, усти бут бўлса бас-да. Ҳар хил нарсаларга миянгни суюлтиргандан кўра меҳнат қил, рўзгорга қараш. Укаларинг ҳам катта бўлиб келишяпти, ҳали олдинда қанча ташвиш бор...

– Балки ўқишига кириб кетарман?

– Кирсанг киравер, аммо сенга қайдан пул топиб бераман? Шунча йил едирдим-ичирдим, етар. Қолганига ўзинг аравангни торт.

## ЧАҚИН

(Генетикнинг тўртинчи мактуби)

Олимлар ёлғизликка маҳкум бўлармикинлар?

Фазо сингари совуқ ва бепоён тафаккур қоронғиликларида бир ёғду, бир шуъла излаб, тахминлар, фаразлар, муваффақиятсизликлар ва умидлар аро кезар эканлар, юракларига, қалбларига қувват излай-излай тополмасдан, билимлардан мутлақо узок, еб-ичиш дардидаги кимсаларнинг бўлар-бўлмас нодон гапларидан озорланиб узлатта чекиниб кетишармикин?

Ёки, бу билимлар, бу сирлар одамни ўзи билан ўзи қолишига, зулматлар аро ёлғиз дай-дишга ундармикин?

Нима бўлганида ҳам, қаршимда одам ақлу хаёлини ҳайрон қолдирадиган ҳайбатли сирлар очилмоқда эди.

Эл-юртни кезар эканман, ҳар ерда илмга чанқоқ, кўзлари чақнаган, аммо кечаги қийин ва заҳматли турмушнинг шуурларда сақланиб қолган қуйқалари ҳануз ҳаёт ташвишларига айланиб, онгларига босим ўтказиб турган ўсмирларга дуч келардим.

Ёйилиб-ястанган ўлканинг қаерига борманг, одоб билан салом берадиган, катталар олдида ҳурмат сақлашга одатланган дастёрлар ҳозиру нозир, нигоҳ эса шу ингичка гавдада ниҳон истеъдод учқунларини илғаб олишга уринарди. Поёнсиз яйловларда кишилар билан бирга ўтириб, қўй гўшти қовурилганида, ораста экинзорлар адогидаги сўриларда айрон ичилганида, болалар қир бағрида от чоптиришганида, тандирда нон ёпилганида, дашт кишиларининг “қора уй” деб атайдиган ўтовларидан гўдак йигиси тарағанида... ҳар турли қиёфаю шамойилдаги кишиларнинг барини буюк бир ўзак бирластириб тургани, кўзга кўринмас бир қудрат мана шу чеҳраларда урф-одатларда яшаётгани ҳам сезиларди. Ўзимнинг ўсмирлигим билан таққослаганимда эса, онгларда ўзгариш борлигини, одамларда турмушга муносабат ўзгараётганини пайқаш қийин эмас эди. Кишиларда иштиёқ пайдо бўлган, ўспиринларда, қизалоқларда энди ҳаёт деган гирдобдан чиқишига уриниш, илм олишга қизиқиши ўйғонгани сезиларди.

У ўйғониш, у қалқиниш болалар онгидагина эмас, шаҳару қишлоқларда яшаётган, ҳар турли юмушлар билан кун кечираётган юзлаб-минглаб кишиларнинг онгига ҳам содир бўлиши, шиддатланиши, ота-оналарда келажакни кўра олиш қобилиятининг ўйғониши каби шароитларни тақозо этарди. “Кўрган кунингга шукр қил, сабр-тоқатли бўл” деган азалий матал энди ўз хусусиятини ўзгартироқда, ўрнини “Ҳаётда ўз ўрнингни топ, қобилиятингни намоён қил” деган бошқа билан қоида эгаллаётгани кўринарди.

Генетика сирларини ўрганиб олган одам қадрига олимлардан бошқа ким ҳам етарди? Янгиликнинг жорий қилиниши нималарга олиб келишини бошқа ким ҳам тушуна оларди?

## София хола қабри устидা

Жоним холам, борингизда ўзингиз нур тара-тардингиз, дунёдан ўтдингиз-у, назаримда, энди исмингиз ҳам нур таратади бошлади.

Кичкиналигимда “Сени жуда яхши кўрардим, даладан қайтаётганимда уйимга бориш ўрнига, бир кўриб бағримга босиб кетай деб қошингта келардим”, деганларингиз шууримда жарангламоқда.

Мана, айтганингиздай, улғайдим. Олим ҳам бўлдим.

Эсингиздами, менга роса ишонардингиз. Сендан бошқача бир одам чиқади, Худодан доим шуни сўрайман, дер эдингиз. Фан йўлида маълум бир жойга етиб келганимда, “Холажон, ўша гапларингиз рўёбга чиқди”, деб, чиройли кўйлак, гулдор рўмол олиб зиёратингизга борай десам... йўқсиз!

Эсингиздами, бир тола сочингизни олиб кетган эдим. Уни ўзим билган фан ёрдамида таҳлил қилиб кўрганимда, шодлигу ўқинчимдан йиғлаб юбордим-ку?

Қонингизда дунёда энг қадимий деб ҳисобланган генлар бор экан-ку?

Уни генетика “Момо Ҳаво гени” деб атайди. Қачонлардир, жуда олис замонларда, ер юзига жаннатдан тушган илк аёл – муқаддас Момо Ҳаво мероси! Фан унинг эгаларига “Момо Ҳаво қизлари” деб ном берган. Сизнинг ген бурмаларингизда ўша ажойиб ва муқаддас ҳалқалар юлдуздай чараклаб турганини, ўрала-ўрала, Сомон йўли шаклини олганини кўрдим-ку?

Эй воҳ, қандай улуғ зотлар экансизлар! Болалигимда, қонимда не борлигини ўзим билмай ўйнаб-кулиб улғаяр эканман, у меҳр, у тафтлар доимо ёдимда. Қадоқ кўлларингиз иссиғини юзимда ҳалигача сезаман. Ўзлуксиз меҳнату заҳматлар ичида жуда оддий, эл-юрт орасида ҳаёт кечирибсиз-у, бағрингиздаги жуда катта хазинани менга қолдириб кетибсиз!

Генетика айтадики, боланинг барча истеъдоди унга ота-онадан мерос бўлиб ўтади. Бола онадан “Х”, отадан эса “Y” хромосомани олади. У нима? Отаю онанинг бутун борлиғи ҳақидаги хабарлардир. Фарзанд эса ўз навбатида, уни ўзи ҳақидаги маълумотлар билан тўйинтириб, боласига узатади... Ҳалқ тилидаги “Жаннат она-лар оёғи остидадир” ёки “Ота рози – Худо рози” деган ҳикматларни илм қандай шуълалантирганига қаранг! Кўз ўнгимга мактаб синфонасига илмоқли ҳарфлар билан ёзиб қўйилган байт ҳам келди. Оч мовий мато устига тўқ қирмизи ҳарфлар билан “Бошни фидо айла ато қошиға, Жисмни қил садқа ано бошиға” деб битилган байт маъносининг илдизларига қарасангиз-чи! Сулолалар пайдо бўлганидан шу бугунга қадар ўз бағрида зурриёдни дунёга келтирган юзлаб



ота-оналарнинг қонида, ҳомиладан ҳомилага, авлоддан авлодга ўтиб келаётган асрий хабарларни ўқисангиз-чи?

Ёдимга ўсмирлик чоғларимиз, синфдош қизларимиз, ота-онамиз ёнига кириб қилган меҳнату заҳматларимиз ҳам келди. Ахир, қиз бола нозик бўлади, уни авайла, оғир иш қилдирма дейишмасмиди? Онам, холам, укаларим, сингилларимнинг далалардаги меҳнатларини эслаганимда эса қалбимда шундай нидо ҳам тўфонурди: ҳой эл, ҳой улус, неча йиллар ўзинг етти букилиб ишлаганинг етмасдан, аёлингни, қизларингни нега далаларга юбординг? Ўт фарамларини бошида кўтартирдинг? Гулдай қоматини майиштириб ер ағдартирдинг, кетмон урдирдинг? Билакларини қақшатиб ўтин ёрдирдинг? Ахир, бор шону шавкатинг унинг гул гавдасида ниҳон экан-ку? Кўчакўйда ёт нигоҳлардан авайлаган ҳолингда, ўзини нега авайламадинг? Нима бўлган эди сенга, кўзингнинг оқу қорасини нечун шу кўйга солдинг?

Ақлим тўлишиб, шу сингари кўп нарсаларни англаб етганимда, афсуски, улуғларимдан айрилдим. Ҳа, отам-онам, ишонгандарим дунёдан ўтишди. Бироқ, эл барҳаёт, кудратли, ҳануз бир

жону бир тан бўлиб, ўз ўзаги атрофида мустаҳкам яшаб келмоқда. Ҳозир ёлғизман десам ҳам, теграмда акаларим, укаларим, сингилларим, опаларим, амакиларим, тоғаларим – бутун бошли ҳалқ тўлқинланиб турибди. Аминманки, она наслимни таҳтил қилганимда Момо Ҳавонинг муборак изларини топганим каби, падаримнинг наслини тадқик қилсан, жавҳарида Одам Ато генларини кўришимга ишончим комил.

Нега эл ҳақида ёниб-тўлқинланиб сўз айтишманинг боисини сезяпсизми? Эл нималигини ота-онамни тутпроқقا берганимда билдим. Аза тўнини кийиб, уйимиз олдида турар эканман, мен танигану танимаган, билгану билмаган юзлаб кишилар, кексалар, ўрта ёшлилар, йигитчалар, ўсмирлар келиб қучоқ очар, ҳамдардлик билдириб кетар эдилар. Ахир, ўшанда ҳалқ мени бағрига босган экан-ку? Юпатган экан-ку?

Зиммамда мени улғайтирган, далда берган, ҳар кунимда ёнимда бўлган шу эл олдида яна битта улуғ вазифа қолди. Ўшани бажара олсан, қушдай енгил бўлиб, ҳаётимдан рози, умримдан қониқиб яшаган бўламан.

Каранг, ахир:

“Йигит шошилиб қайтмоқда. У эзгу хабар олиб келмоқда. Билиб қўйинг, бу – яхши!..”<sup>8</sup>

<sup>8</sup> Қадимий туркий битиклардан.

## Бир неча йил ўтгач...

Чойхона.

- Ҳой улфатлар, ақлингизни шоширадиган янгилик бор.
- Пул-мул ютиб олдингизми?
- Э йўқ... Оёғим куйиб қолди.
- Оббо, худо сақласин. Нима бўлди, ўзи?
- Кеча кечкурун дунё хабарларини кўриб ўтирудим, денг.
- Хўш-хўш?
- Аввал Гаитидаги тўфонни, кейин дунё бўйлаб халқларнинг кўчишини кўрсатди.
- Ия, халқлар ҳозир ҳам кўчар эканми?
- Уруш бўлаётган жойларнинг одамлари бор-будини ташлаб, бошқа ёқларга кўчиб кетишяпти-ку? Э тавба, деб кўриб ётавердим.
- Унда куймаган эдингизми?
- Йўқ, кейин куйиб қолдим. Чунки хотин чой откелди.
- Жуда чўздингиз-да? Хотинингизнинг чой откелиши янгиликми?
- Ҳа-ҳа-ҳа!
- Ҳе-ҳе-ҳе!
- Шундай қилиб, янгиликларни кўряпман денг. Бирданига ўзимизнинг Генетикни кўрсатиб қолса-чи?
- Йўғ-э? Дунё хабарларида-я?
- Ҳа-да. Мен ўша пайт куйиб қолдим. Хотин анграйиб, қайноқ чойни оёғимга тўкиб юборди.
- Генетикни нимага кўрсатади?
- Дарров қизимни чақирдим. Ўзим чет тилини тушунмайман, қизим эса билади. Хуллас, Генетигимиз жуда катта кашфиёт яратибди. Дунё генетика мукофоти унга берилибди.
- Уни қара-я! Нима кашфиёт эмиш?
- Кейин ўзи гапирди. Мен фалон қишлоқда тугилиб-ўсганман, деди. Агар ўша ерда дунёга келмаганимда, бу кашфиётларимни қиломаган бўлардим, деди. Ўзимизнинг далаларни, экинзорларни, одамларни айтди. Халқимнинг бениҳоя улкан бир маданияти бор, мен ўша маданиятни қалбимга сингдира-сингдира одам бўлдим, унинг бор-йўғи бир қирраси мени олим қилди, деди.
- Э тавба! Шуларни барини чет тилида гапирдими?
- Ҳа, худди ўз тилимизда гапиргандай равон, бурро. Бир марта тутилсаям майлийди. “Тавба, танимасангиз ажнабий деб ўйлайсиз”, деди қизим. Фўза, узум, анор, буғдоининг янги навларини яратибди. Лекин менинг асосий кашфиётим бу эмас, дейди. Асосий кашфиётим элимнинг, халқимнинг илдизларини топганимда, қанчалар ажойиб, қадимий ва қудратли эканини исботлаганимда, дейди.

– Қанақа қилиб исботлабди?

– Ўзимизнинг одамларнинг қонини таҳлил қиласа, кимнингдир сулоласи эллик минг, кимницидир етмиш минг йилга тенг бўлиб чиқиби. Ўша жойдан туриб бутун дунёга “Менинг юртим инсониятнинг олтин бешиги, дунё тараққиёти-нинг шоҳбекати”, деб гапирди!

– Демак, ҳўв бир сафар айтган гапи рост экан-да? Лекин унча тушунмадим. Халқ қадимий бўлса, қарияларга ўхшаб кексайиб, мункиллаб қолмасмикин?

– Йўқ, ундан эмасмиш. Қанчалар қадимий бўлса, шунчалар қувватли, муҳташам бўлади, дейди.

– Тавба... Мукофоти қанча эмиш?

– Билмадиму, лекин бунақа нарсаларга жуда катта пул беришса керак. Ҳали келса кўрасиз, ундан бой одам қолмайди бу атрофда.

– Дарров машина олса керак. Кейин данғилама иморат ҳам қуради, албатта.

– Ҳа, кучайиб кетар экан-да?

– Аслида илм ҳам мол. Кимдир илм сотади, кимдир совун...

– Ҳа-ҳа-ҳа!

– Ҳе-ҳе-ҳе!

– Хабарчи айтдики, бундай кашфиётларнинг аҳамияти жуда катта. Чунки кашфиёт қайси давлатга таалуқли бўлса, сотиб олганлар ўшанга пул тўлашармиш.

– Э, зўр экан-ку!

– Ўзи, шу болада бир нима борииди. Ҳўв биргал айтган гаплари ёдингиздами?

– Ҳа, ҳамма гапи ғиж-ғиж ақл... Билсангиз, мен ҳам анчадан бери болаларни бир амаллаб ўқитиши керак деб ўйлаб юрибман. Кўряпсиз-ку, замон ўзгариб кетди. Бундан кейин, ўқимаган одам нон тополмайди, шекилли.

– Тўғри. Лекин яна бир гапниям айтиб қўйай: ҳамма олим бўпкетаверса, подани ким боқади?

– Мана, биз-да.

– Ҳа-ҳа-ҳа!

– Ҳе-ҳе-ҳе!..

## Учинчи кашфиёт

Инсон сочи, тирноғи ёки қонини текширганингизда, аввало ҳужайра ичига кириб борасиз.

У энди менда, бир маҳаллар ўкувчи эканимдаги каби қулгили таассуротлар ҳосил қилмайди. Балки муҳташамликдан, мангу қонуниятлар ҳукм сураётган олий салтанатдан дарак бериб, ниҳоятда гўзал ва мукаммал бўлиб кўринади.

Ядро ичига кириб борсангиз, хромосомага дуч келасиз. Унинг бағридаги DNA деб аталади-

ган молекула ичига миллиард-миллиард маълумотлар жойланган.

Бу ажойиб санъатга одам ақли шошмасдан иложи йўқ. Ҳомила пайдо бўлишидан то умрининг охирига қадар бутун вужуд ишини мукаммал назоратда тутиб турадиган унсур мана шу!

Одамларнинг ген харитасини охиригача тузиш ҳали ҳеч кимга насиб қилмади. Ҳар инсон ҳужайрасидаги миллиардлаб тимсолларни ким ҳам ўқиб чиқа оларди? Ишончим комилки, у ҳудудда яна улкан сирлар яшириниб ётиби. Хромосома таркибидаги ипсимон бурмаларнинг инстинкт ва қобилиятларга маъсул қисмлари, ҳаёт ва мамотга алоқадор бўлаклари ҳали охиригача ўрганиб чиқилмаган.

Сирларига боқар экансиз, шунчалик тенгсиз санъат ҳисобланган тириклик шами сўнганида, яъни абадият оламларининг азиз меҳмони бўлмиш жон ўз маконларига жўнаганида, вужуд парчалана-парчалана жонсиз моддаларга айланниб, тош-тупроққа беҳуда қўшилиб кетаверар-микин, деб ҳам ўйлайсиз, албатта.

Менинг энг катта кашфиётим ўсимлик навлари генларининг ўзгаришида ёки ҳалқ тарихини ўрганишимда эмас, инсонни инсон айлаган улуғ бир ҳикмат негизида бунёдга келди.

Генлар ўзидан аввалги насллар ҳақида маълумот ташишини ҳозир ҳамма билади. Бир одамнинг генини ўрганарап экансиз, ота-онасидан тортиб қачонлардир оламда яшаб ўтган аждодлари ким бўлгани, неча йил умр кўргани, қай қиёфага эга эканидан то қанақа касалликлар билан оғриганингача аён қиласиган ҳабарлар авлоддан-авлодга шу сирли бурмалар қатида ўтиб келиши барчага аён.

Ўша тарих яширган ҳалқалар қаршисида кўп тунларимни ўтказдим. Инстинктлар, иммун тизими жараёнлари, аждодлар ҳаёти сирларини ўзига жо айлаган турли-туман тушунарсиз тимсоллар ичига номаълумлари ҳам бор эди. Баъзи жойларида бир хилдаги маълумотларнинг қайта-қайта тақорланганини кўрдим. Ҳар авлод алмашганида уларга яна бошқа турдагилари қўшилиб қолганига, ген ҳалқаси янада узайганига шоҳид бўлдим.

Фан тилида “Олтмиш тўрт генли калит” деб номланадиган у ҳалқанинг сир-синоати нимада? Нега ҳар авлодда тақорланмоқда? Нега ўзгармас равишда наслдан-наслга ўтиб келаётir? Ўнинг жуда мустаҳкам ҳимояланганинг сабаби не?

Дунё олимлари бу ҳақда бош қотиришган, ҳар ким унинг бир ҳисмини “ўқишишга” уринган,

тахмин ва фаразлар кўп. Кимлардир инсон феъл-атвори, келажакка интилиш қобилияти, узоқ умр кўришининг сири мана шу калитда деб тахмин қилган.

Бенихоя ҳайбатли ва кўзга кўринмас “қувваи табиия” жонли нарсаларда рангу тус, таъму лаззат пайдо қилишини босқичма-босқич кузатар экансиз, беихтиёр тош гулга, темир олтинга айланаётганига ҳам гувоҳ бўласиз.

Бир куни ниҳоятда чарчадим, деразани очдим. Шамол туриб, ҳазрати Берунийнинг “Осорул боқия”си варақларини очиб ўйнай бошлади. Беихтиёр китобга кўз ташладим. Не кўз билан кўрайки, қачонлардир устозим таълим берган ўша саҳифа очилиб қолибди.

У мусаффо даврларимнинг хотираси онгимда ўйғониб кетди. Қандай бола эдиг-а? Қандай ажойиб даврлар эди-я?

Ҳаэррат Беруний ёзар эди:

“Шак ўйқу, “қувваи табиия” илҳомлантирилган ва вакил қилинганди вазифаси билан бирор моддага дуч келганида уни бекор қолдирмайди. Агар модда керагидан ортиқ бўлса, у қувват ўз ишини иккى марта орттиради. Иккى ҳисса орттириши баъзан бир неча марта ҳам тақорланади.

Гоҳо “қувваи табиия” тўлиқ иккى ҳисса қилиш ишини тамомлай олмайди-да, аъзоларни турган жойларига лойиқ орттириб қўяди. Чунки одатдагига ва яроқиларга қараганди ортиқча бўлса ҳам, ўэига тегиши ўринларда туради...”

Бу ерда ҳам ҳаёт ҳақида кетмаяптими?

Ҳа, мутафаккир бобомиз сирли оламлардан келиб-кетадиган, борлиқни жўшишга, яратишга, шавқ ила юксакларга бўй чўзишга, ҳосил беришга ундейдиган “жон” дейилган унсурни “қувваи табиия” деб атамоқда. Уларни “жонли яратиқлар” деб атамоқда, пайдо бўлиш сабабларини изоҳламоқда.

Шунда онгимда бир чақин ярқираб кетди.

Кўзларимга ишонмасдан, қайта-қайта ўқир, минг йил олисдан у зотнинг овози келаётгандай, насллар ва ирсиятлар сирлари ҳақида донишмандона сўзлаётгандай эди.

“У ҳодисалардан баъзилари турли замонларда давр билан тартибсиз юзага чиқмай, тасодиғий юз беради. Тасодиған юз берган ҳодиса вақти ўтгач, унинг фақат ҳабари қолади, холос. Бундай ҳабарлар ростлигига шартлар мавжуд бўлса ва уларнинг ўтган замонда юз бериши мумкин нарса бўлса, гарчи унинг қандай вужудга келиши хаёлга келтирилмаган ва сабаби билинмаган бўлса ҳам, бундай ҳабарни қабул этмай чора йўқ...”

Ахир, мен ҳам инсон вужудидаги хабарлар устида бош қотирмоқдаман-ку?

“...Гарчи унинг қандай вужудга келиши хаёлга келтирилмаган ва сабаби билинмаган бўлса ҳам, бундай хабарни қабул этмай чора йўқ...”

Ҳа, бағрига ота ҳақидаги маълумотларни жо айлаган юз миллионлаб ҳужайрадан биттасигина она ҳужайра билан бирлаша олади. Шунча ҳужайрадан биттасигагина, энг соғлом, энг мақбулигагина рухсат тегади. Юз миллиондан қай бири жо айланишини Беруний тасодиф деб атамоқда. Авлод мана шу тарзда пайдо бўлади.

Шошма! Авлод дедимми?

Эй Парвардигор!

Ахир, ота-она ўзи ҳақидаги бутқул маълумни – умри, ҳаёти, кўрган кунлари, чеккан дарду озорлари... ҳамма-ҳаммасини янги пайдо бўлаётган наслга шу тарз ўтказиб бермаяптими?

Бир-бирини бениҳоя эъзозлаган, севган, қанчадан-қанча кунларни бирга ўтказган, суйған, ардоқлаган ота-она ҳали игнанинг учича ҳам келмайдиган ҳомилага, никоҳ дейилган қурдатли ҳукми илоҳий ила абадиян бирлашган бир заррага ўзларини шу тарз, бутқул жо айлашмаяптими?

“Жоним болам! Бизлар ҳаётда тош келса кемириб, сув келса симириб яшадик. Орттирган бор истеъдодимиз, қобилиятларимизни сенга мерос қилиб бермоқдамиз. Бизлар ҳали ёшимиз, аммо ҳаётнинг ўзгармас қонунияти шуки, вақт-соати келганида албатта сендан олдин кетамиз. Кетар эканмиз, умр йўлларида қоқилиб-сүқилмагин, олдингда бирор муаммо кўндаланг бўлса довдира-магин дега, топган-тутганимизни жавҳарингга жо айлаб кетмоқдамиз”, демаяптими?

Мен тушунолмай турган тимсоллар кўзимнинг ўнгига қийматли хазиналарга айлана бошлади. Ҳа, ўша номаълум ҳалқаларнинг барчаси ҳаёт мобайнида орттирилган қобилият ва истеъдод “калит”ларидан иборат, кўзимнинг ўнгига сулола-сулола тўлқинланган авлодлар биридан-бирига тобора бойиб-ортиб борувчи мерос қолдиришаётганини кўриб турадим. Уларнинг баъзилари “озорланган” генлар эди. Яъни ҳаёт қийинчиликларида эзилган, қийналган аждодлар ўша калитлар бағрида ўз заҳматларини ҳам қолдириб кетишган эди!

Бу шунчалар улкан хазина эдики, онгимда қачонлардир содир бўлган барча саволларга бирданига жавоб берарди. Нега эл орасидан истеъодлар ҳамиша чиқавермайди? Нега барча бир хилда сабру шукр ичida яшашни

маъқул кўради? Нега келажакка интилмайди, нега қатъият ва сабот билан юксакларни кўзла-майди? Сулолалар алмашган даврлару юзлаб йилларнинг тарихи ҳам кўз ўнгимда шундоққина намоён бўлиб турарди.

Эл қанчалар қадимий бўлса, истеъод ва қобилият калитлари сони ҳам шунчалар кўп эди!

Бу, демак, элнинг ҳар бир боласи юзлаб аждодларининг ўшандай меросини бағрида сақлаб келаётганини, синган ва нуқсонли генлар маълум авлодларнинг машаққатлар гирдобида яшаганини кўрсатса-да, агар маълум шароит юзага келса, у калитлар ҳар бир авлодда, ҳар болада бирдай “ишлиб” кетишини ва эл аро бениҳоя улкан қалқиниши, онг тўфони рўй беришини кўрсатиб турарди.

Мен – таниғанлар “Генетик” деб ном берган, далаларида меҳнат қила-қила, дараҳтлару майсаларнинг, ҳайвонлару күшларнинг хусусиятларини била-била улғайиб, ниҳоят, ота-боболаридан мерос қолган истеъододи билим деб аталган чақмоқ туфайли очилиб кетган битта фарзанд – шу муҳташамлик ва улуғлик қаршисида лолу ҳайрон, инсонларнинг ўзига ишончини бениҳоя орттириб юборадиган, барчани жипслаштирадиган шу билим қаршисида юрагим ачиша-ачиша турардим. Ахир, не қўргиликларни кўрмади бу эл! Не шўришлар орасидан ўтиб келди бу эл! Мехру муҳаббатим бениҳоя ортиб кетган, урф-одатлар, маросимлар, айтиму қўшиқлар... барчаси онгимда бирварақайига айланар, аждодлар эса у хабарлар қатидан жим боқиб туришарди. Қишлоқ ҳаётида кўрган-кечирганларим, мушоҳадаларга унданған ҳар бир воқелик, ҳаёт тарзимизу урф-одатларимиз, одоб-ахлоққа чорловчи ҳикоялару қулоққа чалинган маъноли ўтитлар, эшитган даккиларимиз, турмуш ташвишлари, заҳматлию байрамли кунлар мени илмлар сирини ўрганишга унданған, фан тилида айтсан, “генларимни ишлашга чорлаган” улуғ ва донишманд Устозга айланди! Шубҳасиз, шундай муҳитда ўсиб-улғайган ҳар бир болада буюк имкониятлар бор эди! “Катта одам” бўлиб “катта ишлар”га кўл уриш учун эса сабр-тоқат, ҳурмат, ишонч, орзу-ҳавас, интилиш, меҳнат, ортга бир назар ташлай олиш каби хислатлар билан яшаш ва уларни ҳаёт давомида ўйғотиб бориш керак экан!

Қалбим истаган улуғ билимга мана энди етиб келган эдим! Энди фақат, бу кашфиётларни шунча йиллар ўзининг кимлигидан бехабар яшаб келган, ҳаёти ёт фоя эгалари томонидан атай оддийлаштириб-жўнлаштирилган, кўрган кунига қаноат қилиб, “Бизлар жўн одамлармиз,

унақа ишларга ақлимиз етмайди”, дея, топған нонини бола-чақаси билан тинчгина еб ўтиришни саодат санаган шу кишиларга етказишгина қолган эди, холос.

Менинг саодатим ҳам шунда эди!

Эңг оддий урф-одатларининг бари бирдай жилоланар, мангу ҳикматлардан сўзларди. Эсингиздами, аёллар сулоланинг ор-номуси саналиши ҳақидаги гап-сўзлар? Уни илм бутунлай ўзга ёғду ила нурлантирганинга қаранг! Ажодлар мероси, ақлу заковат калитлари болага асосан онадан ўтишини, баъзан эса ҳар икки томоннинг эң яхши хусусиятларини ўзида жамлашини билсангиз, фахру фууруга тўлмасмидингиз? Узоқ сафарга кетган кишилар қайтиб келишса, юрт тутпроғини кўзга суришади. Ахир, ҳар қиз, ҳар аёл қийматли хазина, ўз бағридан анвойи неъматлар етиштирган ватан тутпроғидай азиз экан-ку? Шу сабабдан ҳам эл ўз қизларини, аёлларини, оналарини эъзозлаб, шаъну шавкати учун кўксини қалқон, жонини курбон қилас, кўз қорачигидай авайлар экан-да?

Ана энди ич-ичимдан келган хитобни кўринг!

“Етар энди! Бас энди! Қонингизда буюклик мавж урмоқда. Бир чақнаса, дунёни титратар чақмоқлар тек турибди. Ўзингизга ишонмадингиз, мендан олим чиқармиди, дедингиз. Отам чўпон, бобом чўпон, ота-бободан қолган ҳаётни яшайверай, мен кўрмаганни болаларим кўрар, дедингиз. Етар, бас, ахир! Болаларингизга ишонинг! Сиздаги бу тутумлар ҳам наслдан-наслга ўтмоқда. Юзлаб асрлар аро мавжланиб оқаётган қон ҳайқириғига кулоқ тутмайсизми? Дунёнинг энг нодир, энг ноёб неъмати беҳуда оқаверсинми? Истеъдод билимдан қувват олишини биласиз-ку? Билим деган тупроқ қанчалар бўлиқ бўлса, унда ўсган дараҳт меваси шунчалар мўл ва етук бўлишини ақлингиз айтиб турибди-ку? Қаранг, ахир, ҳаётингиз яхшиланди. Кеча жўхори унидан зорора ер эдингиз, бугун буғдой деганингизнинг ўнлаб тури сизга мунтазир. Кеча болаларингиз илиги пуч, заиф эди, бугун гуркираб ўсган. Қоп-қора кўзларига бир қаранг: ишонувчанлик билан, ҳар гапингизни ҳикмат деб рўй-рост боқмоқда. Онги эса ўзи истаётган нарсага жуда муштоқ. Беринг ахир, у шуурга ўзи истаётган зилолни – илмни!

Катта мегаполисларнинг одамлари бетон орасида битта чечакниям ўстира олмайди. Бор-йўғи бир район ўстириш учун биолог чақиришга мажбур, чунки табиатдан бехабар. Шунингдек, уларнинг бир-бирларига эҳтиёжи ҳам йўқ, неки истаса шундоққина кўз ўнгига муҳайё. Сиз эса

бениҳоя жипссиз, руҳан бир-бирингизга жуда яқин, ҳар кун, ҳар маросимда елкадошсиз. Ўзингизга ҳам, болаларингиз шуурига ҳам инсонийлик илми, табиат илми гўдаклиқданоқ қуиилиб бўлган: тоғу тошда маъданлар қай тарз пайдо бўлишидан тортиб наботот феъл-атворигача – теваракнинг бор сир-асрорини билиб олгансиз. Фаросатли кишилар ниҳоятда бўлиқ бу тутпроқка албатта ақл уруғини қадашмайдими?

Хой, юрт болалари, ҳар бирингиз бағрида бир гавҳарни жо айлаган хазинасиз. Йўқ-йўқ, гавҳарнинг ўзисиз! Бениҳоя қийматлisisiz, бетақорсиз, нодиру ноёбсиз. Қирраларингизга эл-улус жило берган, ярқираб-тovланмоқдасиз. Теварагингизда қун кечириши деган галати жараён шайтон қиёфасида, сизни чалгитиш учун бўй кўрсатиб турибди. Юзлаб аждодларингиз мерос қолдирган истеъдод зарралари эса саодат лаҳзасини кутиб қонингизда, томирларингизда жим кезмоқда. Бир қалқинсангиз, келажак сари учар юлдуздай отилар қувватингиз бор, қалқининг ахир!

Кимга, нима деб ҳайқирай? Ҳаёт деган улкан дарё тўлқинланиб оқмоқда. Сиз ҳам мавжлари аро оқиб кетаверасизми? У дарёни бошқариш, баракотли тутпроқларга буриш, мисли қўрилмаган ҳосиллар олиш вақти келмадими?

Қаранг, болаларингизни қандай ажойиб қилиб ўстирдингиз. Шунчаларки, сиздан олдин таомга қўл узатмайдиган, кириб келсангиз дарров ўрнидан туриб салом берадиган, мабодо уй ичида ўтирган бўлсангиз, ҳурматингиз юзасидан томга чиқишига тортинаидиган зуррёд тарбияладингиз. Эл ҳақи, қўуни-қўшни ҳақи деган қонуниятларни онгига сингдирдингиз. Юрагида имонини, ишончини қувватлантиридингиз. Ниҳоятда бўлиқ бир замин тайёрладингиз. Ҳаёт, яъни “қувваи табиия” эса, роса кучга тўлди. Энди унга неки экилса, гуркираб эгиз-эгиз ҳосиллар беради. Олмайсизми, ахир, ҳосилингизни?

## XXI-аср. Картахена. Колумбия.

(Бутунжакон Генетика анжуманида сўзланган нутқ)

Хурматли дўстлар, азиз илм кишилари!

Ўйлайманки, мазкур мукофот билан мен эмас, балки меҳнатларим тақдирланаётир. Ҳаёт давомидаги илм машаққатлари, инсон руҳининг заҳматлари, шон-шуҳрат ва сарват илинжида эмас, балки бир инсоннинг авваллари қўрилмаган янги кашфиёт яратиш йўлидаги уринишларига эътибор қаратилаётир.

Бугина эмас, умр деб аталган тириклик ҳаёти аро ўз борликларини бизларга мерос қилиб қолдириб кетган аждодларимиз – зэрралари қонимизда ҳаёт манбаига айланган, бағримизда яшаётган улувларимиз, ота-боболаримиз ҳам ёзтироф этилмоқдалар.

Бугунги дунёниң фожиаси – кишилар ўз руҳининг илмга ва түйуларга чанқоқлигини, фақат шундангина ором олишини унутиб қўйишганида, ўз-ўзига ишонмаслик ҳиссиётлари пайдо қилган билимсизлик таназзули аро турмуш деган чамбарга ўралиб қолишганида деб биламан. Ваҳоланки, Тангри таоло ҳар кимнинг фитратига бир истеъдод гавҳарини жойлаган. Умр машаққатлари аро ўз руҳияти жилваларини сўндирган, мисли кўрилмаган янгиликлар яратишга қодир зако қувватини фақатгина кун кечириш деган жўн эҳтиёжга сарфлаб юборган юзлаб-минглаб кишилар ўзларининг қандай нодир зот эканликларидан бехабар ҳаёт кечиришмоқда, турмуш тегирмонида муттасил айланишмоқда.

Шу сабабли инсониятнинг бутун куч-қуввати истеъдод юлдузларининг чақнашига йўналтирилиши шарт деб ўйлайман. Қаранг ва тафаккур қилинг. Оlamda беҳикмат яратилган бирорта ўсимлик, дарахт ёки жонзорот йўқ. Булар ўз ҳаётидан ташқари, бошқалар фойдаланиши учун ҳосил ҳам беради. Коинотда ягона бўлган Инсон оддий яраларми?

Шунингдек, диққатингизни муҳтарам олимларимиздан бирининг закосига мансуб, жонсиз нарсаларнинг ҳам хотираси мавжудлиги ҳақидаги кашфиётга қаратмоқчиман. Тасмаларга ёки маъдан бағирларига ёзилган товуш, овоз ва тасвирларни барчамиз яхши биламиз. Шунингдек, оддий унсур ҳисобланмиш сув ўзи шоҳид бўлган нарсаларни хотирасига ёд айлашидан, яъни уммон сувлари ўз бағрида рўй берган воқеалар, ёмғирлар ўзлари бино бўлган жойдаги ҳодисалар хабарларини олиб, дунё бўйлаб кезишидан ёки музга айланиб, бағрида тарихларни сақлашидан хабардормиз. Жонсиз ҳисобланган унсурларники хотираси бор, тирик ҳисобланган набототнинг ёки жон эгаларининг хотираси бўлмасми? Коинот гултожи саналмиш инсон вужудининг тамал хужайраларига жойланган хотира эса бениҳоя улуғ, муқаддас ва бузилмас, Одам болалари ҳаётини бағрига олиб, ҳар томирда оқмоқда.

Сулолалар, насллар ўз борликларини мана шундай тарзда абадиятга муҳрламоқдалар.

Бизлар бениҳоя муҳташам оламда шу тарз ҳаёт кечирмоқдамиз. Бутун борлиқ – Тангри таоло инсон олдига ёзиб қўйган саховатли даргоҳ, табиат – мукаммал дастурхон эса, шуларнинг барчаси инсон ҳаёти қанчалар улкан қиймат касб этишини билдириб содир бўлмоқда.

Ҳаёт саодати эса меҳру шафқатда, Яратган Тангри қудратини доимо ҳис қилиб, моҳиятн жуда қисқа ҳисобланган шу умр аро меҳру муҳаббат, олижаноблик, покиза ниятлар ила ҳаёт кечиришдадир.

Шуни ҳам айтмоқчиманки, бизлар оталари ёнида чопқилла бораётган болакайларнинг митти бармоқлари падар қўлидан сира айрилмаслиги учун ҳам истеъдодларимизни рўёбга чиқаришимиз шарт.

Юзларига балофат хуснбузарлари тошиб, бир-бирига кўнгил қўяётган ёшлар доимо баҳтли бўлишсин, бизлар уларнинг саодати учун ҳам бирлашишимиз керак.

Ҳаётда кўпни кўрган кексалар оламдан кетар ҷоғларида ортда қолганлардан рози бўлиб, жилмайиб видолашсинларки, тез орада барчамиз жамулжам, саодат онларида яна юз кўришгаймиз, дея. Қисматлар ўзгарсин, ўлим деган қазои қадар армон ва афсусларни эмас, жаннат оромлари ва шодникларини олиб келсин!

Қисматларнинг ўзгаришига мисоллар жуда кўп. Бизлар теграмиздаги воқеаларга ҳар доим ҳам тўғри баҳо беравермаймиз. Масалан, одамлар селни фалокат деб ўйлашади, ваҳоланки, у ширали тупроқларни далаларга олиб келиб ёяди. Дараҳтларни синдириб ўтадиган шамоллар аслида ҳаволарни янгилайди, барака уруғларини учириб келади, дов-дараҳтни чанглайди. Ҳамма ёқни энлаб, йўлларни тўсив ёққан қорлар тупроққа ўғит, дастурхонга ризқ-рўз бўлади. Кучли чақинлар чақиб, момақалдириқ гумбурлаган онларда эса ер бетида ўз-ўзидан олтин ёмбилар пайдо бўлади.

Ихтиёrimizdagi шу бемисл қудрат ила жаҳаннамий яратиқларни пайдо қилиш ҳам, инсонга ажал келтирувчи касалликларни батамом йўқотиш ҳам мумкин. Бу худди ядро технологиясига ўхшайди: ундан шаҳарларнинг кулини кўкларга совурадиган қуроллар ҳам, киши тана аъзоларини зарра-зарра кўра оладиган ускуналар ҳам ишлаб чиқарса бўлади. Бундай мўъжизалар Яратган Эгамнинг шафқати ва марҳамати боис ато этилган, албатта. Генетика ҳам ана шундай қудратли бир илмдир.

Мисол учун, сиз ўлимчил ҳисобланган саратон касаллиги қандай келиб чиқишини яхши биласиз. Саратон – танамиздаги атиги битта ҳужайра умум ишни, яъни вужуд баркамоллиги учун бажараётган вазифасини қўйиб, ўз ҳолича яшай бошлаганидан келиб чиқади. Иммун тизими уни ўз ҳужайраси деб танийди. Бизлар ген тизимларини ўша ҳалокатли ҳужайрани таниб оладиган қилиб ўзгартирсак, дунёда бирорта киши бу касаллик билан оғримайди. Бу мисолда жуда катта ибрат бор. Инсоният – эзгу мақсад учун жипслашган яхлит вужуд, эллару улуслар унинг ҳужайралариридир. Яъни, кимдир умум мақсаддан чалғиб, ўз манфаати учунгина яшай бошласа, инсоният деб аталган улуғ организмда ҳам ўлимчил хасталиклар рўй беради. Ақлу тафакур қувватларимизни эзгу манзиллар сари йўналтирсак, инсонни буткул саодатга элтувчи йўлларни ҳам топа оламиз.

Лекин генетика шунча масалаларни ҳал қилгани ҳолда, қанчалар юксакка кўтарила-да, барбирам хизматкордир. Сиз технологиянинг сўнгги ютуқлари асосида яратилган замонавий учоқларни ёки фазовий тадқиқот ускуналарини яхши биласиз, улар нақадар мураккаб бўлмасин, оддий кишиларга хизмат қилади.

Бизлар мана шуни чуқур англаб олишимиз зарур. Инсон муҳташамдир. Ҳатто сўнгги онини яшаётган пайтида, ажалнинг қирмизи шафақлари охирги бор яллиғланганида ҳам унинг бир нафаси бор. У – “Мени кечир”, “Сени яхши кўраман” ёки “Мендан рози бўлингиз” деган ажойиб сўзларни айта олиш учун қолдирилган нафасдир. Ҳа, одамзот қалби ўлмас, руҳи ҳамдардлик ва шафқат туйғуларига тўла экани билан кутлуғдир. Бизнинг барча уринишларимиз мана шу йўлга – уни улуғлашга, шарафлашга ва эъзозлашга йўналтирилиши шарт.

Гоҳо қийин, гоҳо осон туюладиган шу ажойиб ҳаёт аро умр кечирар эканмиз, зуррёдларимизнинг истиқбол йўлларини очиб беришимиз ҳам шарт. Токи уларнинг ақлу заковати эзувчи меҳнатга эмас, яратувчиликка, бунёдкорликка йўналсин. Ҳаётда ўзини намоён этсин, эл ишига ярасин, инсон деб аталмиш олий хилқат саодатига хизмат қиласин, умр осмонида қуёш бўлиб чарақласин. Ўзига, ўзлигига ишонсин, токи вақти соати етиб, бизлар ёнида бўлмаган пайтларида ҳам яхшини ёмондан ўз тафаккури ва билими билан ажрата олсин, табаррук аждодлар “қон”ини муносиб давом эттирсин. Булар – дунёга келиб-

кетаётган, келажакка, истиқболга, юксакларга кўз тиккан миллиардлаб инсонлардан бири ўлароқ, ўз эли бағрида етишиб чиқсан бир боланинг, ўзбек Генетигининг самимий ўтиччи, ёруғ умидидир!

Менимча, бизнинг бошқа йўлимиз йўқ!  
Эътиборингиз учун раҳмат.

## Хотима

Дарё ҳайбат солиб оқарди.

Соҳилида турли тошлар қалашиб ётарди.

Орасида тоғ чўққиларининг жигаррангу қорамтири, оқар дарёларнинг суви силлиқлаган оқу тарғил, дашту далалар бағрида пайдо бўлган чўтиру қўнғир тошлар сачроқ сув томчиларидан ҳўлланиб, йилтираб туради.

Дарё бўйлаб келаётган бир йигитча улар орасидан олтин ёмби топиб олди.

Қизиқиб, синчиклаб разм солди. Ёмби нималигини у биларди. Бундай қийматли нарсалар момақалдириқ гумбурлаб, қаттиқ чақмоқлар ерга келиб урилганида пайдо бўлишидан, шамоллар қай тарзда жала булутларини суринб келишидану неъмат ёмғирлари қай қонуниятлар асосида ёғилишидан, бўлиқ тупроқлар устида мўл ризқлар қай тарз етилишидан хабардор эди.

Шунингдек, дарёлар қаердан бошланишини, чақмоқлар қандай бунёдга келишини, ҳамма ёқни бузиб-айқириб жўшган селлар қай сабабларга кўра фалокатдан баракага айланиб қолишини, шу қимматбаҳо тош ўзи пайдо бўлган маҳалда рўй берган воқеа-ҳодисаларни хотирасида сақлашини ҳам биларди.

Шунинг учун авайлаб қўйнига солди ҳамда ўзини вояга етказган азиз манзилларига равона бўлди.

У – теваракдаги юзлаб қишлоқларда, элнинг тутумлари, одатлари, айтимлари, достонлари, қўшиқларию маталларини онгига сингдира-сингдира улғайиб, ҳаётга эндингина қадам кўяётган юз минглаб ёшлардан биттаси эди, холос.

Бор-йўғи шу.

Элнинг биттагина боласи!

\* \* \*

“...Тонг ота бошлади, сўнг унинг изидан ер юзи ёришди.



Сўнг қуёш чиқди, ҳаммаёқ ёруғ бўлди.

Эр йигит эмаклаб борди, Тангрига йўлиқди.

Йигит баҳт тилади, Тангри баҳт берди. Оғилда йилқинг бўлсин, умринг узоқ бўлсин, деди.

Билиб қўйинг: бу – яхши...”<sup>9</sup>

<sup>9</sup> Қадимги туркий битиклардан.



Бу йил мамлакатимиз мустақилликни қўлга киритганига 25 йил бўлди. Ўтган йилларга назар солсак, кўплаб соҳалар қатори таълим-тарбия соҳасида ҳам улкан ютуқларга эришганимизга гувоҳ бўлиш мумкин. Бугун юртимизнинг қайси гўшасига бормайлик, замонавий таълим масканларига, муҳташам спорт иншоотларига кўзимиз тушади. Бу биноларда илм-фан асосларини пухта эгаллаб, ақлан ва жисмонан баркамол бўлиб улгаяётган ўғил-қизларни кўрганимизда истиқлолнинг илк йилларидан бошланган кенг қамровли ислоҳотлар моҳиятини янада теранроқ англаймиз.

Юртимизда ёшлар камолотига қаратилган юксак эътибор Жиззах вилоятида ҳам ўз самараларини беради. Бугун вилоятда фаолият кўрсатаётган 756 та умумтаълим муассасасининг барчаси зарур ўкув жиҳозлари ва мультимедиа воситалари билан таъминланган. Кўпмиллатли, аҳил-иноқ халқимиз болалари таълим ўзбек, рус, қозоқ, қирғиз ва тоҷик тилларида олиб бориладиган ўкув муассасаларида билим олиб, Ватанимиз равнақига муносиб ҳисса қўшадиган ўғил-қизлар бўлиб вояга етмоқда. Бу йил вилоятдаги ўн иккита мактабда қурилиш-таъмирлаш ишлари олиб борилгани ўқувчиларнинг билим сифати ва самарадорлигини оширишда муҳим омил бўлмоқда. Ўқитувчиларнинг дарс жараёнини сифатли ва самарали ташкил этиш учун етарли шарт-шароитлар яратиш мақсадида шу кунгача 418 та мактаб физика, 335 та мактаб кимё ва биология фан кабинети жиҳозлари билан таъминланди. Ушбу саъй-ҳаракатлар туфайли фарзандларимиз янги-янги марраларни эгаллаётir. Жумладан, шу йил июнь ойида умумтаълим фанлари бўйича ўтказилган билимлар беллашувининг республика босқичида Жиззах вилоятидан иштирок этган ўқувчиларнинг ўн бир нафари 1, 2, 3-ўринларни қўлга киритди.



**Эргаш ЖАББОРОВ,**  
Жиззах вилояти халқ  
таълими бошқармаси  
бошлиғи

Ўғил-қизларнинг салоҳияти ошаётганида ўқитувчилар ўртасида самарали тажриба алмашув тизими йўлга қўйилгани муҳим аҳамият касб этаётир. Жорий ўқув йилида вилоятдаги таълим муассасаларида ўн саккизта фандан 46 та “Маҳорат мактаби” ташкил этилган. Уларга методистлар, вилоят халқ таълими ходимларини қайта тайёрлаш ва малакасини ошириш институти ҳамда Жиззах давлат педагогика институти ўқитувчилари мураббий сифатида бириктирилб, амалий методик ёрдам кўрсатмоқда.

Бунинг самараси ўлароқ, вилоят ўқитувчилари қатор муваффақиятларни қўлга киритмоқда. Жумладан, бу йил “Энг яхши дарс ишланмаси” кўрик-танловининг рестпублика босқичида иштирок этган жizzahlik педагоглар саккизта фан бўйича фаҳрли ўрин голиби деб тогилди. Якуний натижаларга кўра, ўқитувчиларимиз ушбу танловда рестпублика бўйича 3-ўринни эгаллади. “Йилнинг энг яхши фан ўқитувчиси” кўрик-танловининг рестпублика босқичида уч нафар ўқитувчимиз меҳнат таълими, география, она тили ва адабиёт фанлари бўйича фаҳрли ўринларга муносиб кўрилди.

Ўзбекистон Республикаси Президентининг “Чет тилларни ўрганиш тизимини янада такомиллаштириш чора-тадбирлари тўғрисида”ги қарорига мувофиқ хорижий тилларни ўқитиш ишлари изчил олиб борилмоқда. Вилоят халқ таълими тизимида меҳнат қиласидан 1032 нафар инглиз тили ўқитувчиси самарали фаолият юритиши учун етарли шарт-шароитлар яратилган. Айни пайтда чет тили ўқитувчилари ҳафталик малака ошириш курсларида ўз билим ва малакаларини оширмоқда.

Айни пайтда битирувчиларни таълимнинг кейинги босқичига жалб этиш муҳим аҳамиятга эга. Шу боис ўтган ўқув йилида вилоятдаги умумтаълим мактабларининг 21306 нафар 9-синф битирувчисига оид маълумотлар “e-maktab” электрон базасига киритилиб, ёшларни таълимнинг навбатдаги босқичига қамраб олиш учун ўқув йили давомида “Отоналар йигилиши”, “Оталар йигилиши”, “Оналар йигилиши”, “Касб-хунар – қизлар иқболи”, “Хунарли қиз – юрт келажаги” каби мавзуларда давр сұхбатлари ва сўровномалар ўтказилди. Ўқув йили якуннида битирувчилардан 1419 нафари академик лицейларга, 19860 нафари касб-хунар коллежларига қабул қилиниб, ўн икки йиллик узлуксиз таълимга тўлиқ қамраб олинди.

Глобаллашув даврида таълим муассасаларининг халқаро ахборот майдонидаги таълим-тарбия ва илм-фанга оид янгиликлардан хабардорлигини таъминлаш муҳим аҳамият касб этади. Шу боис жорий йил давомида вилоятдаги барча таълим масканларини интернет тармоғига улаш ишлари олиб борилди. Натижада ўқув муассасаларининг 111 таси “Uztelecom”, 389 таси “Uzmobile” компанияси Жиззах филиаллари билан имзоланган шартномага мувофиқ “Ziyonet” ахборот таълим тармоғига уланди. Бугунги кунга қадар вилоятдаги 462 та таълим муассасаси 7398 та компьютер техникаси билан таъминланган бўлиб, жорий йилда бунга қўшимча равища “Мактабгача ва умумий ўрта таълимни ривожлантириш” лойиҳаси доирасида етмишта мактаб замонавий компьютер жамланмаси ва бошқа турдаги жиҳозлар билан таъминланди. Мавжуд имкониятлар туфайли ҳозир вилоят халқ таълими бошқармаси тизимида 162 та мактаб, 121 нафар ўқитувчи, 34 нафар ўқувчи ўз веб-сайтига эга. Бу йил “Халқ таълими тизимидағи энг яхши веб-сайт – 2016” кўрик-танловида иштирок этган ўқитувчимиз 1-ўринни эгаллаб, ҳамкасларига ўрнак бўлди.

Ёш авлод таълим-тарбиясида спортнинг ўрни алоҳида. Бу борада ҳам вилоятда муайян ишлар амалга оширилаяпти. Айни пайтда янгидан ташкил этилган ўн учта болалар ва ўсмирлар спорт мактабида 11278 нафар ўқувчи ўн бешта спорт тури билан шуғулланмоқда. Уларга 331 нафар мураббий спорт сирларини ўргататирилди.

Ўғил-қизларнинг дарсдан бўш вақтини мазмунли ташкил этиш долзарб аҳамиятга эга. Шу боис вилоятдаги ўн тўртта “Баркамол авлод” болалар марказидаги тўғаракларга 7215 нафар ўқувчи жалб қилинган бўлиб, ёшлар “Бадиий ижодиёт”, “Ўлкашунослик ва экология”, “Техник ижодиёт”, чет тили йўналиши бўйича машғулотларда вақтини мароқли ўтказмоқда.

Вилоятдаги мавжуд ўн бешта болалар мусиқа ва санъат мактабида ҳам ёшларнинг бадиий диди ва савиясини кўтариш, истеъод ва қобилиятини рўёбга чиқариш учун етарли шарт-шароитлар яратилган. Айни пайтда мазкур маданият даргоҳларида тўрт юз нафар мутахассис фаолият кўрсатаяпти. Улардан 2700 нафар ўқувчи санъатнинг ўнта йўналишда сабоқ олмоқда. Ҳозирги кунда болалар мусиқа ва санъат мактабларида олий маълумотли мутахассислардан ташқари бир нафар фан номзоди, бир нафар Ўзбекистонда хизмат кўрсатган артист, бир нафар “Ниҳол” мукофоти совриндори фаолият юритмоқда.



Шу йил 27 февраль – 1 март кунлари Дўстлик туманинг 3-болалар мусиқа ва санъат мактабининг ўқувчилари форте-пиано, доира, тасвирий санъат, хореография йўналишлари бўйича Сочи шаҳрида ўтказилган “Фактор успеха” халқаро фестивалида иштирок этиб, 1-ўринни эгаллади. Шу йил 11 – 18 июнь кунлари Жиззах шаҳридаги 1-болалар мусиқа ва санъат мактаби ўқувчилари Сочи шаҳрида ташкил этилган “У самого Чёрного моря” халқаро фестивалидан иккита 1 ва иккита 2-ўринни олиб қайтди. Бу каби ютуқлар бошқа таълим муассасалари фаолиятида ҳам учрайди, албатта. Энг муҳими, ёшларнинг юрагида санъатга меҳр-муҳаббат ва эзгулик уругини қадашни мақсад қилган олижаноб саъй-ҳаракатлар хориж саҳналарида Ўзбекистон довругини ёймоқда.

Ўзбекистон Республикасининг “Таълим тўғрисида”ги қонуни ва Кадрлар тайёрлаш миллий дастурида белгиланган вазифаларни амалга ошириш, илфор педагогик технологияларни таълим-тарбия жараёнига татбиқ этишда салмоқли ютуқларга эришган, ёш авлод камолотига муносиб ҳисса қўшиб келаётган ўқитувчилар ҳар йили Мустақиллик ҳамда Ўқитувчи ва мураббийлар куни умумхалқ байрамлари арафасида давлатимизнинг юксак унвон, орден ва медаллари билан тақдирланмоқда. Жумладан, бу йил ҳам вилояти-миздан етти нафар тажрибали педагог давлат мукофотларига муносиб қўрилди.

Истиқлол йилларида юртимизда ўқитувчиларнинг мавқеини янада ошириш, меҳнатини муносиб рафбатлантириш давлат сиёсати даражасига кўтарилгани бежиз эмас. Зеро, муаллим заҳматисиз, фидойилигисиз энг илфор педагогик технологиялар ҳам, сўнгги русумдаги компьютер ускуналари ҳам кутилган самарани бермайди. Давлатимиз таълим сиёсати юксак билим ва салоҳиятга эга, маҳоратли ўқитувчи ва мураббийларни етишириш, уларнинг самарали меҳнати орқали эса ёшларни баркамол ўғил-қизлар этиб вояга етказишга қаратилган.



## Эжашмоқ

Бу сўз “ўчакишимоқ”, “атайлаб терс иш қилмоқ”, “ҳазиллашмоқ” маъносида келади. Масалан: “Мен билан эжашма!”.

## Элаштирманг

Ушбу сўз “айбга буюрманг”, каби маъносида келади. Масалан: “Элаштирманг, бугун тўйга боролмайман”.

## Гизламоқ

Бу “яширмоқ” деганидир. “Бекинмачоқ” болалар ўйинининг воҳада (айрим ҳудудларида) “Гизланмачоқ” деб аталиши шундан. Масалан: “Зарифа ёзганларини онаси ўқиб қолишидан қўрқибми ёки ийманибми, хуллас, китоби тагига гизлади”; “Қадамбой, чик, гизланмачоқ ўйнаймиз. Бу сафар сен ўнгача санайсан”.

## Танқан

“Кумғон” маъносини ифодалайди. Масалан: Шарифа танқанни сувга тўлдириб, ўчоқ бошига ошиқди.

## Чиқан

Бу сўз “дугона” ўрнида келади. Масалан: “Лола, сени чиқанинг сўраб келди”.

## Бижанак

Ушбу сўз “данак”ни билдиради. Масалан: “У ўрикни еб бўлгач, бижанагини отиб юборди”.

## Тўшамча


Бу сўз “тўшамоқ” феълидан келиб чиқсан бўлиб, адабий тилда “кўрпача”га тўғри келади. Масалан: “Меҳмоннинг хурмати учун ҳам тўшамчани икки қават солди”.

## Карвич

Бу “ғишт” дегани. Масалан: “Уста хом карвичларни аввал пахса тагига бирма-бир тахлади”.

**Акмал ЖУМАМОРОДОВ**

Хоразм шеваси асосида тайёрлади.



**Шаҳноза  
ТУРАХҮЖАЕВА**

1977 йили туғилган. Ўзбекистон Миллӣ университетининг ўзбек филологияси факультетини тамомлаган. Долзарб мавзудаги мақолалари, жаҳон адабиётидан таржималари билан матбуотда мунтазам қатнашиб келади.

Шеър қайсиdir жиҳати билан тасвирий санъатга ўхшайди, айримларини яқин келиб, айримларини эса узоқдан туриб англаш керак.

**Гораций**



збек маданияти – марказида адабиёт турган маданият. Бизда миллий онг доим адабиёт воситасида ўсган, тафаккурдаги ўзгаришлар бадиий асарларда акс этган. Адабиётимиз ядросини эса азалдан шеърият ташкил этиб келган. XXI асрда ҳам бу ҳолат ўзгармади, биз ҳамон назмни севамиз, насрга нисбатан шеърга яқинроқмиз.

Ҳар бир даврнинг янги шеърни эълон қилишда ўзига хос воситалари бўлган. Бир пайтлар шеърий мажлислар, мушоҳаралар, кейин китоблар, XX асрга келиб эса адабий журнallар орқали шеър ва шоирни кашф этиш мумкин бўлди. Юксак технологиялар даврида одамлар кўпроқ интернет, янада аниқроғи, ижтимоий тармоқлар орқали поэзияга ошно бўлишмоқда. Бу ерда шеърлар ўқувчига кўтинча тасодифан этиб боради: кимдир улашади, бошқалар кўради – шу, холос. Табиийки, бунда жараён бетартиб кечади, мухаррир ва мусахҳиҳлар иштироки умуман сезилмайди, кўплари ҳатто танқиддан паст туради. Бундан ташқари, тез танилиш, минбарнинг шундоққина оёқ остида эканлиги ва унга чиқиш осонлиги каби сабаблар туфайли ижтимоий тармоқларнинг ўзбек сегментида шеърбозлик шу қадар авжига чиқсанки, бадиий диди шаклланмаган инсонни бу оқим хасдек оқизиб кетиши, у ҳеч қачон ҳақиқий, сифатли шеърга этиб бора олмаслиги тайин.

Юқоридагилардан интернетни фақат тоши енгил асарлар босиб кетибди деган хулоса чиқмаслиги керак.

## Қулай мутолаа

## Нўнок ифодалар

## Бир қуёшдан яратилган беш ой

## Бешинчи томон

Чунки реал ҳаётдаги каби виртуал оламда ҳам бари табиий танланиш қонунига бўйсунади. Шеърлар осон эълон қилинавериши мумкин-у, кўп ўқилиш ҳамда эътироф этилиш барибир ҳаммага насиб этмайди. Интернет фойдаланувчилари баъзан энг талабчан муҳаррирдан-да қаттиққўлроқ: ёқмаган шеърни шунчаки индамай ўтказиб юборади ё ачиққина шарҳ билан ҳамма кўрадиган жойга ёпишириб қўяди. Оммавий назорат ҳақиқатда савияли шеърларни юқорига кўтаряпти. Фақат энди фойдаланувчилар нимани кўкка кўтаришни, қайси шеърни ўқишни ўзлари танлаяптилар.

“Фейсбук”<sup>1</sup> тармоғида мавжуд шеъриятга оид юзлаб виртуал гурухлар ва саҳифалар у ёки бу шоирнинг машҳурлиги, севимлилигини кўрсатиб беради. Гуруҳ иштирокчиларининг сонига қараб қайси шоирни кўп ўқишлиари, қай бири севимли эканлиги ҳақида холоса чиқариш, қолдирилаётган шарҳлардан эса замона-миз ёшлари адабиётни нақадар тушунадилар, шеърдаги тогилмаларни қанчалик илғай оладилар-у, поэтик матнни таҳлил қила билидилар – билиб олиш мумкин. Шеъриятга оид гурухларни таҳлил қилиб қўйидаги холосага келдим: ижтимоий тармоқда яхши шеърлар кўп, лекин адабиётшунослик, хусусан, шеършунослик деярли йўқ. Фойдаланувчилар у ёки бу шеърни ёқтирадилар, ундан ўзларига маъқул келган сатрларни, бандларни кўрсатадилар, бироқ шеърни тушунадиган, таҳлил қилиб бера оладиган инсонлар кам. Кўпчилик кузатувчи мақомида.

Мазкур ижтимоий тармоқнинг ўзбек сигментида Алишер Навоий, Захриддин Муҳаммад Бобур, Абдулла Орипов, Рауф Парфи, Шавкат Раҳмон, Матназар Абдулҳаким, Аъзам Ўқтам, Муҳаммад Юсуф каби шоирлару Абдулла Қодирий, Шукур Холмираев, Тоғай Мурод, Омон Мухтор, Назар Эшонқул каби носирлар ижодига бағишинланган гурухлар, саҳифалар бор. Лекин улардан ҳеч бирининг аъзолари сони 10000 тага етмаган (интернет ўлчамларига кўра, иштирокчиси 10 мингтадан кам гуруҳ оммавий ҳисобланмайди). Кўринадики, ҳақиқий адабиёт барибир хосларники бўлиб қоляпти.

1 Ўзбек зиёллари шу ижтимоий тармоқда нисбатан фаол бўлгани сабабли таҳлил учун “Фейсбук” танланади.

# И

## Қулай мутолаа

Интернетда шеърият яхши маънода “қўлетар”dir. Яъни топилиши, ўқилиши ва сақлаб қўйилиши осон. Китоб ўқиш учун шароит, кайфият керак. Яна китобни топиш, ёқсан шеърни дафтарга кўчириб олиш, кейин у дафтарни йўқотмаслик... Ижтимоий тармоқда кутилмаганда олдингиздан чиқиб келган шеър ўзи кайфият яратади. Фараз қилинг, мониторингизда тепага ўрлаётган хабарлар тасмасида гоҳ Ҳалаб ва Мосулдаги жароҳатланган болалару Донбасдаги тўқнашувлар ҳақида маълумот берилади. Дунё кўзингизга қоронғи бўлаётган, олам разолатга ботиб кетибди, дея тушкунликка тушиб турган чоғингизда бирдан, олайлик, Матназар Абдулҳакимнинг “Дарсдан сўнг” шеърига дуч келасиз. Уни аввал шоирнинг тўпламларида ўқиган, таъсирланган бўлсангиз-да, талотўп-лардан тўлқинланиб турган ҳозирги кайфиятингизда шеър бошқача таъсир қиласи. Асар қаҳрамони – дафтар тогширмагани учун ўқитувчисининг ўлимидаги ўзини айбдор санаётган болакайни беихтиёр кассетали бомбалар ёмғири остида яшаётган ироқлик, шомлик тенгдошлари билан солиштирасиз...

“Фейсбук” тасмасида ўқилган шеърни кайфиятга қараб янгича таҳлил қилиш ва ўша заҳоти бу таҳлилни оммага маълум этиш имкони бор. Дарров фикрларингизни ёзасиз, ҳамфикрлар топасиз. Улар мавзуга оид бошқа шеърларни улашади. Кейин гап сиёсатга буриладими, адабиётгами – тахмин қилиш мушкул. Лекин энди “Дарсдан сўнг” шеърини бошқача ҳаяжон билан солишинасиз...

Ижтимоий тармоқда маъқул келган шеърларни “улашиш” тугмаси орқали “девор”имга ёпишириб кетавериш одатим бор. Бир қараб чиқсан, “Мен ёқтирган шеърлар” номли тўпламга арзирли материал йигилиб қолибди. Бу бир дона ададда чиқариладиган хос китобим бўлади, худди ўсмир қизларнинг сирлашув дафтаридек. Ҳар бир интернет фойдаланувчисида шу усулда ўзига мос бир баёзга тартиб бериш имконияти бор. Бу китобни юз ийллардан кейин, насиб қиласа, авлодларимиз ўқиб, умуман замонга, хусусан, шеър шайдоси бўлган аждодларининг дидига баҳо берадилар.

# C

## Нўноқ ифодалар

ал аввал ижтимоий тармоқда адабиётшунослик суст дедик. Албатта, бу – илм, илм билан эса дуч келган одам шуғулланиб кетавермайди, шеър ўқиш эса ҳаммага ёқади. Бироқ энг таъсирли, кўп “лайк” ва “шарҳ” тўплаган шеърлар остидаги муҳокамаларни ўқисангиз, асосан “Ажойиб шеър!”, “Гап йўқ!”, “Таъсирли!” каби сийқаси чиққан биринчиларни ёки шеърнинг биринки сатри такрорланганини кўришингиз мумкин. Мухлислар олган таассуротларини ифодалашга нўноқ. Бунинг сабаби адабиёт таълимига бориб тақалади, назаримда.

Адабиёт дарсларида шеър ёдлатилади, нари борса, қолип жумлалар билан таҳлил қилдирилади. Бироқ ўқувчиларда туйғуни ифодалаш малакаси шакллантирилмайди, шеърни изоҳлашга тил йўқ. Адабиёт дарсларида шеър ёдлатиш эмас, уни муҳокама қилишга кўпроқ вақт ажратиш керак, назаримда.

Рауф Парфининг шеъри остига ёзилган шарҳ эса бошқа муаммони қўрсатади: “Яхши шоири. Фақат шеърларини ўқиётганда ҳадеб луғатга қарайвериш лаззатни йўққа чиқарди!”. Унга бошқалар қўшилишади: “Тўғри, шеърлари ажойиб, лекин кўп сўзлари тушунарсиз...”. Демак, ёшларимизнинг сўз бойлиги кам. Сабаби маълум: китобдан йироқлик. Ижтимоий тармоқда бўлса ҳам мутолаа қиласяпти, тўғри, лекин интернетда матн ўқиган одам ҳеч қачон изчил фикрлай олмайди. Унинг фикрлаши қурок кўргага ўхшайди: дам у мавзуда, дам бу. Изчиллик бўлмагач, сўзлар ҳам мияга ўрнашмайди. Ана шу томондан китоб беназирлигича қолади.



# III

## Бир қуёшдан яратилган беш ой

еър ўқийверсанг, ўқийверсанг, ҳеч безмасанг... Шундай онларда туйғуларингни авайлайдиган, факат тансиқ шеърларни тортадиган бир гўша излаб қоласан. “Фейсбукоман” сифатида мен тармоқа мурожаат қиласман: борар манзилим тайин – халқ шоири Хуршид Давроннинг саҳифаси! Устоз ёш шоирларга ижодда интилиш лозим бўлган юқори даражани қўрсатиб туради. Унинг саҳифасида эълон қилинган шеърлар катта эътирофга сазовор бўлган саналади. Шу ўринда устоз саҳифасида эълон қилинган бир шеърнинг беш таржимаси ҳақида гапирмоқчиман. Сабаб, айнан шу таржималар баҳона ижтимоий тармоққа хос яна бир жиҳат – синхронлик намоён бўлади.

Хуршид Даврон “Марина Цветаева шеърининг беш таржимаси” деган пост эълон қилди. Унда шоирининг қисқа таржимаи ҳоли ва машхур “Мне нравится” шеърининг Ойгул Суюндикова, Гулбаҳор Саид Фани, Гулноз Мўминова, Хуршид Даврон ҳамда Нодира Афоқовага мансуб таржималари келтирилади. “Марина Цветаева шеърияти мусикийлиги, товушнинг шеър мусикий қурилмасидаги катта ўрни ва аҳамияти билан ажралади”, дейди шоири. Сўнг беш таржимани кетма-кет келтиради. Улардан айримлари матбуотда чоп этилмаганини эътиборга олиб ҳар беш талқиндан парчалар келтиришни лозим топди.



### **Шеърнинг аслиятдаги матни:**

Мне нравится, что вы больны не мной,  
Мне нравится, что я больна не вами,  
Что никогда тяжелый шар земной  
Не упливает под нашими ногами...

### **Ойгул Суюндикова таржимаси:**

Менга ёқар, бемормассиз мен боис,  
Менга ёқар, бемормасман сиз боис.  
Менга ёқар, оғир заминнинг шари  
Пойимизда оқиб ётмас сарсари...

Бу илк таржима аслиятга яқин, унга ҳам жисман (вазн, синтактик қурилиш), ҳам маънан боғланган. Муаллифнинг дарди таржимонники билан уйқаш келган, қоришиб кетган.

### **Гулбаҳор Сайд Фани таржимаси:**

Яхшики, мен сабаб гамнок эмассиз,  
Яхшики, сиз сабаб эмасман гамнок.  
Хайрият, ҳеч қачон шу Ер қурраси  
Бахтдан гир айланниб учмади бебок...

Таржима аслиятдан бирмунча мустақиллашган, таржимоннинг “мен”и муаллиф билан ёнма-ён бўлмаса ҳам, у билан баҳслашар даражага чиқсан. Таржимон шеърга янги маънолар юклай олган.

### **Гулноз Мўминова таржимаси:**

Шукр, мени дея бемор эмассиз,  
Шукр, сизни дея эмасман бемор.  
Кўнглим тинч, негаки оғир Ер шари  
Пойимиздан сузив ўтмагай зинхор...

“Нафасим бўғилмас кўрганим чоги, қўп осон топишган қўллар заволин...”. Мафтун этади. Умуман, таржиманинг охиригача Гулноз Мўминова анча янгиликлар топган, ўқувчини шеърга бошқача нигоҳ билан қарата олган. Буни таржима дегим ҳам келмайди, талқинидир балки. Гулнознинг талқини.

### **Хуршид Даврон таржимаси:**

Қандай яхши, мени ўйлаб чекмассиз алам,  
Қандай яхши, сизни дея чекмасман озор  
Ва ҳеч қачон бу муazzзам қурраи олам  
Учиб кетмас оёгимиз остидан безор...

Хуршид Даврон бебаҳтиқда баҳтиёр аёл қайғусини умуминсоний дардга айлантириб кўрсата олган. Таржимон-шоирнинг профессионаллиги яққол сезилиб турибди. Оҳанглар соғ ўзбекона.

### **Нодира Афоқова таржимаси:**

Хайрият, мубтало эмассиз менга,  
Хайрият, мен Сизга мубтало эмас  
Ва зилдай Заминдан учиб кетгудек  
Эҳтирослар бизни ҳаргиз чулгамас...

Бу таржима энг охирида, юқоридаги тўрт вариант эълон қилингач, улардан илҳомланиб яратилди. Мумтоз адабиётни яхши билган шоиранинг сўзлари, иборалари ҳам мумтоз. Хуршид Даврон айтган Цветаева шеъриятидаги “товушнинг шеър мусиқий қурилмасидаги катта ўрни” таржиманинг бу вариантида яққолроқ кўринган, яъни таржимон аслиятнинг яна бир ютугини ўзбек тилига кўчира олган.

Бир фойдаланувчи “Куёшни таржима қиласанг, ой бўлади” (Эркин Воҳидов) дея шарҳ қолдирган. Тўғри гап. Аммо қандай ой?! Қаранг-а, биргина “Мне нравится”нинг ўзини ўзбек тилида беш хил айта олиш мумкин экан: менга ёқар, яхшики, шукр, қандай яхши, хайрият. Балки ўн, юз, минг, миллион хил айта олиш мумкиндири. Беш таржима шундай ўйлашга асос беради.

Аслида, ушбу бешала талқин ҳам матнинг айнан таржимаси эмас, сатрлар тагидан ўқилган маъноларидир. Ҳар ким ўз тўйғулари, ҳолати, дунёқараши орқали “Мне нравится” денгизидан идишига қуйиб олган сувини кўз-кўз қилган. Идишларнинг ҳажми ҳам, шакли ҳам ҳил, бироқ уларда бир денгиздан олинган сув бор. Яъни, ҳар бир тажимон Цветаевага хиёнат қилмаган ҳолда ўзлигини намоён этган. Ана шу нарса бу таржималарни – “бир қуёшдан илҳомланиб яратилган беш ой”ни ўзига хос қимматли қиласди.

# И

## Бешинчи томон

Житимоий тармоқдаги шеърият адабиётимизнинг бугуни ва эртасига катта умидлар боғлаш учун асос беради. Нодира Афоқова, Гулноз Мўминова, Шаҳодатбону И момназарова, Талант Бек, Шавкат Жўрабек, Адҳамжон Мақсудов, Муслимбек Мусаллам, Бобур Элмуродов, Нафиса Омон, Элбек Эркин, Алибек Анварий, Дилмурод Дўстбеков, Маҳфузा И момова, Бахтиносо Маҳмудова... Бу рўйхатни узоқ давом эттириш мумкин. Улар ғоявий мажбуриятлар остида эзилмаган, шаклий қолипларга солинмаган, эркин, соғ, оҳорли ва самимий шеърлар ёзишяптики, ўқиганларнинг кўзи чақнайди, ёдида, кўнглида қолади. Баъзида улар орасида бир сатр, бир ташбех, талаш бўлиб қолади, лекин бу одат эмас, истисно. Асосан ижодкорлар бир-бирларига хайрихоҳ, эътибор ва эътирофда хасис эмаслар.

Дилмурод Дўстбековнинг бирорвга менгзасанг хафа бўлар даражада ўзига хос ижоди бор. Ўзингиз баҳо беринг:

Оҳ!..  
Сенсизлик босиб олар мени кўрпадай,  
Ерга кириб кетолмайман,  
Чорламас осмон.  
Жануб-Шимол, Шарқу Farбга  
қарамайман лек,  
мен борар жой энди фақат –  
Бешинчи томон.

Бу эса яна бир Цветаевача “Мне нравится”:

...Яхшиям, кўксимда согинч уфурган,  
Яхшиям, дилимни ўртаган ҳижрон.  
Яхшиям, мен сени яхши кўрмайман,  
Яхшиям, мен сени кўрмайман ёмон!  
**(Маҳфузा И момова)**

“Хатодан кўрқанни кўрқитиб бўлар,  
Худодан кўрқанни кўрқитиб бўлмас!” дей жонли сатрлар ёзган, ички қофиянинг гўзал намуналарини яратган марҳум Жўрабек

Рамазонов қисқа умри давомида нимадир айтишга улгурди. Бобур Элмуродов эса қаршилантиришнинг беназир намуналарини кашф қиляпти: “Бир кун кўнгли борлар қуришса турмуш, Бир кун кўнгли йўқлар чалмаса торни”. Адҳамжон Мақсадов жонлантириш усули орқали қисматни оригинал ифодалайди: “Нетай сенинг томон чорласа, Кафтимдаги ҳамма чизиқлар”.

Элбек Эркин эса “Тўрга тушган олтин балиқдай Мезонларга илинар япроқ”, деяпти: табиат манзараси ва ҳаёт фалсафаси уйқашиб кетган. Олди-ортига қарамай шитоб билан ўтаётган умрми, кун сайин бой берилаётган имкониятларми... сатрлар қатида янада чуқурроқ нималардир борлигини илғайсиз.

*Ҳамма тажрибалар мот бўлаётир,  
Юрагим бошимдан каттароқми-я?  
Яқинлар бирма-бир ёт бўлаётир,  
Йигласам, қулсан ҳам сиз керак, Ая!*  
**(Нафиса Омонова)**

Ҳар сатри дурдона шугина шеъри учун ҳам Нафиса эътирофга лойиқ. “Юрагим бошимдан каттароқми-я?” дейа ақл ва қалб муҳорабасини янгича ифодалаган шоира муҳаббатнинг ҳад билмаслигини қизил ҳошия ҳатлаган хатга ўҳшатади. Бу топилмадан ҳайратингиз ошиб турганда “Омад – сиз ясаган ўйинчоқ, ая” деб изтиробини ҳаё билан ифодалайди-да, яна овутади: “Кўнгилдан баландмас ҳеч қайси қоя!”. Шеърни бир ўқишида ёдлаб олдим.

Хулоса қиласидиган бўлсак, интернет нақадар назоратсиз, қонуниятсиз, бетизгин ҳудуд туюлмасин, бу ерда адабиёт, шеърият ўсяпти, ривожланяпти. Фақат бу ўсишни кўриш учун зарур муҳитни ўзингиз яратишингиз керак. Айтишади-ку: “Донолар билан дўстлаш, ақлли сухбатларда бўл, яхши китоблар ўқи – миянгни сифатли озуқа билан тўйдир”. Интернетда ҳам яхши шоирларни ўқиш, ёмон шеърлардан ҳимояланиш учун муносиб муаллифларга яқинроқ бўлиш керак. Озгина синчилик, дид ва бадиий фаросат бўлса, сизнинг виртуал дафтариңиз фақат яхши шеърларга тўлиши шубҳасиз.



Шавкат ЖҮРАБЕК

1983 йили туғилған.  
“Иккимиздан қолған  
хотира”  
китоби чоп этилған.

### Куз ва баҳор оралигидა

Юрак ишқдан тағин қувонди,  
Күйган әди аввал дөгидә.  
Қалбда таниш ҳислар уйғонди  
Куз ва баҳор оралигидә.

Шаббодалар беҳадик елди,  
Ўзни тоблаб офтоб тигидә.  
Оқ орзулар қоплади ерни  
Куз ва баҳор оралигидә.

Зулмат ёди уйғонмас, карахт,  
Оймомонинг пора дилида...  
Куртак отди барг түккан дараҳт  
Куз ва баҳор оралигидә.

Армон ўзин ошкор этғанди  
Хотиралар қорачигидә.  
Қалбда қорлар эриб кетғанди  
Куз ва баҳор оралигидә.

Согинч әзар маңюс құнғилни,  
Күшиқ бошлаб қүшлар тилида.  
Күрганмисиз гуллаган гулни  
Куз ва баҳор оралигидә?..

# Қалбда таниш ҳислар уйғонди

Учрашув

Этагин қоққанда ёввойи шамол,  
Майин шитирлайди камғап япроқлар.  
Юраги зардобга тўлиб бемажол,  
Ҳаёт қўшигини куйлади боғлар.

Олисдан елганда ҳаммол саболар,  
Райҳоннинг атрини элтар димоқча.  
Нафасин ичига ютган ҳаволар  
Бошин эгиб кетар йироқ-йироқча.

Бош устимда маҳзун жилмайғанда куз,  
Савобдай улгаяр сарғиши гуноҳим.  
Менинг юрагимда яшайди ҳануз  
Шамол – сенга етиб бормаган оҳим...

\* \* \*

Шамол дараҳтларнинг япргин силар,  
Чайқалади шохлар ўнгу сўл томон.  
Қуёш нури теккан барглар қалтирадар,  
Осмон жисми ичра жимиirlайди жон.

Чақмоқлар қамчиilar булат галасин,  
Қарогидан ерга тўқилар қўзёш.  
Жунбушига келолмай мудраган, ҳазин  
Кўлмаклар ёшини аритар қуёш.

Кўк узра саф тортар турналар қатор,  
Ўсма тортган қизнинг қошидай ёли.  
Қуёш ҳам ҷўқади пастга бекарор,  
Қизаради уфқ тандир мисоли.

Сут эмған гўдакдек тўйинар дала,  
Шодон چугурулашар нағмагар қушилар.  
Аллалайди оқшом кун ботган палла,  
Ер уйқуда қўрар самовий тушлар...

## Ишқ ҳақида ёзмай күйгәнман

Совуқ қундан баҳор сўраманг,  
Қаро тундан наҳор сўраманг,  
Кўнгил сўранг, ашбор сўраманг,  
Ишқ ҳақида ёзмай күйгәнман.

Дилда не бор, тўқай борини,  
Тингланг қалбим оху зорини,  
Ёзайин деб дил хуморини,  
Ишқ ҳақида ёзмай күйгәнман.

Субҳидамдан сабони сўранг,  
Шамоллардан садони сўранг,  
Гуноҳлардан жазони сўранг,  
Ишқ ҳақида ёзмай күйгәнман.

Айрилиққа кўнмагай кўнгил,  
Бирён эдим зулмидан – бедил,  
Юрак синди ҳажрида чил-чил,  
Ишқ ҳақида ёзмай күйгәнман.

Юрагимни ўйганиман эзиб,  
Сўнг қогозга кўйганиман ёзиб.  
Севишими мөлманг деб сезиб,  
Ишқ ҳақида ёзмай күйгәнман.

## Садоқат

Садоқат – қувончдир!  
Титраган дил, лаб,  
Мехр-муҳаббатга эришимок, висол.  
Садоқат шундайки, миллиард йиллаб  
Қорни қучиб турган чўйқилар мисол.

Садоқат – ишончдир!  
Йўқламас кинни,  
Хаётнинг ранг-баранг нафаси, таъми.  
Садоқат шундайки, Она заминни  
Ўраб авайлаган озон қатлами.

Садоқат – баҳордир!  
Гуллар эрта-кеч,  
Инсоннинг бегубор болалигидаи.  
Садоқат кўнгилдан айрилмайди ҳеч,  
Эт билан тирноқнинг оралигидаи.

Садоқат – Қуёшдир!  
Само гулхани,  
Нуридан унган ер тупроғи, тоши.  
Садоқат – гўёқи тўлган ой каби,  
Тугаб бораётган ернинг бардоши...

## Дераза ва қиз

Дераза ёнида қизалоқ,  
Кўйлаги шоҳидан, менимча.  
Сочлари зангори, кўнгироқ,  
Белида белбоги тугунча.

Дераза ёнида қизалоқ,  
Ой нури шуъласи аксида.  
Таралар янада майинроқ,  
Бу нурлар қизчанинг юзига.

Дераза ёнида қизалоқ,  
Ё жажжи фаришта, ё оққуш.  
Хуисурат, кўнгилга яқинроқ,  
Кўрганим ўнгмиди ёки туш?

Дераза ёнида қизалоқ,  
Кимнингдир қароги, гавҳари.  
Менга не ишқ бердинг, эй Оллоҳ,  
Бу кимнинг энг буюк асари?

Дераза ёнида қизалоқ...

Бир ишга киришмай туриб, ундан чиқиш йўлларини ўйлаб қўяр эдим. Уни тўғри тадбир, қатъий жазм, сабр-чидам кўрсатиб, эҳтиёткорлик билан узогини ўйлаб, ортини эсдан чиқармаган ҳолда охирига етказардим.

**“Темур тузуклари”дан**

Ўзингиз орзу қилган киши бўлишингиз учун ҳеч қачон кеч эмас.

**Жорж Элиот**

Бекорчиликдан ақлий ва жисмоний ланжлик келиб чиқади.

**Дмитрий Писарев**

Агар сен бирор нарсани ўйлаб топа олсанг, уни бажаришга ҳам қодирсан.

**Уолт Дисней**

## “Буюк одамлар ҳеч қачон ношукр бўлмайди”

Муваффақият ҳақида ҳикматлар

Буюк муваффақиятлар қатъият ва қунт-матонатнинг натижаси, холос.

**Сэмюэл Жонсон**

Энг муҳими – муваффақиятга эришиш учун нимадир қилиш ва бунга ҳозироқ киришиш. Жуда оддий бўлишига қарамай, муваффақиятнинг энг асосий сир-синоати шу. Ажойиб-ғаройиб ғоялар ҳар кимда бор, бироқ уни ҳаётда татбиқ этаётганлар, айниқса, айни дамда шу иш билан шуғулланаётганлар жуда кам. Эртага ёки кейинги ҳафта эмас, ҳозироқ ишга киришиш керак.

**Нолан Бушнелл**

Ҳаётдаги энг биринчи ва энг муҳим нарса ўзингни ўзингга бўйсундиришга интилишдир.

**Вильгельм Хумболдт**

Муваффақият фақат интилувчан одамгагина насиб қиласи. Қийин шароитда тушкунликка тушадиганларни эса жуда кам йўқлади.


**Жавоҳарлаъл Неру**


Инсон қанчалик ақлли ва меҳрибон бўлса, одамларнинг меҳр-муҳаббатини шунчалик кўпроқ ҳис қиласи.

**Блез Паскаль**

Иш билан машғул бўлмаган одам ҳеч қачон тўлақонли баҳтли бўлолмайди, ишёқмас кишининг юзида ҳамиша норозилик ва ҳафсаласизлик аломатларини кўрасиз.

**Хенрих Ҳейне**





Ҳаёт оғир меҳнат ва ташвишларсиз сизга ҳеч нарса ҳадя этмайди.

**Гораций**

Умр ўтказишнинг иккита усули бор. Биринчиси, гүё ҳеч қандай мўъжиза йўқдай яшаб ўтиш. Иккинчиси, ҳаётдаги ҳамма нарса мўъжиза эканига ишониб яшаб ўтиш.

**Альберт Эйнштейн**



Йигитликда йиғ илмнинг маҳзани, Қарилек чоғи сарф қилғил ани.

**Али舍ер Навоий**

Обрў-эътиборни шакллантириш ва мустаҳкамлаш учун йигирма йил керак бўлади. Уни йўқка чиқариш учун эса беш дақиқа ҳам етарли. Агар сиз буни жиддий ўйлаб кўрадиган бўлсангиз, қилаётган ишингизга муносабатингиз албатта ўзгаради.

**Үоррен Баффет**

Шиҷоатли кишиларни дўст тутардим, чунки Тангри таоло жасур кишиларни ардоқлайди. Уламо билан сұхбатда бўлдим ва пок ниятли, тоза қалбли кишиларга талпиндим.

**“Темур тузуклари”дан**

Бошқаларга ёрдам беришга интиладиган одамгина муваффақиятга эришади. Фақат ўз фойдасини ўйладиганлар эса мағлубиятга учрайверади.

**Брайан Трейси**

Мақсадсиз одам ҳеч бир ишдан лаззат топмайди.


**Жакомо Леопарди**

Одамни барбод қилиш учун кўп нарса керак эмас, шунчаки у қилаётган иш ҳеч кимга керак эмаслигига уни ишонтириш керак, холос.

**Фёдор Достоевский**

Ялқов бўла туриб соғлом юришни истаган киши жим туриб овоз чиқаришни истаган кабидир.

**Плутарх**



Муваффақият асосий мақсадиңиз кўз олдингизда турганда келади. Мақсадингиз кўздан нари кетиши билан муваффақият ҳам кетади.

**Бернард Шоу**

Бутун умрингиз давомида орзунгизга интилинг ва вақтингизни бехуда сарламанг. Чунки ҳавога учган вақт сиздаги барча яхши нарсаларни тортиб олади.

**Афлотун**

Ношуқрлик кучизликнинг кўринишидир. Буюк одамлар ҳеч қачон ношуқр бўлмайди.

**Гёте**


Энг зўр қобилиятлар бекорчилик сабаб сўнади.

**Мишель де Монтень**

Бекорчининг танаси қандай заифлашаётганига, суви ҳаракатсиз кўлнинг сасиётганига бок.

**Овидий**

**Ориф ТОЛИБ**  
тайёрлади.



## Лутф

Марк Твенниң қабулиға ёши үтінқираб қолған бир аёл киради. Ёзувчи унга лутф қиласы:

– Ўхұ, олдингидай ёш ва гүзалсиз, хоним.

Аммо хоним саломға яраша алик олмайды:

– Афсус, мен сиз ҳақингизда бундай мақтовли гап айтольмайман.

– Менға үхшаб алдасанғиз бўлади-ку, – деб маслаҳат беради ёзувчи.



## Сахийлик тутганда...

Александр Дюмадан таниқли бир танқидчининг дағн маросими учун беш франқ сұрашади.

– Мана, ўн франқ олинг, – деб сахийлик қиласы ёзувчи,

– яна бирорта

танқидчини қўшиб

кўмворарсизлар.

## Қалам сотувчи

Виктор Ҳюго Пруссияга йўл олади. Чегарада:

– Нима билан шуғулланасиз? – деб сўрайди анкета тўлдираётган жандарм.

– Ёзаман, – деб жавоб беради адид.

– Тирикчилигингиз нимадан, деб сўрайтман, – дейди назорагчи тушунтирган бўлиб.

– Қаламдан, – деб қўя қолади Ҳюго.

– Ҳа, ундан бўлса, – деб ёнгил торгади жандарм, – “касиб” деган жойга “қалам сотувчи” деб ёзиб қўямиз.



## “Бош” деб аталадими?

Машҳур болалар ёзувчиси Ҳанс Кристиан Андерсен ташқи кўринишига у қадар эътибор беравермас эди. Оҳори қолмаган плаши ва эски шляпасини кийиб, Копенхаген кўчаларида саир қилиб юрарди. Бир куни бир олифта уни тўхтатиб, саволга тутади:

– Тақсир, бошингиздаги авави матоҳ “шляпа” дейила-ди-да, а?

Ёзувчи шу заҳоти жавоб беради:

– Олифта шляпа-нгизнинг остидаги авави матоҳ “бош” деб аталади-да, шундайми?



O'ZBEKISTON YOSHLARINING ADABIY-IJTIMOIY JURNALI

ISSN 0207-9137

# YOSHLIK

II  
2016




**Умарали  
Норматов**  
Эл-юрга,  
шеъриятга  
бахшида умр

**Халима  
Худойбердиева**  
Бир сатрлар  
келади  
жонбахш

Исажон Султон  
**Генешик**

# Республика ёш ижодкорлари нинг “Истеъдод мактаби” VIII семинаридан



# Ўзаро ҳамкорлик кенгаяди



“Камолот” ёшлар ижтимоий ҳаркати, “Ўзбекнаво” эстрада бирлашмаси, Ўзбекистон Ёзувчилар уюшмаси, Ўзбекистон Бастакорлар уюшмаси ҳамкорлигига “Эстрада ва ёшлар” республика форуми ўтказилди. Тадбирда санъатшунослар, шоирлар, бастакорлар, эстрада хонандалари, ёшлар қатнашди.

Форум тўртта секцияда иш олиб борди, 100 га яқин таклифлар ишлаб чиқилди. Биринчи маротаба ташкил этилган форум сўнгига фаол иштирокчиларга сертификатлар топширилди.

Келгусида ҳамкорликни янада кенгайтириш, соҳани ривожлантириш, муаммоларни биргаликда бартараф этиш масаласида фикрлашиб олинди.

## ҚАДРЛИ ЖУРНАЛХОН!

**Севимли журналингизга 2017 йил учун  
обуна бўлишни унутманг!**

Обуна индекси: 822

ISSN 0207-9137









9 770207 913700 >



Китоб миллатнинг ақл кўзини ёритувчи офтобдир!

## ҒАФУР ҒУЛОМ НОМИДАГИ НАШРИЁТ-МАТБАА ИЖОДИЙ УЙИ



*Сизга тақдим этилаётган ўзбек  
ва жаҳон адабиётининг энг сифа намуналаридан  
даҳфраманд бўминг.*

Мурожат учун манзил: 100128, Тошкент ш., Лабзак кўчаси, 86 уй.

Телефонлар: (+99871) 241-83-29. Моб.: (+99895) 144-41-82, (+99893) 791-00-70, (+99895) 195-42-42  
www.gglit.uz E-mail: info@gglit.uz

Махсулотлар сертификатланган. Хизматлар лицензияланган.

